

WANTOK

Niuspepa bilong Papua Niugini stret


25 yia nau

52 pes

Namba 1110

Wik i stat long Fonde, Oktoba 5, 1995

50 toea



Plis dog karim kamera bilong kisim stil poto

● Nem bilong dispela dog em Arry. Poto i soim em i karim wanpela liklik kamera antap long het bilong em, namel long tupela yau. Em i ken go long ol hap em man i no inap go na kisim ol stilpoto, na salim i go bek long hap we wasman bai lukim long skrin. Maski dog i go long ples tudak olsem aninit long ol pipia bilong haus em guria i bikpela win i kamapim, kamera ken salim gutpela piksa i go bek long skrin. Na dispela i gutpela long ol helpim wokman long sevim laip bilong pipel kwik.

Poto i kam long LONDON PRESS SERVICE

Unagi stretim rekot - Skate laik sekim

ELIZABETH LENY i raitim


Bod miting bilong ol Nesenal Kapital Distrik Komisina (NCDC) long Trinde aste, i askim olgeta menesa bilong wanwan seksen insait long NCDC long raitim ripot i go long bod insait long 24 awa taim (wanpela de). Ol i mas ripot long wanem eria ol i lukautim, wanem wok ol i save wokim, hamas mani ol i nidim long wokim dispela wok na tok stret long wanem hap ol i yusim moa mani na wanem hap-ol i yusim liklik mani. Na wanem as tru ol i mekim dispela.

Dispela mosen i kamap long wanem insait long baset rivyu bilong dispela yia, bod i painim aut olsem mani bilong baset i no go stret. Em long wei bilong tromoi moa mani long sampela projek na sampela i nogat.


Narapela tupela mosen ol bod memba i tok orait long en, em long katim daun namba bilong ol wokmanmeri insait long komisison. Nau yet i gat 1058 wokmanmeri bilong NCDC we i gat 150 moa long dispela namba ol i ting long i gat. Narapela mosen em long pinisim ol manmeri husat i krismas bilong ol i abrusim mak bilong wok na tu i gat ol sik long bodi.

Gavana Bill Skate i tok em i laikim ol dispela samting i mas kamap hariap. Long dispela wei komisison inap sevim mani na kirapim gutpela divelopmen na sevis i go long ol pipel.

Gavana Skate i tok hevi i stap wantaim menesmen. Na long tingting bilong em yet em i tok menesmen i mas tok stret long wanem wei



● Mista Skate.



● Mista Unagi.

ol i yusim mani. Tasol em i tok dispela em i tingting bilong em. Na ol komisina tu i gat tingting bilong ol yet. Na olgeta yet bai painim tingting wantaim long wanem samting ol bai mekim. Long dispela em i tok ol komisina yet bai tok orait long dispela mani ol i bin yusim. Nau yet dispela disisen i stap wantaim Gavana na ol komisina.

Mista Skate i go het long tok tu olsem bai i gat wanpela kot long wanem ol komisina i gat rait bilong wokim disisen bilong NCDC bod. Nau yet i gat ol komisina bilong bipo taim Minista bilong Viles Sevis na Lokol Level Gavman i stap olsem Lod Meya na ol komisina bilong Gavana Skate.

Mista Skate i tok dispela tupela komisina bai go long kot pastaim long painim aut husat em ol komisinas tru.

Bihainim dispela, Minista bilong Provinsal na Lokol level gavman, David Unagi i makim pinis wanpela

komiti long wokim wanpela wok painimaut insait long komisison bilong Nesenal Kapital Distrik. Mista Unagi i tokaut long dispela insait long wanpela kibung bilong em long Tunde.

Long bekim dispela, Mista Skate i tok em i nogat tok long dispela na em i tok sapos i gat ol komiti bilong wokim ol wok painimaut, em i bai step daun inap long tupela wik.

Long givim taim long ol wok painimaut long go het. Long wanem em i tok em i no laik paulim dispela ol wok painim aut wantaim politiks.

Gavana Skate i bin tokaut long wanpela konfrens bilong em long Mandé olsem em i lukluk long askim ol bod memba bilong Nesenal Kapital Distrik long rausim ol bikpela menesmen opisa bilong Nesenal Kapital Distrik.

Long wanem em i tok em i painimaut olsem i bin i gat mani inap long K3.72 milion we Nesenal Kapital Distrik i bin tromoi nating.

I go moa long pes 3.



DELTA

BIKPELA KEBIN SPEIS



STRONGPELA TRU NA INOPLAJ NABAUT TRAK
DISPELA TRAK IGAT BIKPELA SPEIS LONG KEBIN
NA TU IGAT BIKPELA SPEIS ARASAIT BILONG
KARIM PLANTI KAGO NA OL MANMERI
NABAUT DELTA. ISTAP NAU LONG
ELA MOTORS BRANS KLOS
TU LONG PLES BILONG YU!

Ela Motors
OLGETA MAP LONG
PAPUA NIUGINI

Ol soldia no paitim pater-Huai

BIHAINIM ol ripot long redio na niuspepa we ol i autim stori bilong wanpela Bogenvil pris sampela ami long Nagovis insait long saut wes Bogenvil i bin paitim na kamapim bagarap long em las mun, difens fos komanda Brigidia Tony Huai i tok em dispela i tru tasol.

Tasol em ino wanbel long sampela toktok we Katolik Sios Asbisop bilong Rabaul Karl Hesse, asbisop bilong Mosbi Sir Peter Kurongku na Pater Tony Nawata yet i bin mekim.

Moa yet ol ripot we i sutim tok long ol sekyuriti fos i bin kalabusim pater i stap long Sovele helt senta na tu ol no bin laik larim em i go long Sohano haus sik long kism tritmen long ol bagarap we em i kism long han bilong ol. Tasol em i tok ol ripot long sampela lain ami i paitim na kamapim bagarap long em long Moratona em i tru.

Brigidia Huai i tok pastaim Pater Nawata i wok gut wantaim ol ami long Nagovis long pulim ol yangpela man i kamaul long bus na senisim pasin bilong ol. Ol ami i bin amamas long dispela.

Tasol dispela gutpela wok bung namel long ol yet na pater i bin bagarap taim ol ami i laik tok tok long wanpela yangpela BRA manki. Long dispela taim nau boi ya i ranawe long lukaut bilong Pater Nawata i go long bus gen.

Olsem na ol ami i no bin amamas na ol i odarim pater long kalap long balus na go wantaim ol ami lain long Sovele long kwestenim em long asua ya. Tasol ripot we Brigidia Huai i givim em Pater Nawata i no bin laik kamaul long haus taim ol soldia i kam kism em. Olsem na ol ami i paitim em na kamapim bagarap long bodi bilong em.

Brigidia Huai i tok long taim pater i stap long Sovele helt senta, ol ami ino bin holim em kalabus, nogat. Em bin stap aninit long lukaut bilong ol nes long hap.

Ol bin kism taim long salim pater i go long Sohano haus sik long Buka bikos ol nes na ami i no bin klia long husat bai i lukautim wokabaut bilong pater ya. Bihain ol ami i bin kism em i go long Sohano long Septemba 19.

Bikman i tok em i gat ripot bilong dispela samting we bos bilong ol ami long Bogenvil ibin mekim wok painimaut long em na redim.

Em i tok tu olsem ol i givim strongpela toktok long ol ami husat i wok long graun long Bogenvil long mekim gut wok bilong ol. Na wanpela long ol em long bihainim ol intenesel lo long taim ol i holim ol strongpela BRA.

BRA long Waropa eria kism bek samting bilong pait

OL LAIN Bogenvil Revoluseneri Ami (BRA) memba bilong Waropa eria long Tinputz, Not Is Bogenvil i kism bek ol samting bilong pait.

Long ol ripot we Wantok i kism long Buka, ol lain i mekim olsem bikos wanpela olupela komanda bilong ol i stap lus yet. Na nogat man i save wanem samting i kamap long em o em i stap we.

Nem bilong em Wesley Teumu. Foapela wik i go pinis na nogat man i save man ya i stap we. Ol famili, hauslain na ol lida bilong Tinputz eria i painim em na ol i go long ol ami na plis, tasol ol i no kism wanpela strepela ansa long mekim bel bilong ol isi.

VERONICA HATUTASI i raitim

Long ol ripot i kam long Bogenvil, man ya i bin lus long las mun yet bihain long ol memba bilong plis mobail skwat husat i lukautim lo na oda long Tinputz eria i kism Teumu long go askim.

Dispela em bihainim ol trabel na bagarap i bin kamap long Soroken na Not Bogenvil eria we BRA komanda, Ishmael Toroama na ol lain bilong em i bin kamapim.

Memba bilong Tinputz long Bogenvil Trensisenel Gavman na man i makim ol BRA long eria ya, Clarence Kosun i bin tokaut long dispela nius olsem ol BRA i kism bek ol samting bilong pait.

Em i tok stat long taim oi i painim Teumu long las mun, em i wok long wokim olgeta samting long mekim ol lain bilong em na ol BRA long eria long stap isi.

Em i traim hat tru long kism sampela toktok long ol plis na sekyuriti fos long wanem samting tru i kamap long dispela man (Teumu), tasol inap nau, ol plis na ami long Tinputz na Buka i no givim wanpela klia toktok long dispela samting wari.

Long nau yet ol lain bilong em i bilip olsem em i dai pinis long han bilong ol plis mobai skwat.

Mista Kosun i tok em bai go het long toktok wantaim ol BRA long Tinputz na

tu ol plis na ami long Buka na Tinputz inap long em i kism sampela klia toktok bikos em no laikim trabel i go bikpela gen long eria bilong em. Bihainim dispela nius bilong ol Waropa BRA i kism bek ol samting bilong pait, nogat hevi o pait i kamap yet long hap. Olgeta samting i stap isi tasol.

Long wankain taim tu Provinsal Plis Komanda long Buka, Joel Kean i tok em i nogat save long wanem hap Teumu i stap. Bikos rekot buk bilong ol man i gat nem long kism sas i nogat nem bilong man ya. Em i tok ol lain bilong Teumu i ken painim em long Buka rum gat, tasol ol i no inap kism wanpela ripot bilong em.

Unagi laik stretim rekot na Skate laik sekim

i kam long pes 1

Em i tok em i painim dispela aut long wanpela wok painimaut bilong em yet we em i bin kism wanpela biknem kampani long wokim dispela wok painimaut. Bihainim dispela Mista Skate i sutim tok i go long Lod Meya bilong dispela taim na nau Minista bilong Viles Sevis na Lokol Levul Gavman, David Unagi na menesman bilong Nesenal Kapital Distrik.

Bihainim dispela, Mista Unagi i tok em i orait sapos em i asua. Tasol namba wan samting em i mas wokim em long painim as bilong dispela samting. Em i tok em i bihainim seksen 31 bilong NCDC ekt long kamap wantaim dispela komiti.

Ol memba bilong dispela komiti em Rimbik Pato wanpela loya olsem siaman, Isikiel Mesulam wanpela loya tu na wanpela edministreta na Lens sekreteri bipo, Karipe Pittz. Dispela wok painimaut bilong ol bai i go inap long wanpela mun.

Mista Unagi i go het long tok olsem em i go het tu long kamap wantaim dispela komiti long wanem em i tok em i mas lukautim gutnem, fameli na ol sapota bilong politikel pati bilong em.


Mista Unagi i tok long toktok bilong yusim mani nating, ol pipel i mas save olsem dispela taim NCDC i bin

wokim baset bilong em, strong bilong mani i bin lusim strong bilong em. Em i tok long dispela taim NCDC i bin wok long go het wantaim dispela Boroko Draiv Projek we inap long K2.5 milion. Na dispela kontrekta i wok long askim long moa mani long wanem ol prais bilong ol samting i wok long go antap. Em i tok dispela em i as bilong dispela hevi. Long wanem em i tok ol i mas baim narapela K500,000 gen long dispela projek. Tasol em i tok komiti bai go het long wok bilong ol long painim aut rong i stap long we.

Em i tok tu olsem wanem samting ol komiti bilong em i bai painim bai go stret long Nesenol Eksekutiv Kaunsol(NEC). Long wanem em i bihainim stret lo (NCDC ekt Seksen 31). Em i tok na wanem samting Mista Skate i painim bai i no nap i go insait long long NEC. Tasol em i ken yusim long mekim klia na stretim ol rong i stap insait long opis. Olsem na Mista Unagi i tok i gutpela olsem Mista Skate i lus tingting long go het wantaim ol wok painim aut bilong em na wok wantaim dispela tripela memba komiti. Long givim ol stretpela toktok.

Mista Unagi i tok em i gat bilip long dispela komiti. Na em i tok komiti i no nap bagarapim wok bilong ol narapela komiti na komisen.

DR. WONG'S MARASIN SOP



- Sop bilong rausim
- Kaskas
 - Jems
 - Skabis skin soa
 - Skin soa
- Yusim olgeta de

Askim stoa klostu long yu

Distributed by **C B Chee** Lae: 42 1333 Hagen: 52 1579 For Wholesale savings

Toro

OL SAINA KUKIM KAIKAI NA OL I PUTIM KAINKAIN SOS NA OL LIKLIK OL INGRIDENS IGO INSAIT LONG KAIKAI...

UHU... MI SAVE LAIKIM OL KUK BILONG SAINA SWIT MOOA!!

SLURP!

UH? EM WANEM YAH? LUK OLSEM KIAU BILONG KOKROS YAH! YAK!!

TORO KAIKAI GO I STAP NA LUKIM WANPELA BILAK SAMTING NA TING EM KIAU BILONG KOKROS...

BAGA KROS NA EM I GO KOMPLEN LONG SAINA...

HEY KONG KONG! YU TING MI BUS KANAKA BLO YU, AH? EM KIAU BILONG KOKROS, MI LAIK NU KAIKAI!!

FUD I ORAIT, DATS BLAK BIN, GUD!!

OL SAINA TOK KIAU LONG EM, TASOL TORO I STRONG YET... NAU SAINA MAN I KROS NA EM BIKMAUK OLSEM OL KUNFU MAN...

HAI!!!

OKE! OKE! AI GO!

TAIM TORO HARIM SINGAUT, EM TROMOI KAIKAI NA LUS PINIS...



Amamas long kisim namba wan holi komunio .
Long mun Ogas, bikpela lotu i kamap long Hahela Katolik peris em Lucas Otto i go pas long kamapim. Lotu i bilong lukim 30 yangpela manmeri i kisim namba wan holi komunio.

Baptis sios bai bungim ol yangpela manmeri long Lae

WANPELA bikpela bung bilong ol yangpela manmeri bai kamap long Kalvari Baptis sios long Lae long tumora, Fraide Oktoba 6, 1995.

Nem bilong dispela bung em "Yut bilong ol Krai Reli". Na astingting bilong dispela bung em long mekim ol yangpela manmeri i luksave olsem Krai em i bos long laip bilong olgeta

pipel.

Kalvari Yut Dairekta, Brata Kala Rawali na narapela memba bilong sios, Vere Nou bai go pas long oge-naisim dispela bung. Man husat bai kamap long dispela bung na autim toktok long ol yangpela em Pasto John Kelly long Laithaus Baptis sios long Tufi insait long Oro provins.

Katolik pater bilong Manus amamasim 25 yia

OL Katolik sios memba bilong Manus provins husat i save stap long Mosbi siti i bin bung long Murray Bareks haus lotu long mun Septemba. Na amamasim 25 yia bilong wanpela pikinini bilong ol long wok pater.

Man ya em Pater Alois Pamolen. Em i namba wan man bilong Papua Niugini na Bomana Holi Spirit Seminari long kamap olsem pater bilong Daioasisen Oda. Pater Alois i bilong Bipi Ailan long Manus provins.

Bikos dispela em i Silva Jubili yia bilong Pater Alois, ol wantok i lukim olsem i gutpela aidia long amamasim 25 yia bilong em olsem pater long ol hap we em bin wok long em i kam inap nau.

Long Sande Septemba 18, bikpela lotu wantaim kaikai na ol danis na singsing tumbuna i bin kamap long Murray Bareks.

Ol pipel bilong Pater Alois yet long Bipi Ailan, Manus i bin amamasim dispela 25 yia amamasim long Janueri bilong dispela yia.

Bisop bilong Kavieng na Manus, Ambrose Kiapseni MSC na ol arapela sios memba i bin bung wantaim ol pipel long wanpela bikpela lotu, kaikai, danis na singsing bilong amamasim silva jubili bilong Pater Alois. Dispela em long Kavieng yet, wanpela hap we Pater Alois i bin wok long em pastaim. Wankain samting i bin kamap long Lae we Katolik komyuniti long hap i bin bung long mekim ol wok.

VERONICA HATUTASI i raitim

Orait, Pater Alois i bilong Bipi Ailan long Manus provins. Mama i karim em long ples Mitaha long Bipi Ailan, Manus provins long yia 1938. Em bin las long famili, we i gat 7-pela pikinini.

Olpela bisop bilong Rabaul long 1950, Bisop Samach MSC i bin givim baptis, konfemesen na ol arapela sakramen long Pater Alois taim em i pikinini yet.

Pater Phili Kelly MCS bilong Yunaited Stet ov Amerika i bin kirapim misin na skul long Bipi Ailan long 1950. Na long 1952 inap long 1957, em mekim praimer skul long Bundralis, Manus Ailan.

Long 1958 na 1959, em bin skul long Sen Paul's Vuvu, Is Nu Briten. Em i skul aninit long ol aidia bilong Kwinslen junia sek-enderi skul.

Long 1962 i kam inap long 1967, em bin skul pater long Holi Spirit mesa seminari long Madang. Taim skul ya i pas, em muv i go long Boman seminari na pinisim tioloji skul bilong em.

Long 1968, olpela asbisop bilong Mosbi asdaioasis, Asbisop Vigil Kopas MSC i bin mekim em kamap dikon long Sen Joseph's Katolik Sios, Boroko. Na long Janueri 17, 1970 em i kamap pater long han bilong Bisop

Alfred Stemper long ples bilong em yet long Bipi Ailan.

Long 1970 i kam inap long 1975, em bin wok olsem peris pater long ol Katolik peris long Nu Ailan. Long 1976 em bin kisim wok olsem saplen bilong ol 1PIR ami long Taurama Bareks inap long 4-pela yia olgeta.

Long 1981, ol bin transferim em i go long Igam Bareks long Lae long tupela yia. Em bin mekim bikpela wok long givim trening long sait bilong skul na lotu wantaim long ol ami lain, planti bilong ol nau i holim bikpela wok i stap long PNG Difens Fos.


Long 1983, bisop bilong Kavieng na Manus daioasis, Asbisop Stemper i ritia. Na ol i singautim Pater Alfred long lukautim daioasis.

Stat long 1984 i kam inap nau, em i wok olsem peris pater long Papitalai na difens fos beis long Lombrum, Manus Ailan.

Wanpela bikpela samting we Pater Alois i bin tokaut long en long jubili toktok long Murray Bareks haus lotu em sapot we komyuniti i ken givim long ol yangpela manmeri husat i laik kamap pater, brata na sista. Em i tok sios i laikim moa yangpela manmeri long go hetim wok bilong sios olsem ol pater, brata na sista. Na i askim ol sios memba long kainkain hap bilong kantri long luksave long dispela na givim sapot.

YU NO INAP WINIM

TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapotim dispela nupela kar.

 **TOYOTA**

Ela Motors



FRANS MAS KLIA... • Ol lain bilong Grinpis long Mururoa Atol long Frans Polynesia i sanap strong tru long protes egensim Niuklia testing bilong ol Frans maski ol plisman bilong Frans i pasim ol.

LIKLIK NIUS

Kot painim OJ Simpson nogat rong

LOS ANGELES: Kot long hia i painim olsem OJ Simpson i no bin kilim i dain meri bilong em wantaim narapela poroman. Dispela kot bilong OJ Simpson i bin stap inap long wanpela yia olgeta. Wantaim tupela hap toktok tasol "not gilty," ol lain juri i tokaut olsem dispela biknem spotsman bilong kantri i mas traim go outsait na mekim nem bilong em i kamap gutpela gen. Insait long kot rum hia, planti manmeri i krai long dispela disisen na Simpson i amamas nogut tru na holimpasim loya bilong em Johnie Cochran.

Olpela meri bilong Simpson Nicole Brown wantaim meri bilong em om ol man i bin kilim long June 12 1994.

Packer givim K13 milien long wok kensa

SIDNI: Man husat i gat bikipela mani tru long Australia Kerry Packer i givim mani inap long K13 milien olgeta i go long Yunaited Stets Kensa Intitiut. Dispela mani bai go long Huntsmen Cancer Institiut long Yunivesiti bilong Utah, ol lain bilong Huntsmen Grup i tok long aste. Poroman bilong Pecker John Huntsman, man husat husat i kamapim Huntsman Grup of Kamapni i bin givim 100 milien kina tu long dispela Institiut.

Pop John Paul II bai raun long USA

VATICAN CITY: Pop John Paul II husat bai go raun long Yuniated Stets long wanpela 6-pela dei raun bilong em we em bai bungim Presiden Bill Clinton na long wankain taim tu ol toktok bilong kilim bebi long bel i kamap bikipela moa yet nau. Ol toktok ya i kamap bikipela long wanem USA i nogat wankain tingting olsem Pope long sait bilong kontrolim Populesen na UN Konfrens tu i gat wankain tingting olsem USA. Tasol olgeta samting i wok long go daun gut nau na planti pipel i wok long lukluk stret i go nau long dispela 6-pela dei raun bilong Pop long USA.

42 man dai long Turkey birua

ANKARA: Namba bilong ol manmeri i dai long wanpela guria long Dinar insait long kantri Turkey i go antap olgeta nau long 42 na ol atoriti i bilip olsem i gat moa manmeri i stap yet em ol i no painim. 25 manmeri tu em ol i bilip olsem i pas i stap aninit long wanpela bikipela haus i pundaun i kam daun taim guria ya i kamap long Sande apinun. Ol lain atoriti bilong painim ol lain ya i traim hat tru long mekim dispela ol lain i kamap fri. Taim ol i wok long painim yet, 27 man moa i dai gen na dispela liklik taun bilong Dinar em moa long 35,000 manmeri i lusim olgeta samting bilong ol long dispela bikipela guria.



PILAI LAKI... • Kainkain ol laki pilai i wok long kamap long olgeta hap bilong wol nau na long poto i soim wanpela nupela kasino long Sidni Haba long Australia i op na ol namba wan lain kastoma i woklong traim lak bilong ol i stap.




BIKPELA BIRUA... • Dispela tren bilong karim ol man i kapsait long Narashima Rao long kantri India na moa long 335 manmeri i bin dai. Dispela em wanpela bikpela bagarap tru long stori tumbuna bilong India.



WOK GUT... • Praim Minista bilong Japan Tomiichi Muruyama i givim gutpela toktok long ol self difens fos bilong Japan husat bai go long Rwanda long helpim ol refi-ju manmeri.

GO BEK GEN...

• Monica Seles wanpela namba wan tenis pilaia long wol i go bek gen nau long pilai. Em bin stap 2-pela autsait long dispela spot long wanem wanpela man husat i save sapotim em i bagarap nogut tru long em na sutim em long naip long 1993.



REDI LONG PAIT... • Ol sampela ol lain bilong kantri Cuba long Sentrel Amerika i wok long tren long pait olsem ol guerila paitman long kem bilong ol long Florida. Tasol long narapela sait, ol lain i woklong stretim toktok long dispela pait long kantri bilong ol yet.

OL WANSOLWARA NIUS

Maikronesia i laikim Frans long rispektim Saut Pasifik rijon

Federet Stets:

Federet Stets bilong Maikronesia (FSM) i bin askim long sapot bilong intenesenel komyuniti long skruim tok i go long Frans bilong rispektim ol kantri na pipel bilong Pasifik rijon. Na long dispela i kamap, Frans imas stapim ol nuklia tes we em i karimaut nau insait long Pasifik rijon. FMS ibin tokaut long dispela samting long bikpela bung bilong Yunaitet Nesens we i wok long go het nau long Nu Yok, Amerika.

Seketeri bilong Ekstenel Afeas long FMS Asterior Takesy i tok Frans i brukim Atikel 4 long rijonal konvensen we i tok long lukautim ol naturel risosis na envaironmen. Ol i kolim dispela tu long Numea Konvensen na dispela em i bungim wantaim Frans na nainpela Pasifik kantri wantaim Yunaitet Stets.

Atikel ya i mekim klia olsem ol kantri we i stap aninit long dispela konvensen i noken kamapim bagarap long ol samting bilong ol arapela memba kantri. Na em i tok strong long ol nuklia pawa kantri long stapim ol tes na wok wantaim long stapim dispela ol tes olgeta.

Em bin tok tu olsem histri bilong nuklia tes insait long Pasifik em i olsem ol bikpela pawa kantri i laik pilapilai wantaim laip bilong ol ailan pipel tasol.

Maski Frans na ol sampela arapela lain i tok ol dispela tes ino inap kamapim bagarap, ol pipel bilong Marshall Ailans i wok long bungim kikkbek bilong nuklia tes tude .

Frans difens i dinaim olsem ol bom tes i kamapim graun bruk

Pasifik:

Difens ministri bilong Frans i tok em i no tru olsem ol nuklia bom we em i pairapim long Moruroa Atol long Tahiti i kamapim graun i bruk long sampela hap bilong ailan.

Ripot long dispela samting i bin kamap long wanpela niuspela long Frans ol i kolim long Le Monde.

Ol toktok i kam long ministri i tokaut olsem pepa ya ino givim trupela ripot long dispela samting.

Le Monde niuspepa i tok dispela ripot i autim samting we planti pipel i bin pret long em i kamap long hap we Frans i karimaut ol nuklia bom tes bilong em.

Long wankain taim man husat i pait long indipendens bilong Tahiti Oscar Temaru i wonim Frans long noken salim ol ami bilong em long wanpela protes mas we ol i plenim long holim long Papeete, biktaun bilong Tahiti.

Temaru i tok mas long dispela Fraide bai i stat long Faa'a klostu long ples balus, hap we ol trabel i bin kamp long em long las mun taim Frans i pairapim namba wan nuklia bom.

Takis bilong ol kampani

Long dispela wik mipela bai lukluk yet long wei mani bilong ol bisnis i save go long takis. Mipela bai lukluk tu long tek-sesen bilong ol kampani. Sapos liklik bisnis i bung wantaim arapela bisnis em bai kamapim propraitri kampani.

Olsem long las wik ripot, takis i no save go stret long ol sol treda na pat-nasip bisnis. Tasol ol papa bilong dispela bisnis i save baim takis bihainim mak bilong mani ol i winim long bisnis.

Kampani i save baim takis stret bikos ol i gat luksave long wok bilong ol we i brukim ol na papa bilong bisnis. Mak bilong takis long ol net profit bilong kampani em flet reit long 25 toea long wanpela kina. (Kampani takis K100 em K25; K1,000,000 em K250,000)

Yumi makim olsem profit bilong wanpela kampani em K400,000. Takis bilong em bai K100,000. K300,000 em bilong kampani long mekim wok long en o givim long ol seaholda bilong em olsem dividen o win moni.

Dispela em gutpela tingting long kampani i holim bek sampela mani na i no givim olgeta long ol seaholda olsem divisen bilong ol.

Yumi skelim gen olsem kampani ya i skelim K150,000 i go long ol seaholda bilong em na holim bek sampela hap mani i stap. Taim em i givim dispela div-



iden, i mas gat 17 % dividen takis i raus long dispela. Mak bilong em i olsem K25,000.

Dispela i lusim olsem K124,500 bilong ol seaholda i skelim na kisim. (Dispela takis long dividen bai kamap olsem kredit egens wanem kain takis dispela seaholda inap baim long total inkam o win moni em bai kisim long bihain na tu long arapela win moni we kampani bai givim em bihain).

Ol propraitri kampani i no save skelim dividen o win moni i go long ol seaholda. Em i save baim ol tasol long potnait (sapos ol i wok long kampani) na tu em i baim dairektasip fi na takis bilong seaholda long dispela win moni long pesenel inkam takis reit.

Gutpela samting long dispela em bikos mani seaholda i kisim long kampani i save go long takis wanpela taim

tasol. Sapos seaholda i kisim dividen o win moni bilong em stret, em bai baim takis tupela taim.

Yumi glasim wanpela piksa. Sapos wanpela propraitri kampani (igat foapela seaholda) i gat net profit long K400,000. Ol seaholda na wokman i kisim dispela mani long potnait na dairekta fi olsem na takis profit bilong kampani bai nogat. Wanwan seaholda bai baim inkam long dispela mani ol i kisim. Tingim olsem wanwan seaholda i kisim K100,000, takis ol i baim bai olsem K32,200.

Dispela bai larim wanwan seaholda wantaim K67,800. Sapos seaholda i kiism wankain mani long dividen, ol bai kisim K48,750 (klostu K19,000 daun sapos ol ibin kisim potnait na dairektasip fi).

Long soim aut dispela; 25 toea long K1.00 i kamap olsem K100,000 long K400,000. Hap K300,000 i stap bai takis i kisim 35 toea long olgeta K1.00 (K105,000) lusim K195,000 (K48,750 long wanwan seaholda) 35 toea long wan wan kina i soim arapela teksebel inkam long K20,000.

I gutpela tu long kisim wanwan. Olsem potnait pe o dairektasip fi o dividen. Mak bilong mani yu kisim i mas kam long luksave bilong Intenel

Revenu Komisin olsem gutpela rot bilong baim takis i stap.

Sampela taim kampani i save laik long baim haus na skul fi bilong ol pikinini bilong ol dispela seaholda husat i wok tu long kampani.

Nau mipela i mas lukluk long wei ol kampani i save baim takis. Kampani i save baim tripela kain takis long instolmen long wanpela yia. Dispela em long Mas, Jun na Septemba. Long mun Septemba, olgeta pemen bilong dispela i mas pinis.

Taim ol i skelim pinis takis bilong kampani long 1995 (bilong 1996) bai kampani i mas baim ekstra takis i go antap long 1995 profit sapos em i mekim moa win moni abrusim mak em i bin tokaut las long las yia long opis bilong baim takis.

Sapos kampani i wokim takis profit long K500,000 long 1995 we em i baim K125,000 (nosenel takis) long tripela instolmen, na profit i go antap long K540,000 em i mas baim K1,000 olsem fainel teminel takis (25% bilong K40,000) antap long nosenel takis em baim. Total takis kampani i baim long dispela yia em K135,000 (25% bilong K540,000)

"Introducing Papua New Guinea's very first" . . .

Now you can purchase all Hair & Beauty Products at Paradise Hair & Beauty supplies

All Paradise products have large sizes

Total Professional range of products

Range of various US Hair & Beauty products now available

PARADISE
Hair
&
Beauty
SUPPLIES


PARADISE
P.O.Box 1671 Port Moresby
Tel/Fax: 325 0519

Victorian

PRO-LINE **CURL** **Summit**
DARK LOVELY **Queen Helene**
PALMER'S **SOFT SHEEN** **JOHNSON PRODUCTS**

PORT MORESBY LAE GOROKA MT.HAGEN MADANG MANUS KAVIENG BUKA

• Waigani • Boroko
• Koki • Town

"Located at all City Pharmacies"



Poskat soim Madang long 100 yia go pinis

Dispela em poto bilong wanpela poskat em ol postim long Rabaul long 100 yia i go pinis. Piksa long poskat i soim Freidrich-Wilhelmsahfen, em tude mipela kolim Madang. Man i kisim poto i sanap long hap em haus bilong Gavana bilong Madang, Peter Barter i sanap nau long en na kisim. Mista Barter salim dispela poto i kam long *Wantok* na i tok, sapos em sindaun long opis bilong em long haus, bai em lukluk i go daun na lukim ol wankain samting tude olsem dispela poto i soim long 100 yia i go pinis. Mista Barter kisim dispela poskat long wanpela leta em Misis Duttge, pikinini meri bilong Dokta Dempwolf i salim i kam. Dokta Dempwolf em i namba wan dokta long Jeman Niugini. Misis Duttge bihainim stori bilong papa bilong em, na bin limlimbur i kam na stap long Madang long mun Epril, 1995. Long Madang em i bungim famili bilong ol pipel husat i givim hap graun long papa bilong em. Papa bilong Misis Duttge i laik yusim dispela hap graun long planim kumu na lukautim sampela kakaruk. Dispela em wanpela famili bilong ples Nobanob. Dispela famili i gat yet plen bilong Dokta Dempwolf long lukautim kakaruk na planti kumu long graun ol i givim em. Ol i holim yet wantaim leta tu, em Dokta Dempwolf i raitim na salim long ol.

Poto i kam long Gavana bilong Madang, Peter Barter.




Ulamila winim 105 krismas

Poto i soim Ulamila Tinakap bilong ples Makurapau. Em i wanpela olupela memba bilong Makurapau Yunaited sios kongrigesen long Is Nu Briten provins. Em i winim 105 krismas na lusim laip bilong em Mande Septemba 7 long moning taim. Em i gat 98 krismas taim ol i kisim dispela poto. Ulamila Tinakap em i wanpela las lapun tru long Makurapau. Mama i bin karim long yia 1890. Papa na mama bilong Ulamila i dai pinis taim lotu Metodis i kamap. Metodis sios i stap pinis na wok inap long 15 yia olgeta orait mama i karim Ulamila. Mama i no karim Ulamila long haus sik. Nogat. Mama i karim em long as bilong wanpela diwai, mipela i save kolim long *iar*. Tude mipela i ken lukim dispela diwai i sanap yet. Tasol Ulamila i bungim 105 krismas na lusim laip bilong em pinis. Ulamila em i wanpela kristen meri. Bikos em i wanpela memba tru (ekelesia tuna) long kongrigesen bilong em. Long wanem em i meri bilong pre. Na i bin save tru olsem God i stap klostu wantaim em oltaim, taim em i stap lapun. Na em yet i bin givim laip bilong em long Jisas Kraus. Em i bin tok olsem laip bihain long em i dai i bilong em. "Heven em i gutpela ples, we ol pipel i stap long hap i save singsing na stap amamas. Dispela ples em i bilong mi. Na bai mi go na stap wantaim papa bilong mi, na bilong yupela tu." Ol dispela samting i bin stap long laip bilong Ulamila. Em bin harim ol tok na bin bihainim. Em i meri bilong bilip, na tude em i stap pinis wantaim Papa God. *REVEREN GERSON IGUA i raitim*



● Tupela man bilong resis long seil kanu sanap wantam ol sapota o ensina bilong tupela long Ela bis. Em long 1995 Hiri Moale festifel em i bin kamap long amamasim 20 krismas bilong PNG long Septemba 16.



● Foren Afeas seketeri Gabriel Dusava i sekanim Deputi Hai Komisina bilong Ostrelia long PNG, Grant Thompson, na tok gutbai long em. Dispela em long wanpela gutbai pati bilong Mista na Misis Thompson (sanap long namel), em i bin kamap long las mun. Mista Thompson pinis wok long hia, na go bek long Ostrelia.



● Sam Arusa (lephan) na John Vaki. Tupela i sindaun antap long ka em Sam yet i putim wantaim. Na bai stap insait long resis bilong ol ka long Mosbi. Resis ka ya i gat ensin bilong bikpela ka stret. Tasol Sam em i wanpela hap mekanik boi ya. Em stretim gut tru na putim ensin bilong bikpela trak i go insait long liklik ka ya, we taim i ron bai olsem smok balus stret. *Poto: Jack Am*



● Ila Geno, olupela top plisman putim flaua antap long matmat bilong ol plis opisa husat bin dai taim ol i mekim wok bilong lukautim lo na oda insait long kantri. Dispela em long Bomana ausait long Mosbi siti long Fraide Septemba 29, taim 200 plisman na plismeri i pered long Plis Rimemberens De lotu. *Poto: Ivan Bayagau.*

PNG LAIPSTAIL

Tupela grail mama go skul long Amerika

Dispela tripela wik kos bai helpim tupela mama long kam bek na strongim wok bilong ol grail mama long kamapim gutpela sindaun wantaim amamas na wok bung namel long wanwan famili insait long ol komyuniti long kantri.

VERONICA HATUTASI i raitim

TUPELA Grail meri i bin lusim kantri long Sande, Oktoba 1 na go long Yunaited Stet ov Amerika (USA). Tupela bai mekim tripela wik kos long hap.

Tupela meri ya em Elizabeth Waken, husat i siameri bilong Grail grup long Papua Niugini, na tu hetmeri bilong ol Grail meri long Nesenel Kapitel Distrik.

Narapela meri em Paula Paime, husat i go pas long edukesen fomesen program bilong ol Grail meri long Wewak, Is Sepik provins.

Tupela bai sindaun wantaim Grail meri bilong ol arapela memba kantri long wol insait long tripela mun lidasip kos, we bai kamap long ples ol i kolim long Grailville, Cornwall insait long Amerika.

Grailem i wanpela grup bilong ol meri long kantri we planti bilong yumi i no save harim nem bilong ol. Tasol ol i mekim wok bilong ol isi insait long ol komyuniti we ol i stap long em.

As long wok bilong ol Grail meri em long helpim ol arapela susa memba long kamapim gutpela sindaunna wokbung wantaim wanwan famili bilong ol. Dispela em long ol prea na autim na sering ol toktok long Baibel.

Na tu long helpim ol meri long skruim save bilong ol em long wokim ol skul bilong ol bikpela manmeri (adalt edukesen).

Em long helpim ol meri long divelopim ol skills na talen bilong ol na ol o ken go hetim gut laip na sindaun bilong ol yet na ol famili bilong ol. Na tu long helpim ol meri long wok bilong divelopim kantri.

Bipo long Misis Waken na Paime i lusim kantri, tupela i tokim Wantok olsem dispela em i namba wan taim bilong tupela long makim grup bilong ol long wanpela ovasis kantri.

Grailem grup bilong ol meri i bin kamap long PNG long 1981. Na tupela meri ya i amamas tru long makim PNG na sindaun long dispela kos.

Tupela wantaim i tok kos ya bai helpim tupela long go hetim strong wok bilong Grailem long PNG. Na ol bai kam skulim ol



● Long lephan i go long rait em Elizabeth Waken na Paula Paime. Tupela i soim ol samting olsem bilum na laplap wantaim rit: "One People, One Nation, One Country", em tupela bai salim long Amerika.



● Ol meri husat i memba bilong Grailem mama grup. Dispela em long taim ol i bung na holim lilik belo kaikai na tok gutbai long Misis Waken na Paime, husat i makim ol long tupela wik kos long Amerika. Ol foto: Gillian Maki.

PNG Grailem meri long ol samting we ol i lainim long Amerika.

Kos bilong ol i bin stat asde, Trinde Oktoba 4 na bai pinis long Desemba 22, 1995.

Ol samting we ol bai lainim long kos em long:

- Jastis na ol meri, we bai tupela lainim long dispela mun.

- Environmen o ol bus graun wantaim solwara na ol abus insait long en. Tupela bai lainim ol samting we i sut long lukautim graun, ol wara, hikbus na ol samting we i stap insait long ol mun Novemba.

- Ol samting we i sut long kalsa o tumbuna pasin bai tupela i lainim long mun Desemba.

Tupela meri i bin karim wantaim tupela ol samting we i soim kalsa na pasin tumbuna bilong PNG. Bikos long Oktoba 14, ol bai holim wanpela fan resing de bilong ol Grailem meri husat i sindaun long dispela kos. Na ol bin askim ol meri bilong ol wanwan kantri long kisim ol samting we i makim kantri bilong ol long putim aut long dispela de.

Misis Waken na Paime i tingim dispela tu na karim sampela singles na laplap wantaim ol disain na piksa bilong PNG. Ol bin prin-

im planti long ol dispela sngles na laplap long Maino Heduru Vokesinel senta long Erima, Mosbi.

Tupela i karim tu sampela ol tapa klos bilong ol Oro pipel, ol bilum na Sepik basket, ol Sepik kafing na ol arapela samting moa we i soim pasin kalsa bilong yumi yet long PNG. Dispela ol samting ol bai salim long dispela fan resing de bilong ol long Cornwall.

PNG Grailem grup i gat klostu long 35 ful memba. Tasol em i gat moa Grailem pren na ol yangpela meri husat i sapotim wok bilong

Grailem long ol hap we grup ya i wok long en.

Long Wewak yet we Grailem i bin kirapim wok pastaim long 1981, i gat 20 ful memba. Long Manus i gat 5-pela na long Mosbi i gat 7-pela.

Misis Paime i tok program bilong ol yangpela meri i pulim bikpela namba bilong ol meri husat nau i stap olsem ol grailem pren.

Long Wewak yet, ol wokwe Grailem grup i wok strong em long:

- Literesi program bilong skulim ol bikpela meri long rit na rait;

- Program bilong ol yangpela meri; na

- bilong ol yut.

Dispela i karamapim tu ol wok long Sande skul we Grailem grup i go pas long ronim, ol somap na kuk skul, ats na kraf na ol kainkain wok bilong sios.

Misis Paime i tok Grailem em i wanpela gutpela ogenaisesen o grup. Bikos ol meri i kisim skul long kamap ol gutpela lida meri insait long ol wanwan komyuniti bilong ol.

Na tu ol meri i kisim sans long soim ol yet, givim wok long ol yet long ol samting we bai helpim ol i kamap ol gutpela pipel long go hetim wok bilong ples, komyuniti na kantri.

Long Wewak, Grailem grup i gat wanpela haus we Katolik Asdaiosis i bin givim ol long yusim olsem opis.

Misis Paime i tok i gat ol yangpela meri i lukautim haus ya i stap. Na olgeta program bilong Grailem long Wewak ol i ranim ol long dispela haus.

Em i tok tu olsem long nau yet insait long Wewak, planti yangpela hai skul na tisa koles meri sumatin i go insait long ol program bilong ol yangpela Grailem meri. Na dispela i gutpela tru.

Missi Waken, husat i wanpela nes meri long Mosbi Jenerel haus sik i tok ol samting we em i lainim pinis taim em i stap long Grailem grup, na tu wanem samting em bai i lainim long dispela kos bai helpim em long daunim pasin bilong ol man i laik winim meri insait long komyuniti, wokples na kantri.

Em i tok planti meri i save pasim maus long tokaut long taim ol i no wokim gutpela long ol long wok ples. Na planti tu i no klia long ol rait bilong ol, wanem samting ol inap mekim sapos ol man bilong ol i paitim ol.

Olsem na em i tok skul we em i kisim bai i helpim em long skruim gen save bilong ol memba susa na ol arapela meri insait long wok ples, komyuniti na kantri.



Nem: Geogina Awo Tetteh
 Krismas: 26 yia (singel meri)
 Edres: P. O. Box 997, Jackson Street, Cape Coast, Ghana, West Africa.

Save laikim: Raun i go long ol narapela kantri, visitim ol pren, rit, lainim kalsa o tumbuna pasin bilong narapela hap na kisim foto.

Nem: Flora Akua Sagoe
 Krismas: 24 yia (singel meri)
 Edres: P. O. Box 997, Jackson Street, Cape Coast, Ghana, West Africa.

Save laikim: Save laikim long mekim kainkain samting.

Toksave i kam long Edita:

Sapos yu laik raitim pas long dispela tupela meri Ghana, raitim pas long tupela long Tok Inglis.

Nem: Val A. Dukat
 Krismas: 22 yia (man)
 Edres: P. O. Box 27, Kiunga, Western province.

Save Laikim: Pilai spots, harim musik na raitim pas i go long penpren.

Nem: John Tuanis
 Krismas: 19
 Edres: P. O. Box 423, Kimbe, WNB

Save laikim: Katim welpam, lotu, mekim pren na harim stori bilong ol narapela ples.

Nem: Eddie Manba
 Krismas: 18 yia
 Edres: Kapiura Plantation, Kautu 1, P. O. Box 4561, Kimbe, WNB

Save Laikim: Ritim Wantok Niuspepa na rait long penpren.

Nem: Simon Siaga
 Krismas: 18 yia
 Edres: P. O. Box 85, Boroko, NCD
 Save laikim: Pilai soka, ragbi, harim musik, lukim TV, ritim pas bilong ol penpren, go long skul na lotu.

Nem: Sailas Willie
 Krismas: 14 yia
 Edres: Kimbe Community school, P.O. Box 19, Kimbe, WNB

Save laikim: Pilai ragbi, raitim pas i go long ol penpren na harim gospel o lotu musik.

Nem: Chris Masam
 Krismas: 18
 Edres: C/- Kennedy Michael, West New Britain Building Construction, P.O. Box 140, Kimbe, WNB

Save Laikim: Long fri taim bilong mi, mi save laikim long harim musik, raitim pas na salim presen long ol pren, na ritim buk Baibel. Mi bai amamas tasol long bekim olgeta pas em mi kisim.

TOKSAVE I KAM LONG EDITA:

Sapos yu laikim nem na adres bilong yu i kamap long dispela spes bilong "Painim Penpren" long niuspepa, raitim trupela nem wantaim adres, na hobis bilong yu na salim i kam long dispela adres: Painim Penpren, PO Box 1982, Boroko, National Capital District. Yu ken salim tu gutpela foto bilong yu kam long putim wantaim long dispela spes.

Meri yusim mentenens olsem bisnis

YAKAM KELO i raitim

SAMPELA meri i save yusim mentenens mani bilong ol pikinini olsem bisnis. Ol i go het long kamapim tupela o tripela moa pikinini we ol i laik kisim moa mani long mentenens.

Dispela i kamap olsem wanpela bisnis we ol meri husat i gat save long pasin bilong kisim mentenens i save mekim dispela. Ol i save olsem pikinini bai pulim mani i kam.

Long ovasis kantri, dispela em bikpela samting na em i olsem bisnis. Tasol ol meri long ovasis i save poromanim wanpela man stret na taim ol i gat pikinini long em, ol i kisim mentenens stret long man ya. Dispela pasin i wok long kamap long Papua Niugini nau.

Welfea opis i luksave long dispela tasol ol bai wok strong long stapim dispela pasin bikos dispela i olsem wanpela panismen ol meri i laik kamapim long ol man.

Kodineta bilong Welfea opis long Mosbi, Thaddy Ambing i tok dispela pasin i wok long kamap planti. Tasol wok bilong welfea em long bungim ol wantaim na kirapim o strongim famili.


Long Mosbi yet, moa long 400,000 manmeri i save kamap long welfea opis. Dispela rekot i soim olsem Mosbi siti i gat bikpela rekot tru long ol man i lusim meri pikinini o meri ronawe long man na ol pikinini.

Long wan wan de, mak olsem 200 mammeri i save kamap long welfea opis long stretim hevi bilong ol. Dispela i min olsem long wanpela wik em 1,000 manmeri olgeta i gat hevi long marit laip bilong ol.

Kodineta, Mista Ambing i tok Mosbi siti i gat bikpela rekot tru long ol man i lusim meri pikinini. Na welfea opis i wok hat tru nau long traim bringim bek papa bilong ol na bungim famili bilong ol gen.

I tru ol mama i laikim bai welfea opis i helpim ol long baim mentenens, tasol wok bilong welfea em long i bungim famili wantaim. Na i no bilong brukim marit.

Ol meri o man yet i save abrusim toktok bilong welfea na go long kot. Na long dispela mak, famili i no save bung gen. Bikos man i baim mentenens o go long kalabus na ol pikinini i kamap paul nabaut long bihain, Mista Ambing i tok.



• Ambing Thaddy.

Mista Ambing i tok taim wanpela marit i bruk, welfea i save traim long bungim man na meri wantaim na kamapim gutpela tingting gen na bungim ol bek long marit laip bilong ol.

Welfea i no save laikim meri long go long kot long kotim man o kisim mentenens. Welfea i laikim tupela i mas bung gen. Bikos sapos tupela i bruk olgeta, pikinini em namel man na em bai kisim bikpela hevi long sindaun bilong em long bihain taim.

Hia em sampela samting we Welfea Kodineta, Mista Ambing i tok marit i sav bruk long en;

- Man i save laik kamap moa yet long meri. Man i laik smat wantaim bikpela wok na potnait bilong em o long gutpela ka bilong em. Na dispela em i pulim ai bilong arapela meri na ol meri i paulim em olgeta. Na em i lusim interes long meri pikinini bilong em.

- Taim man i paul wantaim wanpela meri na meri bilong em i harim, meri i save belhat na i laik bekim dispela pasin. Na dispela i brukim marit bilong tupela olgeta.

- Tok win o tok beksait long arapela i save bagarapim marit laip bilong tupela manmeri. Narapela man o meri .bai .tok .beksait long

pilai na wok samting i ken bruk. Dispela famili i no gat gutpela nem long komyuniti na em i ken isi long bruk.

Mista Ambing i tok mentenens, kot o mani i no ansa bilong kamapim gutpela famili laip. Bikos bikpela samting famili i mas kam bung wantaim gen na kamapim gutpela sindaun gen bilong bringim famili i go long gutpela rot na laip.

"Gutpela famili, gutpela sosaiti, gutpela kantri na gutpela wol".

Mista Ambing i tok em i no save amamas long pasin ol Famili Kot i save mekim long skelim kot bilong tupela marit we i bruk. Kot i save sut stret long man i baim mentenens o man i go long kalabus. Famili Kot i no save traim long bringim tupela bek gen long sindaun gut wantaim ol famili memba bilong tupela.

Dispela em wanpela samting we i bagarapim na brukim planti marit laip long PNG. Sapos kot i ken pasim disisen long bungim bek man na meri em bai orait. Bikos pikinini bai kisim bikpela hevi long dispela disisen bilong kot long bihain taim em i bikpela.

Welfea Kodineta bilong NCD i askim olgeta manmeri bilong Papua Niugini long senisim pasin na tingting. Olgeta i mas tingim olsem marit em 'Wanpela man - wanpela meri'. Na i no tupela meri o tupela man o moa. God yet i putim marit na i blesim na dispela holi. Taim wanpela man na meri i kam bung wantaim long marit, tupela i kamap wanpela nau.

Mista Ambing i askim ol manmeri husat i gat kain hevi olsem long marit laip bilong ol long i mas go pastaim long opis bilong Welfea. Na i no ken sut i go long kot. Bikos welfea i laikim marit i mas stap strong na bungim gut ol famili memba wantaim.

Em i askim ol meri long lusim dispela kain tingting bilong yusim mentenens olsem bisnis bilong pulim mani long pikinini. Bikos mani i no ansa bilong gutpela sindaun long famili. Laikim narapela long bel na tingting em inap kamapim gutpela sindaun. Taim man bilong yu indai, yu ken marit gen. Taim meri bilong yu indai, yu ken marit gen. Dispela rot i op tasol i no long brukim marit.

Nereova-namba wan man long salim pekpek bilong kakaruk long 14 mail

KENNEDY EDENE i raitim

DISPELA em laip stori bilong wanpela man Morobe husat i save stap long 14 mail ausait tasol long Mosbi. Man ya i stap arere long rot i go olsem long Sogeri, na save kisim liklik mani long salim ol pekpek bilong kakaruk arere tasol long rot.

Nem bilong dispela man em Nesu Nereova. Em i gat 59 krismas nau. Na i bilong ples Korepa long Waria na Garaina eria bilong Morobe povins.

Nesu tok em i namba wan man long kisim aidia bilong salim ol pekpek bilong kakaruk arere long rot. Na nau planti man-meri i go insait long dispela liklik bisnis bilong kisim liklik wan siling.

"Mi namba wan man long salim pekpek bilong kakaruk arere long rot.

Na mani mi kisim em sampela taim mi save givim long ol wantok o pren bilong mi dapos ol i askim long K1 o K2."

Lukluk long krismas bilong em, em i tok, "Mi fit yet, Mi lapun tasol mi inap klinim banis kakaruk na pulmapim pekpek bilong kakaruk long karim," em i lap wantaim na tok olsem.

Mama i karim Nesu long 1936. Em i marit tasol meri i no karim wanpela pikinini bilong tupela yet. Olsem na em wantaim meri i kisim tupela pikinini meri bilong ol lan i stap klostu long tupela, na save lukautim olsem pikinini tru bilong tupela.

"Mi gat 7-pela krismas tasol taim woa i kam long 1942," em i tok.

Long yangpela laip bilong em, em i stat skul long wanpela skul bilong Luteran misen long 1949. Long 1951 em i mekim

stended 2, em nau mipela kolim gred 2. Long pinis bilong skul yia, em lusim skul na go stap wantaim kandre bilong em long Bulolo, wanpela liklik taun long Morobe provins yet.

Dispela taim Nesu i no save yet long kaunim namba 1,2 na 3 o kolim A,B na C ... Tasol em i kisim wanpela wok leba long Bulolo somil. Pe i no bikpela tumas. Tasol em i amamas long dispela wok bilong em.

Long olgeta wiken, em save mekim ekstra wok long kisim moa mani. Em save go stap long golf kos na lukim ol waitman i pilai. Wok bilong Nesu em long karim glf stik bilong waitman na bihainim em raun long fil. Na bihain long apinun bai waitman i baim em sampela wan siling.

Olsem yangpela man yet, em i laik save na lain-

im long planti nupela samting. Olsem na long 1955 em i go long Kokoda long Oro provins, na wok olsem wanpela plantesin boi long hap.

Wok long plantesin i no wanpela isi wok. Em save kirap long bikmoning long 5 klok samting na wok pinis long plantesin. Na long apinun tru bai go bek long ples Korepa.

Klostu long ples Korepa i gat sampela han wara we gol i stap long en. Na em wantaim sampela wanwok save go painim gol long apinun, bihain long wok long plantesin.

Long 1963 taim krismas bilong em i go antap long bungim 30, em lusim ples bilong em long go wok long Garaina ti plantesin. Em i wok long hap long 4-pela yia olgeta. Dispela em long 1963 i kam inap long 1967.

Em lusim wok na go bek long ples. Long ples ol bikman i grisim em na givim wanpela meri we em i maritim, na tupela i stap wantaim nau.

Em i wanpela yangpela man husat i nogat maugras yet. Em les long laip bilong ples. Olsem na long 1975 taim Papua Niugini i kisim independens, em lusim ples na kam long Mosbi.

Dispela em bihain long sampela wantok i mekim sampela gutpela stori bilong Mosbi. Na em yet i laik lukim long ai bilong em. Na JULAI 1975 em taim Nesu putim lek long Mosbi ples balus. Em i no save long wanem kain salens tru em bai bungim long Mosbi.

Long 6-pela mun olgeta em i painim wok raun long Mosbi na i no kisim wanpela. Tasol long Janueri 1976, em i laki

long painim wanpela long llimo Fam Prodaks. Dispela taim lan Nelson, papa stret bilong fam i ronim olgeta wok long fam. Fam ya em nau ol i senisim nem i go long llimo Poltri Prodaks long 1987.

Namba wan wok bilong Nesu em long wok long boila haus. na olgeta de em save mekim wok bilong lukautim ol kakaruk, em kampani save kilim na salim olsem mit bilong ol kastoma long baim.

Nesu i tok long dispela taim, ol save mekim olgeta wok long han tasol. Nogat masin save helpim ol.

"Mipela save karim ol kaikai beg bilong kakaruk em hevi bilong wanpela em 50 kilogrem. Long wanpela haus kakaruk mas i gat tripela o 4-pela beg kakaruk," em i tok.

i go moa long pes 17

FONDE	FRAIDE	SARERE	SANDE	MONDE
EMTV	EMTV	EMTV	EMTV	EMTV
5.30 PROGRAM HIGHLIGHTS 5.57 TRANSMISSION OPEN 6.00 ITN NEWS 6.30 DAYBREAK NEWS 7.00 TODAY SHOW 9.00 TRANSMISSION CLOSE 9.01 PROGRAM HIGHLIGHTS 1.57 TRANSMISSION RESUME 2.00 MIDDAY AT TWO PGR 3.00 SESAME STREET 4.00 THE BOOK PLACE 4.30 MY GENERATION 5.00 HOT SHOT 5.28 EMTV TOK SAVE 5.29 EMTV NEWS BREAK 5.30 HOME AWAY 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.28 LOTTO DRAW 7.30 NEIGHBOURS Helen is shocked by a revelation about Dorothy's past. Josh is embarrassed by Phoebe's passionate display of affection. G 8.00 PEPSI FIZZ An hour of local music ement and update of musical attraction around town. 9.00 JUST KIDDING 9.30 PNG TATTS LOTTO 9.33 AUSTRALIAN FUNNIEST HOME VIDEO 10.57 EMTV TOK SAVE 11.00 A COUNTRY PRACTICE 00.00 EVENING SHADE: NFL ON CBS 00.30 NATIONAL EMTV NEWS 00.57 MEDITATION 01.00 TRANSMISSION CLOSE	5.30 PROGRAM HIGHLIGHTS 5.57 TRANSMISSION OPEN 6.00 ITN NEWS G 7.00 TODAY SHOW The best in breakfast television presented by ELIZABETH HAYS & STEVE LIEB-MANN. G 9.00 TRANSMISSION CLOSE 9.01 PROGRAM HIGHLIGHTS 1.57 TRANSMISSION RESUMES 3.00 KIDS KONA/SESAME STREET G 4.00 THE BOOK PLACE G 4.30 MY GENERATION G 5.00 HOT SHOTS NEW SERIES G Hot Shots' is sports and activities series for kids that seeks to entertain as well as to develop natural instincts for games and the outdoors. 5.29 EMTV NEWS BREAK 5.30 HOME & AWAY G 6.00 NATIONAL EMTV NEWS National EMTV News followed by international news. G 6.30 A CURRENT AFFAIR 7.28 LOTTO DRAW 7.30 NEIGHBOURS Brad and Guy's cross country duel has an unexpected finish. Dorothy reveals a hidden past. Pam suspects Doug has a secret life. G 8.00 PNG GARDNER 8.08 MCKENNA Stories and adventures of the McKenna family dramas in America the kind of natural place most urban Americans dream about. Snowcapped peaks. Clear icy streams. Fields of flowers. And the best part out-door adventures. 9.08 MOVE: STAND BY ME Story of four boys who set out on a two day adventure with dreams of becoming town heroes. 10.47 CHIN H MEEN SUPERSOUND NEW RELEASE 10.50 WALKER, TEXAS RANGER 00.07 MEDITATION 00.10 TRANSMISSION CLOSE	11.30 PROGRAM HIGHLIGHTS G 12.57 TRANSMISSION OPEN G 1.00 WIDE WORLD OF SPORTS Sporting entertainment from Australia and around the world. G 5.00 BEYOND 2000: World reports on the latest science and technology. 5.55 CHIN H MEEN SUPERSOUND NEW RELEASE 6.00 NATIONAL EMTV NEWS G 6.30 HEY HEY IT'S SATURDAY with Daryl Somers and the gang of merry men. G 8.30 NCDC NEWS: NCDC news from around the city. 9.00 CROWNING OF MISS PNG (LIVE) 9.30 WOPA WORLD CHAMPIONSHIP WRESTLING Features World championships wrestling including glittering array of talent such as Ric Flair, Sting, the Nasty Boys, Mean Gene, Okerlund and Bobby "The Brian" Heenan, and the return of Hulk Hogan. G 10.00 EMTV TOKSAVE 10.03 CHIN H MEEN SUPERSOUND 10.06 GILLETTE The best sport programming events in over thirty different sports. An exciting sporting series. 10.36 JACK HIGH BOWLS Featuring 10 of the world's best player, and presented from the Harbour Diggers Memorial Club, Sydney. Hosted by Max Walker. G 11.36 NATIONAL EMTV NEWS REPLAY 11.57 MEDITATION 00.00 TRANSMISSION CLOSE	7.13 PROGRAM HIGHLIGHTS 7.47 TRANSMISSION OPEN 7.49 CHIT CHAT WITH SIR PAULIAS MATANE G 7.54 EMTV TOKSAVE 7.57 CHIN H MEEN SUPERSOUND NEW RELEASE 8.00 BUSINESS SUNDAY 9.00 SUNDAY Public affairs program 11.00 REPLAY OF WINFIELD CUP GRAND FINAL SYDNEY BULLDOGS VS MANLY 1.00 WORLD OF SPORTS (Aussie Ironman Triathlon) 2.00 THE VERY BEST OF THE WORLD'S WORST DRIVER'S 3.00 AMAZING GAMES 4.00 THE BEST OF WIDE WORLD OF SPORTS 4.15 REPLAY OF THE 20TH ANNIVERSARY DOCUMENTARY 5.55 CHIN H MEEN SUPERSOUND NEW RELEASE 6.00 NATIONAL EMTV NEWS 6.30 WONDERFUL WORLD OF DISNEY: 1-hour disney classic for the whole family (new Series) 7.30 60 MINUTES: 8.30 1995 WORLD CUP RUGBY LEAGUE AUSTRALIA VS ENGLAND 10.30 SING WITH JOY G 11.00 GRAND PRIX - EUROPEAN FORMULA 1 00.00 NATIONAL EMTV NEWS REPLAY 01.27 MEDITATION 01.30 TRANSMISSION CLOSE	5.30 PROGRAM HIGHLIGHTS 5.57 TRANSMISSION OPEN 6.00 ITN NEWS Up to the minute round up of the latest world news sport and business nformation from Britain's respected International Television News service. 6.30 DAYBREAK NEWS Up to the minute round up of Australia's as well as international news. 7.00 TODAY SHOW The best in breakfast television presented by ELIZABETH HAYES & STEVE LIEBMAN 9.00 SESAME STREET 10.00 KISIM SAVE: MYSTERIES OF THE DEEP 10.30 TRANSMISSION CLOSE 1.57 TRANSMISSION RESUME 2.00 MIDDAY AT TWO A pacy one-hour show, packed with entertainment and information featuring a combination of taped stories and studio guests; Hosted by TRACY GRIMSHAW and DAVID REYNE. 3.00 KIDS KONE/SESAME STREET 4.00 THE BOOK PLACE 4.30 HOT SCIENCE REPEAT 5.00 WONDER WORLD 5.28 EMTV TOK SAVE 5.29 EMTV NEWS BREAK 5.30 HOME AND AWAY 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.30 LOTTO DRAW 7.32 CHIN H MEEN SUPERSOUND NEW RELEASE 7.35 NEIGHBOURS 8.05 FISH INTERNATIONAL G 8.35 BURKE'S BACKYARD G 9.33 CHIN H MEEN SUPERSOUND NEW RELEASE 9.35 YOUNG DOCTORS 10.30 BONANZA: THE TOY SOLDIER 11.35 NATIONAL EMTV NEWS REPLAY G 11.57 MEDITATION 00.00 STATION CLOSE

Nereova-namba wan man long salim pekpek bilong kakaruk long 14 mail

i kam long pes 16

"Maski mi pilim olsem ol samting ya i hevi tumas, mi save tingim famili na wokhat. Bikos famili bilong mi mas i gat mani bilong baim kaikai na stap laip."

Nesu i no wari na save wokhat stret. Bos lukim hatwok bilong em na putim em i go long narapela wok. Na tu i apim liklik pe bilong em. Nesu i pilim amamas liklik. Tasol long 1979 Nesu i risain long kampani. Em i no laik go bek long ples bilong em long Morobe. Olsem na em i stap wantaim ol wantok bilong em long 14 mail.

Tasol sampela mun bihain kampani i kisim em gen long

wok. Na em stat long mekim ol wankain wok olsem bipo.

Tasol i no longtaim long Februeri 1985, em i lusim kampani. Na stat wk wantaim wanpela man Papua, Alois Fauma bilong Mekeo long Sentrel provins. Alois Fauma i statim nupela kakaruk fam bilong em yet, na laik saplaim kakaruk long llimo. Na em kisim Nesu long helpim em.

Nesu i gat inap save long lukautim kakaruk. Olsem na Fauma i laikim tru helpim na sapot bilong Nesu long lukautim ol kakaruk. Na Mista Fauma givim wanpela blok graun long Nesu long stap, bai em ken wok

long fam. Tasol Nesu wantaim meri na tupela pikinini tasol i stap. Olsem na em kisim sampela wantok bilong em, bihainim tokorait bilong Mista Fauma.

Dispela em long yia 1985 taim Nesu i stat long pulmapim ol beg wantaim pekpek bilong kakaruk, na lainim arere long sait bilong rot. Dispela taim Nesu em wanpela man tasol ol manmeri long Mosbi siti save baim pekpek bilong beg kakaruk long miksim wantaim graun, na planti plaua na ol arapela diwai na gras arere long haus. Bikos Mosbi em ples bilong hot, graun i strong, na ol plaua i no save kamap gut. Nesu

salim wanpela beg kakaruk long K1 tasol. Hevi bilong wanpela beg em 50 kilogrem olgeta. Long dispela taim i kam inap nau em 10-pela yia olgeta. Tasol Nesu i no apim prais bilong em.

"Tude sapos yu draiv i kam long 14 mail, bai yu lukim kainkain pipel olsem ol Goilala na hailans i salim pekpek bilong kakaruk arere long rot long K2 long wnapela beg. Tasol bilong mi em mi salim wanpela beg long K1 yet," em i tok.

Em i tok tu olsem sampela manmeri husat i bihainim em i lukim dispela rot bilong mani na seksek long apim prais bilong wanpela beg.

Tasol Nesu tok prais bilong em bai stap wankain yet. Nesu tok em save givim ekstra 2 o tripela beg long ol kastoma sapos ol i baim moa long 10-pela beg kakaruk.

Liklik mani Nesu i kisim long salim pekpek bilong kakaruk, em save lukautim famili i go inap em kisim potnait mani bilong em.

Long wanpela de em save kisim namel long K10 na K15. Olsem na wok long wanpela wik, em save kisim K100 samting. Dispela em sapos em i salim planti beg long wanpela wik. "Mi save kisim namel long K200 na K400 olsem pe long ol kakaruk mi

lukautim na salim. Sapos mi no salim planti kakaruk, pe bilong mi bai go daun long K100," em i tok.

Nau yet Mista Fauma save stap long ples. Na Nesu wantaim ol wantok bilong em save lukautim fam. Taim ol kakaruk i redi, ol bai kilim na salim. Na Mista Fauma save kam kisim mani, givim pe bilong em (Nesu) na go bek long ples.

Nesu tok em amamas long dispela liklik wok bilong em.

Em i tok moa olsem nau yet bikpela resis i kamap long dispela liklik bisnis bilong salim pekpek bilong kakaruk. Tasol em i no wari. Bikos fam

em i wok long en i stap arere long Sogeri rot. Na olgeta de em save gat namel long 15 na 20 beg bilong salim.

Brata bilong Neso, Ebobe i tok, Neso em i wanpela man bilong helpim ol arapela. "Taim ol manmeri i askim em (Neso) long K1 o K2 long baim PMV i go long Mosbi siti long baim wanpela tinpis o tinmit, em save helpim ol."

Ol katoma bilong Nesu em ol lokol na ovasis manmeri husat i stap na wok long Mosbi siti. Em i tok ol tisa na wokman meri bilong Sogeri Nesenel Hai skul save baim tu ol pekpek kakaruk bilong em.

BIRUA MAN MAN LONG GIVIM BIRUA LONG OL RASKAL



Ol musikman helpim wanwok


HELPPIM SEXTUS



□ Sextus Kukuna.



□ Hitsy Golou.



□ Lista Laka.



□ Robert Oeka.

NO olgeta taim bai yu lukim sampela ol grup bilong ol man i go aut long mekim wanpela samting long helpim wanpela poroman bilong ol.

Tasol long Sextus Kukuna, long sampela ol poroman bilong em i kam wantaim long helpim em em wanpela samting em i no nap long bilip i ken kamap long em.

Tasol maski em i kalap nogut long helpim bilong ol, dispela helpim ol i givim long em i samting nating long ol.

Sextus i gat wanpela sik bilong ai ol i kolim *mekula oedema* na *renital haemorrhage*.

Maski nau yet em i wok long kisim marasin long ai bilong em, ol marasin ya i no nap long helpim long klinim ol olupela blut long ai bilong em.

Wanpela samting tasol long stretim em em i mas lukim ol save man bilong ai na ol i mas katim em na stretim.

Sextus i mas go long ovasis long stretim ai bilong em long wanem ol samting bilong stretim ai long PNG yet i no inap.

Sextus i save wok wantaim CHM studio long Mosbi olsem man bilong kisim poto na disainim ol kava bilong kaset.

Long helpim em long painim sampela mani, ol poroman musik man husat i wok wantaim em long CHM i wok gut tru wantaim em long kamapim wanpela kaset we ol bai salim na helpim em long salim em i go ovasis long stretim ai bilong em. Na bihain long dispela ol i tingting long kamapim wanpela konset long kamapim mani inap long K15,000. Long Sextus yet, ol sain bilong dispela sik long ai bilong em i kamap we em i no save tasol em i tok long ino kisim inap slip i mekim na em i kisim dispela sik.

NEVILLE CHOI i raitim

"Mi no save tru wanem samting i rong wantaim ai bilong mi," Em i tok. "Taim mi stat tasol, blut long ai bilong mi bai sut."

Long Sextus yet, dispela em wanpela gutpela samting ol poroman bilong em i mekim long helpim em long kisim operesen long ai bilong em yet.

Long 1993 em bin kisim marasin long dispela samting long ai bilong em wantaim helpim i kam long wanpela kaset ol i rilisim em ol i kolim Oro Hits we ol kain ben olsem Saugas na Pongoros i singim ol singsing bilong Oro provins.

Bihain long dispela em i tingtinglong kamapim wanpela konset na dispela i kamap long asples bilong em yet long Popondetta.

Tasol taim i hat logn wanem PNG i gat hevi long mani na hamas mani em i tingting long kisim long konset ya i no kamap inap long em.

Sait long dispela kaset, em bin go lukim sampela ol memba bilong provins bilong em, ol wanwan manmeri, wantok na ol poroman olsem Lista Laka, Hitsy Golou, Fred Harrison na Kelly Walters bilong Popondetta Alopops ben, Saugas, Babus, Basil Greg, Robert Oeka ol Ngals ben bilong Morobe na ol nara-

pela musik man long helpim em long kamapim wanpela kaset.

Dispela nupela kaset we i stap klostu long pinis nau em ol bai kolim Top Oro Hits na em bai karim ol kainkain singsing bilong ol kainkain atis.

operesen bai inap long K15,00 olgeta.

Long nau yet, dispela kaset Oro Hits, wantaim konset long Popondetta i kamapim mani inap long K2,000 olgeta.

Em i no save wanem samting bai Top Oro Hits bai bringim long em tasol long ol bikpela nem i stap insait long kaset ya olsem Basil Greg, Saugas, Lista Laka na Hitsy Golou i luk olsem bai bikpela mani liklik bai kamap long dispela kaset bilong em.

Dispela kaset i luk olsem bai kamap wanpela hit kaset na wanem samting tru bai ol atis i kisim long dispela? Orait namba wan samting em ol i laik helpim wanpela poroman husat i nidim tru man long stretim ai bilong em.

Olgeta atis husat i helpim em i tok olsem dispela em wanpela liklik helpim ol i nap long givim long Sextus.

Olpela Holie Maea lida Robert Oeka i tok olsem Sextus i nidim mani stret na em i bilip olsem i gutpela long helpim em.

Lista Laka i tok olsem wanem samting ol i mekim i gutpela tru we em i no bilong amamas tasol long mekim musik i kamap.

Tasol musik ol i mekim ya em bilong helpim wanpela poroman na Allan Herove lid singa bilong ol Saugas i tok olsem em bin helpim long fes album na em i amamas gen long helpim wantaim namba tu kaset. Long nau yet olgeta wok bilong pinisim dispela kaset i klostu nau na ol manmeri husat i save laikim musik bilong ol dispela ol lain musikman bai wet tasol long Novemba long kisim wanpela kaset bilong ol yet.



Big Bro **REBO**




Spak **MAIK**



Sen Theresa skul pulim mani long wokim klasrum

SEN Theresa Komyuniti Skul long Mosbi i kisim 20 katen Pepsi dring long SP Holdings long aste long helpim wantaim fan resing ol i mekim nau long pulim mani bilong wokim tripela nupela klasrum long neks yia.

Sen Thresea bai i gat tripela gret 7 long neks yia na ol i mas i gat nupela klasrum bilong putim ol dispela studen i go long en.

Het Masta bilong skul, Paul Kala i tok skul bai wok strong nau long painim K100,000 bilong wokim dispela tripela nupela klasrum.

Long neks yia, bai ol gret 6 studen bilong dispela yia i yusim tripela olpela klasrum ol i gat pinis long yia 7 bilong ol. Inap 1997, bai tripela nupela klasrum i redi long ol gret 7 studen bilong 1996 i yusim. Dispela taim bai ol i wokim gret 8 na opim nupela klasrum ya.

Mista Kala i tok nau yet ol i wok hat long pulim mani bilong dispela wok na ol i bin statim dispela fan resing wok wantaim

YAKAM KELO i raitim

danis na salim ol kaikai. Long neks wik bai ol i holim skul feit na dispela taim bai ol i salim moa kaikai na ol kolos tu wantaim.

Mista Kala i tok tripela nupela klasrum ol i laik wokim bai i longpela. Dispela bai antap long longpela pos. Dispela em bikos long narapela yia, ol i ken yusim aninit bilong ol klasrum ya gen olsem nupela klasrum bilong ol gret 8. Bai ol i ken putim simen long floa na banisim wantaim ol timba samting long mekim i kamap olsem klasrum.

Het Masta i tok Sen Theresa em level 5 skul na i gat 670 skul manmeri na 19 tisa olgeta. Na neks yia, bai dispela namba bilong studen bai i go antap bikos long ekstra gret 7 klas we ol bai i gat.

Dispela helpim SP Holding i givim wantaim 20 katen Pepsi dring i win wanpela bilong ol arapela helpim SP Holdings i bin

givim pinis long Sen Theresa Komyuniti Skul.

Kampani bilong bia ya i bin sponsarim soka tim bilong skul long las yia na tu i bin raitim ol sain bilong skul long geit bilong skul. Nau em namba tri helpim SP Holdings i givim gen. Het Masta, Mista Kala i mekim bikpela tok amamas i go long SP Holdings long dispela sapot bilong em.

Mista Kala i tok ol i laik mekim dispela skul olsem skul bilong olgeta papamama na pikinini. Olsem na olgeta fan resing wok i stap long han bilong ol papamama na pikinini tu wantaim. Em i tok skul i pulim pinis sampela mani tasol em i no save long amas tru ol i gat. Tasol em i save olsem ol i gat pinis K32,000 bilong stretim toilet na hap bilong ol studen i waswas.

Skul ya bai wokim tripela nupela klasrum na tu em i mas wokim sains leb na ekspresiv at klasrum.



Bikbos bilong ol Yunaited sios skul i kibung ...

• Moderata bilong Yunaited Sios, Reveren (sindaun namel long fran lain) Edea Kidu wantaim bikbos bilong ol Yunaited sios skul long wanwan rijon insait long Papua Niugini na Solomon Ailan. Dispela em long bikpela kibung bilong ol em i bin kamap long dispela wik. Kibung i stat long Mande Oktoaba 2 na pinis long Trinde. Kibung i bin kamap long Yunaited sios Asembli opis long Mosbi. Ol bikman husat i kamap long kibung em edukesen seketeri bilong sios long wanwan rijon. Kibung i paitim toktok long planti samting. Wanpela toktok i kamap long kibung em long wok bung wantaim nesanel gavman, na bihainim ol nupela lo gavman i mekim long ol skul insait long kantri. *Poto: Gordon Gaius.*

Sogeri studen bai soim ats so long Nesanel Misen na Galari

SOGERI Nesanel Hai Skul insait long Sentrel provins bai putim wanpela ats so bilong ol long Nesanel Misium na Galari long Waigani, Mosbi.

So bai kamap long Oktoaba 6 na pinis long namba 28 de. Insait long dispela so, 130 studen bai putim wok bilong ol long ol manmeri long go lukim.

Tisa husat i go pas long ol, Carol Bryan i tok ol i go het long mekim dispela long wanem ol i laik soim olsem ol tu i gat bikpela

ELIZABETH LENY i raitim

laik long ats. Ol studen bai soim samting olsem Komunikesen Grafiks, na ol drowing na penting bilong ol.

Tisa Carol Bryan i tok dispela em i namba wan taim tru bilong ol long mekim dispela kain samting. Olsem na em i tok em i laikim olsem ol pipel i mas luksave long wanem samting ol yangpela i ken mekim.

Em i tok long dispela we ol studen i ken soim wanem kain save ol i

gat insait long ol. Na ol i ken dro na penim samting bihainim ol senis i wok long kamap insait long ol kantri bilong mipela tude.

Na tu dispela ol i ken soim long wanem hap ol i stap, na ol i husat. Na tu ol lain i tok i mas gat ol lain husat i ken helpim ol go het long dispela.

Em i tok ol i bin kamap wantaim dispela tingting long soim ol wok bilong ol taim ol i

bin save kam long misium olgeta tripela taim long wanpela yia.

Long lukluk raun long misium. Tisa Carol Bryan i tok em long dispela taim ol i bin tingting long wokim ol samting bilong ol yet na soim. So bai stat long 30 minit i lusim 5 klok long apinun.

Na stap i go inap long 9 klok nait. Ol studen tu bai putim kamap laip konset bilong ol. Dispela so em i fri na olgeta manmeri ken go na lukim.

NAU, BIHAIN LONG 7 PELA KRISMAS

NIUPELA PRAIS OLGETA STOA!

PRAIS LONG OLGETA STOA



15t



15t



15t



15t



10t



15t



10t



15t



15t



15t

MR BOSMAN BILONG STOA

PLIS SENISIM OL PRAIS LONG P.K STAND BILONG YU OLSEM LONG ANTAP. WANPELA P.K SEILSMAN BAI KAM LONG STOA BILONG YU NA PUTIM OL DISPELA NIUPELA PRAIS STIKA.

SAPOS OL I ASKIM MOA GO LONG NARAPELA STOA!

Papagraun long Wewak laik kisim bek ESWA hol

FUZO PAUL i raitim

OL papagraun bilong hap we ESWA Komyuniti hol long Wewak taun i sindaun long en i laik kisim bek dispela hol.

Mining bilong ESWA em Is Sepik Wimens Asosiesen.

Michael Malenki husat i tok em i papa bilong dispela graun i tokim Wantok long Wewak olsem em i toktok pinis wantaim Katolik misen

long Wewak long kisim bek graun na hol.

Nau yet ESWA Komyuniti hol i stap aninit long lukaut bilong Wirui Katolik misen.

Na ol Is Sepik Kaunsil bilong ol Meri i yusim na save baim ren mani i go long misen. Ol meri i yusim olsem het opis bilong ol insait long provins.

Mista Malenki tok Wirui Katolik misen i givim em

tokorait pinis long kisim bek ESWA hol.

Na em i givim pinis tupela mun long Is Sepik Wimens Asosiesen long rausim samting bilong ol long opis ya. Na painim narapela hap long putim opis bilong ol.

Hol i bin kamap long 1960. Na Wirui Katolik misen i bin lukautim dispela hol, we i stap arere long Meni nambis long 35 yia olgeta nau.

Hol i bin kamap long 1960. Long dispela taim, ol waitman i save yusim hol ya olsem golf na boling klab bilong ol.

Long 1970 i kam, hol ya i kamap olsem klab bilong ol yut. Is Sepik Kaunsil bilong ol Meri i bin tekova na yusim olsem opis bilong ol long 1980.

Na kirapim Is Sepik Wimens Risoses Senta long helpim ol meri long ol developmen program,

we i ken kamapim gutpela sindaun bilong ol meri long ples.

Is Sepik Kaunsil bilong ol meri i yusim hol long 15 yia nau.

Wirui Katolik misen long yia 1960 i kam inap nau i bosim bikpela graun insait long Wewak taun eria. Na tu i kamapim bikpela senis long developmen bilong taun eria, na Is Sepik provins wantaim.

Mista Malenki i tok tu olsem em bai toktok wantaim ol bosman bilong Wirui Katolik misen tu long kisim bek Lions Komyuniti hol, we i sanap long Pora Oval.

Hol ya em wanpela waitman, "Sno" O'Shannessey wantaim sampela ami opisa long Moem bareks i bin sanapim long 1962, we ol i bin kampim Lions klab, boi skaut, na Rotari klab.

Stail bilong 1 9 9 5 Goroka so long poto ...

• Dispela tupela pot i soim amamas bilogn 1995 Goroka so em i bin kamap long wiken bilong Septemba 16. So i kamap long sem taim we Papua Niugini i amamasim 20 indipendens bilong en.

Poto long antap i soim wanpela singsing grup bilong Madang provins, husat i kamap na soim tu tumbuna singsing na bilas bilong ol.

Na poto long raithan i soim ol graunman bilong Asaro long Isten Hailans provins. Ol i rabim skin bilong ol wantaim waitpela graun na danis raun long pilaigraun. Ol poto: Sape Metta.



Sir Michael tokaut long Is Sepik Interim PEC memba

IS Sepik Provinsal Asembli i bin holim namba tu kibung bilong em long las wik, Fonde Septemba 29. Gavana bilong Is Sepik, Sir Michael Somare i go pas long kibung olsem siaman. Na olgeta nesenel memba bilong provins i bin kamap.

Long opim toktok, Sir Michael i tok em i amamas tru long lukim olgeta nesenel memba bilong provins i kamap. Na tokaut long ol 12-pela nupela Interim Provinsal Eksekutyutiv memba. Sir Michael olsem gavana bai lukluk long polisi plening, Mani plen o baset, Palamentari sevises, Fisaris na Marin Risoses.

Deputi Gavana Alex Anisi bai lukautim Distrik Sevises, Taun Komisen, Turisim na Protokol. Ol arapela memba em Nesenel Memba bilong Yangoru Sausia, John Jaminan em siaman bilong Lo na Oda, Lika Laisensing na Mausman bilong Plis Fos long provins; Tom Walegre em siaman bilong Agrikalsa na Komes; Peter Saria em siaman bilong Humen Developmen, Edukesen na Kalsa; Carl Sengi em siaman bilong Woks na Trensport; Jim Anis bai lukautim Lokol gavman na LLLG olsem siaman; Andrew Samario bai lukautim Forestri na Lens; Nesenel Memba bilong Maprik, Sir Pita Lus bai lukautim Wok Maining insait long provins wantaim Is Sepik Developmen Kopresen (ESDECO) olsem siaman, Ludwig Shultze bai go pas long Helt sevis; na Tony Paliak bai go pas long Komyuniti Developmen, Yut, Spot na ol Meri olsem siaman.

ESDECO em bisnis han bilong olpela Is Sepik provinsal gavman. Na nau i kam aninit long lukaut bilong nupela Is Sepik Lokol Level Gavman. Asembli i bin pasim mosen long ol dispela 12-pela nupela Interim Provinsal Eksekutyutiv memba.

Long liklik toktok bilong Sir Michael, em i tok Ogenik Lo bilong Provinsal GAVman na Lokol Level Gavman long seksen 123 (2) i tok Interim Provinsal GAVman mas i gat Interim Provinsal Asembli, na Interim Provinsal Eksekutyutiv Kaunsil. Em i tok moa yet olsem long dispela sem seksen bilong Ogenik Lo, mas i gat tu interim siaman, interim deputi siaman na ol memba, we Interim Provinsal Asembli yet bai makim.

Em i tok wok bilong Interim Provinsal Eksekutyutiv Kaunsil em long karimaut olgeta pawa na wok bilong Provinsal Eksekutyutiv Kaunsil olsem i tok aninit long Ogenik Lo. Na namba bilong ol memba insait long Interim Provinsal Eksekutyutiv Kaunsil olsem i stap insait long Ogenik Lo i no inap long winim "One third" bilong namba bilong olgeta memba insait long Interim Provinsal Asembli. Olsem na bai i nogat moa long 12-pela memba insait long Interim Provinsal Eksekutyutiv Kaunsil.

Dispela i min olsem namba bilong ol memba insait long Is Sepik Provinsal Asembli i no inap long winim 12. Em i tokaut tu long driman bilong gavman long ol developmen em i laikim long kamap. Na i tok ol dispela driman i mas karim kaikai.

Em i tok iekonomik developmen em samting gavman i mas kamapim bikpela insait long provins. Olsem na long tupela yia taim, dua bilong Is Sepik i mas op long ol ovasis kampani long kam mekim bisnis wok. Na bai developim bisnis. Sir Michael i tok wanpela bikpela samting we i ken developim provins em turisim o bisnis bilong pulim planti ovasis turis long go limlimbur long Is Sepik. Na baim ol ats na kraf olsem kating na bilum long ol pipel. Na dispela em wanpela eria bilong iekonomik developim we i ken mekim Is Sepik provins i gro.

Deckwalen askim ombudsmen long sekim Sandaun Indipendens Ogenaisim Komiti

STAN RANGA i raitim

ASKIM i go nau long opis bilong praim minista na ombudsmen komisen long painimaut long rot Sandaun gavman i yusim moa long K100,000 long amamasim 20 Indipendens long Vanimo.

Dispela askim i kam long Gabriel Deckwalen. Em i wanpela biknem man na lida bilong Sandaun provins. Mista Deckwalen i tok em i amamas long gutpela wok bilong ogenaisim komiti bilong Indipendens selebresen long Vanimo, we ol pilai na amamas i naispela moa, winim ol arapela yia i go pinis. Tasol em i belpen long komiti, i no tilim mani i go long olgeta dis-

trik long provins, bai ol tu ken amamasim dispela bikpela de bilong Papua Niugini.

Em i tok maski bikpela amamas i kamap long Vanimo we planti tausen manmeri na pikinini i amamas, ol pipel bilong rurel eria long narapela 5-pela distrik i no amamas. Na lukim kaikai bilong bikpela mani em gavman wantaim ol bisnis kampani i givim. Ripot i tok komiti i go pas long ogenaisim ol dispela amamas i kisim bikpela mani moa long K100,000. Tasol Mista Deckwalen bilip olsem komiti i no yusim gut dispela mani. Bikos planti singsing grup, soka tim na ol arapela pilai i belpen long liklik prais tasol komiti i givim aut.

WANTOK

MUSPEPA BILONG OL PAPA NIUGINI STRET

PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214
Jeffrey Maliou Ext. 215
Joe Naime Ext. 218

BUK BILONG OL SEVISIS

BUILDER

KB KISSING BUILDERS
PO Box 1884
Lae
Morobe Province

General building, plumbing, maintenance; painting, construction

PLUMBING SERVICES AVAILABLE

24 HOURS CONVENIENCE

Butibum Road Lae Morobe Province -
Telephone: 42 0602

CHRISTIAN BOOK CENTRE

LAE & MADANG

Educational/Christian books
English/Pidgin/Tok Ples

Gifts & school stationery
Nanulon St, Madang
Ph: 82 2043 Fax: 82 3376

4th St Lae
Ph: 42 4156
Fax: 42 7073

ELECTRONIC

PAPA BILONG OL TV SAPOS TV BILONG YUPELA I BAGARAP SEKIM WANTAIM MIPELA

O KAM NA LUKIM MIPELA LONG OLGETA LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'S, RADIOS, ETC.

WE ARE LOCATED AT THE CORNER OF WARDS ROAD AND SPRING GARDEN ROAD HONIARA

P.O. BOX 3572 BOROKO, N.C.D. PHONE 25 1952 FAX 25 4743

HAIR & BEAUTY

We manufacture hair and beauty products. We wholesale, retail, large range of black hair products. We sell hair pieces and hair equipment if you manage a salon or would like to open one, we will provide you best quality products at best prices. If you prefer any U.S.A. hair product and you cannot find it here, we will get it for you. Any questions about your hair product you use or braiding, our chemist and cosmetologist are here to help you.

EF - KAY PARADISE PRODUCT CO. PTY LTD

Steamships Hardware Compound Properties,
Waigani Drive, NCD. Ph: Fax: (675)
325 0519, P.O. Box 1671, Port Moresby.

HAIR & BEAUTY

His N' Hers
HAIR SALON
All Hair Care
Black Hair & Beauty Products
42 1843
P.O. Box 1721, Lae, Central Arcade.

SAWMILL

TOKEN & ZEACAN
Portable Sawmills
Strongest light-weight mills in P.N.G.
Saws 1m³ per hour
New Auto Feeds

PRICES START AT K16,000.00
For Saw Blades, Filters, Belts, Files, Teeth, Holders, etc.

Contact:
TIMBERSAWS (PNG) PTY. LTD.
Laurabada Avenue, Lae.
P.O. Box 318, Lae.
Phone: 42 7015 Fax: 42 7673.

FOR SALE

MIPELA I GAT OL STRONPELA FISIN NET OR UMBEN NAU LONG WEWAK.

FSC PTY LTD

Stoa i stap long Scenic draiv hapsait tasol long Customs Opis

**Telipon: 863465 (Wewak)
3231288 (Port Moresby)**

COFFEE MACHINERY

**Montale Pty Ltd Ph: 72 2611
Fax: 72 2612**

Mipela Agen bilong Pinalense Kopi Masin. Pulpers, Driers, Hullers, Destoners, Gravity Soperators, Elevators na sampela moa.

Olgeta Kopi masin em mipela i gat inap. Kam lukim mipela nau mipela inap helivim yu.

PORTABLE SAWMILL

Peterson Portable Sawing Systems (PNG) Pty Ltd. Ph: 82 3482
New Zealand's most popular and best for P.N.G.
Lightweight aluminium, low cost from K15,000 High Production to 6m³ per day.

Head office Madang
Ph Fax: 82 3482 P.O. Box 2118
Agency Port Moresby: Track Co.
Ph: 25 8766 Fax: 25 8758
Agency Wewak Ph: 82 3012
Training and info, Lae
Ph: 42 4029 Fax: 42 3586
Agency inquiries welcome from other centres.

*Yu ken edvetais hia long **K10** tasol long wanpela wik. Long painimaut moa long dispela, ringim Augustine, Jack or Joe long telipon namba 325 2500.*

PNG'S only Business newspaper!

BUSINESS

50¢



OKTOBA ISSUE I KAM AUT NAU!



Sapos yu laik advertais, telepon 25 2500 na askim long
Phone: Miri Aiori Ext. 214, Jeffrey Maliou Ext. 215, Joe Naime Ext. 218

PABLIK NOTIS



PNG Teachers Savings and Loan Society Limited

PABLIK TOKSAVE

PASIM OL BIKPELA LON APLIKESEN BILONG 1995

Toksave long olgeta fainensal memba bilong mipela olsem "Jeneral Pepos Mesa Lon Aplikesen bilong dispela yia 1995, bai pas long 31st Oktoba, 1995 inap 28th Februari, 1996.

Arapela bikpela lon we i kam bihain long dispela taim bai i no gat ansa bilong em. Ol lon bilong skul fi tasol bai mipela i stretim.

Lon aplikesen bilong ol skul fi i mas kam wantaim opisel ripot bilong dispela skul. Kos bilong skul fi wantaim arapela fi we skul bai sasim i mas stap klia long dispela aplikesen pepa bilong yu.

Bai mipela i lukluk long olgeta lon aplikesen bilong ol skul fi long mun Jenuari, 1996.

IVAN KEROWA

Siaman- Nesenel Lons Komiti

25th Septemba, 1995

**Sapos yu laik salim toksave o
edvatasim spes long**

WANTOK

**ringim 25 2500 na askim
sels dipatmen**



WANTOK

Niuspepa bilong Papua Niugini stret

25 yia nau



2

• (1) Phillipa Walwal bilong Toyota Pacers i kisim bal i go long painim lain bilong em. Dispela em Mosbi basketbal resis long las wiken. *Poto: Joe Ivaharia.* (2) Blue Kumul soka tim bilong Kiunga soka resis husat i lus las wiken long gren fainel. Kumuls i bin sempion bilong Kiunga long tripela kris-mas. *Poto: Ian Kakarere.* (3) Oi haiwe manki bilong Markham husat i soim bikpela stail tru long nesene volibal sempionsip long las wiken long Mosbi. Markham i kamap namba 3. (4) Oi meri Vanimo husat i bin kik long John Tekwie Sil long independens wiken long Vanimo. *Poto: Ari Haba.* (5) Namba 5 bilong Tubuserea i ron klostu long pilala bilong Souths long stapim em long kisim bal i go long mak bilong ol. Dispela em Mosbi basketbal resis long las wiken. (6) Em bikpela salens namel long NCD Bankers na Inauaia Roosters long semi finels bilong nesene volibal sempionsip. Roosters win na go pilaim gren fainel egens Huon Galf bilong Lae.



3



4



5



6

FRENCHBAKEHAUS
 • CAKES
 Weddings & Birthdays
 Our speciality
 25 1266 Pom
 42 5349 Lae

PROVINSAL

SOKA NIUS

FRENCHBAKEHAUS
 • CAKES
 Weddings & Birthdays
 Our speciality
 25 1266 Pom
 42 5349 Lae

Deka seket soka tonamen kirap gen

MOROBE SOKA RIPOT

FRANCO NEBAS i raitim

BUSONG ples ausait long Lae siti bai holim gen Deka seket soka tonamen long dispela wiken.

Dispela tonamen bai stat long Fonde (tude) i go pinis long Sande 8 Oktoha.

Yapi Mule em i sponsarim dispela tonamen we 12-pela tim olgeta insait long Bukawa eria bai brukim bun long dispela kap.

Ol 12-pela tim husat bai pilai em, Busong ples yet wantaim tripela tim bilong em, Bukawa wantaim tripela, Taemi wantaim foapela na Busini wantaim tupela tim.

Dispela em namba wan taim bilong ples Busong long holim dispela soka tonamen long ples bilong em.

Ol askim i go long sampela bikman husat tu bai kamap long opisal opening bilong dispela bikpela pilai. Ol bikman ya em gavana bilong

Morobe, Jerry Nalau, memba bilong Nawae open, Yamandi Amos na ol arapela bikman tu bilong gavman.

Spot na Kalsa asisten seketeri bilong Morobe wantaim spot kodideta, Ludwig Peka tu bai kamap long lukim dispela tonamen.

Tupela man ya i bihainim ol plen bilong provins long kamapim kain ol spot tonamen olsem insait long Morobe provins.

Peka husat em het kosa bilong Lae Futbol Asosiesen (LFA) na PNG Junia kosa, bai lukluk long dispela tonamen long traime luksave long sampela gutpela pilaia husat i save hait long ol ples i stap.

Long dispela tonamen tu bai ol selekta i makim skwat bilong Deka seket.

Presiden bilong asosiesen, Alung Tiso i tok dispela tonamen bai soim ol stail na wei bilong ol long pilai. Wanem save ol i gat long pilai bai ol i ken soim aut.

Bihain long dispela tonamen, bai ol i givim aut ol presentesen long ol tim husat i win long ol pilai bilong ol.

Dispela em i bikpela tonamen na bai em i pinis gut.

Sobou maina primia bilong Lahi

LAHI SOKA RIPOT

SOBOU i kamap maina primia bilong Lahi Soka Asosiesen (LSA) long las wik taim ol opisel bilong Lahi i bung na stretim ol poin lata bilong ol klap.

Sobou i kisim dispela luksave taim em i go pas long skoa wantaim 40 poin na Guria i bihainim wantaim 39 poin. Asiawe i ron klostu long Guria wantaim 39 poin tasol gol everes i putim em long namba tri ples. Morobe Yunaitet i kamap namba 4 wantaim 33 gol na Rapatona i kamap namba 5 wantaim 25 gols.

Ol dispela 5-pela primia klap bai bung long pilaim ol nokaut bilong ol we tupela top tim husat i win na painim ples long gren fainal bai pilaim gren fainal. Dispela bai pinisim olgeta kik resis bilong Lahi soka resis long dispela yia.

Long primia 2 divisen bilong Lahi soka resis, Asiawe i kamap maina primia taim em i kamapim 46 poin na go pas long Sobou

husat i skorim tasol 40 poin. Morobe Yunaitet i kamapim tasol 36 poin na kamap namba tri, Rapatona wantaim 33 poin na Mairipo wantaim 25 poin.

Ol 5-pela tim ya i winim sans pinis long traime bun long nokaut na dispela em wanpela bikpela gem ol bai pilai long kamap long gren fainal.

Long divisen 1 em; Sikambu husat i stap namba wan wantaim 35 poin, Sunkist namba 2 wantaim 34 poin, Avetau namba tri wantaim 33 poin, Tosin namba 4 wantaim 30 poin na Gam namba 5 wantaim 27 poin.

Sekteri bilong Lahi Soka Asosiesen (LSA), Moses Demas i tok divisen 1 em promosen divisen bilong ol long primia. Olsem na tupela tim husat i winim sans long go long primia 2 divisen long neks yia Sikambu na Sunkist. Tupela bai jonim ol arapela primia tim long neks yia.

Long divisen bilong ol meri; Guria i go pas long poin lata bilong ol meri wantaim 59 poin, Asiawe i ron bihain wantaim 47 poin,

Gaziga i ron namba 3 wantaim 42 poin, Rapatona i ron namba 4 wantaim 38 poin na Elcom i kamap namba 5 wantaim 37 poin. Ol dispela tim bilong ol meri tu i winim sans nau long traime ol fainal nokaut bilong dispela yia. Tupela strongpela tim bai bung na salens long gren fainal.

Long resis bilong anda 19 divisen, Sobou, Elcom, Sikambu, Tosin na Mairipo bai traime ol yet long nokaut long dispela wiken. Sobou i go pas long poin lata wantaim 40 poin, Elcom bihainim wantaim 39 poin, Sikambu 38, Tosin 35 na Mairipo wantaim 32.

Moses i tok olgeta pilai bilong Lahi bai pinis long tupela wik bihain na dispela bai pinisim olgeta soka resis bilong dispela yia, 1995.

Moses i amamas long gutpela miting we i bin kamap las wiken we ol klap opisel na eksekutiv i bin sindaun na kamapim ol poin bilong ol tim na painim aut long wanem tim i go pas long poin lata na kamap ol maina primia bilong wanwan divisen bilong dispela yia.



• Kobi bilong Sobou i traime long stapim pilaia bilong Kurti Andra long Mosbi soka resis long las wiken.



• Ol kas nogut bilong Vanimo Kantri husat i bin kik long John Tekwie Sil long Vanimo long Indipendens wiken. Foto: Ari Haba.

Elcom na Teachcom bung long Wabeg fainal

WABEG SOKA RIPOT

ELCOM na Teachcom bai mekim bikpela nais long Wabeg long dispela Sande taim tupela i bung long gren fainal bilong Enga soka resis.

Tupela tim ya i bin go long planti bikpela salens i kam inap las wiken we tupela i winim dispela sans long bung insait long gren fainal long dispela wiken.

Elcom i bin pilaim strongpela gem long las wiken egens Luteran Yut na win long 2-0 skoa long fultaim. Na dispela win i givim spes long Elcom long wokabaut i go insait long gren fainal.

Teachcom tu i bin pilaim wanpela strongpela gem tru wantaim Moku na winim Moku 2-1 long fultaim.

Dispela i bin wanpela strongpela gem we Teachcom i was gut tru long winim na em kamap wina long fultaim.

Nupela presiden bilong Wabeg Soka Asosiesen, Ananias Popo i tok dispela wiken bai Elcom i bungim Teachcom long gren fainal bilong ol man.

Elcom i gat ol pawa manki olsem Roger Hiupe na Kennedy Yambu husat bai ron long straiika. Roger bai wanpela birua man long dispela wiken bikos Roger tasol i bin skorim tupela gol bilong Elcom las wiken egens Luteran Yut na ol i win.

Long midif bilong Elcom bai ol boi nogut olsem Arison na Steven Yambu i sanap. Na tupela bai pait strong long winim bal na setim ol straiika bilong tupela long traime brukim umben bilong Teachcom.

Long beklain em Benneth Bota husat em wanpela strongpela man na em bai sanap olsem wanpela komanda long toktok na muvim ol boi bilong em long rausim ol birua bilong Teachcom. Long maus bilong golmak em Sarak Leky yet bai sanap. Han bilong em yet i ken sevim Elcom long winim dispela gren fainal.

Long sait bilong Teachcom, ol boi olsem Jeffery na Ian bai ron long fowet. Na tupela man ya i gat spit na ol liklik trik we inap kamapim hevi long Elcom sapos Elcom i no was gut long tupela.

Long midfil eria em ol lain olsem Saina Nelson na Wesley Manjin bai lukautim. Tupela man ya bai lukautim enjin rum bilong Teachcom na sapos tupela i ken kamapim sampela gutpela gem long blokim ol ron

na stail bilong Elcom, bai Teachcom i ken gat sans long winim gem.

Long beklain bilong Teachcom em lapun bilong ol yet, Lawrence Rewai bai lukautim na ekspriens bilong em inap kamapim sampela gutpela gem long beklain long bosim banis bilong Teachcom. Long golmak em Joe Dirole.

Tupela tim wantaim i bin pait strong long kamap long gren fainal na tupela bai yusim yet wankain strong ol i bin yusim pastaim long win na kamap long gren fainal.

Ananias i tok tu olsem dispela Sande em gren fainal bilong olgeta divisen. Ol meri tu bai brukim bun long dispela taim long painim sem-pion tim bilong ol meri.

Dispela gren fainal bilong ol meri bai i stap namel long Teachcom na Luteran Yut, Tupela tim wantaim i

gat strong na wanem tim i win bai win sapos ol i no mekim planti asua long pilai graun.

Gren fainal bilong ol junia, anda 19 bai i stap namel long Teachcom na Elcom. Na ol yangpela tu bai soim ol stail bilong ol na dispela em long pinisim olgeta raun bilong Wabeg soka resis long dispela yia.

Ananias i tok bihain long gren fainal ya i pinis long Sande apinun, bai ol i holim presentesen long pilai graun yet. Na long dispela apinun tu bai em wanpela olpela presiden, Peter Mommers i senisim long wok bilong tupela.

Ananias bai kisim dispela wok presiden long han bilong olpela presiden, Peter Mommers. Peter Mommers em presiden bilong Papua Niugini Futbol Asosiesen (PNGFA).

Nominesen fi pas long 7 Oktoba

PNGFA SOKA RIPOT

SEKETERI bilong PNGFA, Don Sigamata i makim 7 Oktoba, dispela wiken Sarere olsem las de bilong olgeta soka asosiesen i baim nominesen fi bilong ol long pilai insait long nesenel wimens sempionsip.

Nominesen fi bilong wanwan soka asosiesen em K200 na olgeta senta i no baim yet dispela fi. Mosbi soka asosiesen tasol i baim pinis dispela nominesen fi bilong em wantaim PNGFA.

Don i tok i no gutpela long asosiesen i skruim taim bilong baim nominesen fi i go moa. Bikos ol i mas stretim dispela samting pastaim bai PNGFA tonamen dairekta i ken luksave long amas tim bai kamap na mekim dro.

Nau yet 8-pela senta i tokaut long salim tim bilong ol meri i go pilai long dispela PNGFA Kap tonamen bilong ol meri. Dispela em nesenel sempionsip bilong ol meri we PNGFA yet bai sponsarim.

Ol dispela senta em, Madang, Hagen, Wabeg, LFA, Lahi, Kaiapit, Wau na Mosbi. Wanpela asosiesen husat i no bin rejista wantaim PNGFA tu i laik kamap long dispela tonamen. Dispela asosiesen em Vanimo Kantri.

Tasol seketeri, Don Sigamata i tok ol i mas redim K1,000 afiliyesen fi bilong ol wantaim K200 nominesen fi na tu arapela kos bilong ol

samting ol bai yusim long go long Madang. Ol kain samting olsem kos bilong trenspot, kos bilong haus slip long Madang na arapela moa.

Vanimo i no fainensel memba bilong PNGFA yet tasol bikos tonamen bilong ol meri ya i stpa klostu long Madang, em i laik traim dispela resis wantaim ol meri bilong em.

Seketeri bilong PNGFA, i salim pas i go pinis long Madang long Madang Soka Asosiesen (MSA) long ripot bek long em long wanem hap ol i stap nau nau long redim ol samting bilong lukautim tonamen ya.

Em i no kism bekim bilong MSA yet long dispela samting.

Nesenel sempionsip bilong ol meri bai kamap long 27 Oktoba na pinis long 29 long Sande. Dispela tonamen inap kamap long 15 Septemba long las mun tasol Madang i gat planti bikpela pilai i bin kamap long dispela taim. Olsem na PNGFA i skruim taim biang pilai ya i kam inap long dispela mun.

Ol tim bai i kam long hailans rijen em Hagen na Wabeg. Goroka husat i save oltaim salim tim bilong ol meri long dispela i no inap kamap long pilai ya. Bikos asosiesen bilong em i no bin baim ol afiliyesen fi bilong em i go long PNGFA.

Long Morobe provins, em i gat foapela asosiesen olgeta husat bai i go long tonamen ya. Ol dispela asosiesen em, LFA, Lahi bilong Lae siti yet, Kaiapit bilong Kaiapit distrik na Wau bilong Wau distrik. Kaiapit na Wau em ausait long Lae siti.



• Em kain bekap na sapat ol boi bilong Difens i save kamapim long Mosbi soka resis long olgeta wiken. Lukaut long ol soldia boi. Foto: John Rei.

Nogat sponsa - spot i dai long Wewak

IS SEPIK Provins i gat planti saveman bilong pilai soka na ol arapela spot nambaut i stap. I gat tu ol savman bilong lukautim na ronim ol wok edministresen bilong ol dispela spot.

Long bipo i kam ol dispela saveman i traim hat tru long brukim het bilong ol long tingting long kamapim ol gutpela kontek namel long ol bikpela bisnis na kampani long kisim sponsa. Tasol planti pas bilong ol i go aut na i no gat gutpela bekim i kam bek.

Ol kampani na bisnis i nogat luksave long helpim na strongim ol spot long sait bilong sponsa.

Soka long 1980 i kam i bin wanpela strongpela gem tru long Is Sepik provins. Long Wewak taun yet dispela spot i save kamap strong tru. Inap nau, soka i wok long pundaun isi isi bikos i nogat sapat na sponsa bilong kirapim spot ya.

Ol kampani olsem Tang Mow na Garamut na Wewak las i wok long isi isi long givim sampela liklik helpim olsem long sponsa i go long ol klap na tu long asosiesen.

Long nau yet yu ken luksave olsem i nogat wanpela gutpela na strongpela sponsasip i stap long soka na arapela spot long Wewak. Taim ol bikpela

ERIC WANGIHAU i glasim soka long Wewak

tonamen olsem nesenel sempionsip i kamap, bai yu ken lukim klia olsem i no gat sponsa bilong helpim na bringim skwat i go long nesenel sempionsip.

Planti taim Wewak yet i save digim poket bilong em long painim mani bilong salim ol spot tim bilong ol i go pilai long narapela provins long kain bikpela tonamen o sempionsip. I save no gat tru ol sponsa long

helpim ol.

Narapela samting tu em i no gat wok helpim olsem ol klap i ken mekim long strongim o sapatim asosiesen bilong ol.

Ol klap i laik kamap bos boi bilong asosiesen na daunim ol rul na lo bilong pilai. Ol rul na lo bilong pilai soka we PNGFA i kisim long FIFA na soim mipela long pilai bihainim.

Planti klap i ting Wewak Soka Asosiesen (WSA) i ron long strong bilong em yet. Ol i no luksave long dispela nid stret we WSA i mas kisim long olgeta klap wanwan long ranim gutpela soka asosiesen.

Ol bisnis haus Wewak i mas opim ai na lukluk nau long sapatim soka na ol spot long givim sponsasip. Sapos yu sevim ol pipel, bai ol pipel i sevim yupela ol bisnis haus.

Ol meri amamas long jonim Tekwie Sil

LIDA bilong ol meri long Vanimo, Sandaun provins i amamas tru long lukim ol meri tu i pilai insait long dispela bikpela soka tonamen bilong John Tekwie Sil long independens wiken.

Dispela em i namba wan taim long ol meri Sandaun i kisim kain luksave olsem long joinim ol man insait long pilai spot. Ol meri kamapim bikpela salens tu long dispela soka resis we i bungim planti manmeri long lukim pilai na amamas long bungim wantaim.

Mausmeri bilong Wimens Asosiesen, Leoni Ramram i bin

mekim dispela toktok long ai bilong moa long 400 manmeri na pikinini insait na arasait long provins.

Wimens lida ya i tok pasin bilong luksave long ol meri tu insait long pasin bilong spot i wanpela gutpela rot bilong kiraim na strongim tingting na laik bilong ol meri long stap insait long ol kain wok developmen insait long provins na kantri olgeta.

Em i tok nau ol meri i bin kisim dispela sans long pilai tu insait soka resis bilong Tekwie Sil, ol meri bai amamas na tingim dispela long planti taim bihain.

"Sapot yu wanpela spot manmeri,

bai yu inap luksave long wanem samting spot i save mekim. Spot i save bringim palnti kan kain manmeri i kam bung wantaim na kamapim ol gutpela prensip. Maski mipela olgeta i save kam long kain kain ples, kain kain tumbuna pasin na kastom, wanpela i gat bikpela skul na save, yu gat wok long mekim. Spot i wanpela eria we i bringim mipela olgeta i kam klostu long luksave long wanpela na narapela. Dispela tu i helpim long daunim ol bikpela na liklik trabel long kamap insait long komyuniti mipela i stap long en.

Kamby autim soka taitel long Kiunga

KIUNGA SOKA RIPOT

IAN KAKARERE i raitim

KAMBY nau i kamap nupela soka sempion bilong Kiunga soka resis bihain long em i autim tiket bilong Blue Kumuls long las wiken long gren final.

Kepten bilong Blue Kumuls na midfil pilaia, Rodney Sumale i bin pilai gut tru long namba wan hap bilong gem long ron na holim gut bal long sait bilong em. Olsem na dispela gutpela na strongpela gem bilong ol i mekim Kamby i kirap nogut taim midfilda bilong Kumuls, Robert Baclay i brukim umben na kamapim namba wan gol bilong Kumuls.

Long namba tu hap bilong gem, ol boi bilong Kamby i kisim sampela gutpela tok skul na i kam bek. Olsem na kepten bilong Kamby husat i pilai long midfil posisen i pait strong na kamapim namba wan gol bilong Kamby we skoa bilong tupela sait wantaim i sanap 1-1.

Straika bilong Kamby, Rocky Ukin i yusim save bilong em taim em i kisim wanpela gutpela bal na straikim stret i go pas long umben bilong Kumuls. Golkipa bilong Kumuls, Jeff Jakis i traim long sevim dispela gol, tasol straika no gut bilong Kamby i no laik pilai pilai moa. Olsem na umben bilong Kumuls i mekim nois na Kamby i go pas long skoa 2-1.

Dispela win bilong Kamby i stapim win bilong Blue Kumuls long tripela

krismas olgeta. Kumuls i bin holim Kiunga soka sempionsip long las tripela krismas i kam inap las wiken we Kamby i rausim long em wantaim 2-1 skoa long fultaim.

Planti pilaia bilong Kamby i kam long ol ples antap long Ok Tedi wara. Ol ples olsem Komokpin, Atkamba, Dome, Bongabun, Yeran na Yogi. Jimmy Jerry bilong Kamby i kisim awod bilong Man of the Match.

Kattha i autim taitel bilong prima risev divisen taim em i nekim Blue Kumuls 1-0 long gren final.

Dispela win bilong Kattha na Kamby i soim planti gutpela stail na strong bilong ol pilaia long las wiken. Na dispela tu i soim ol kain soka stail bilong ol boi long Kiunga soka resis.

Long taim bilong presentesen, presiden bilong Kiunga Soka Asosiesen (KSA), Roger Gwapit i tok soka i bin stat long Kiunga long 1950. Dispela em long taim lain long Kiunga i bin go skul nabaut long hap bilong Irian Jaya na i kam bek. Ol i kisim dispela save bilong soka i kam bek long Westen provins na i save kik i go i kam. Soka i bin kamap klia long dispela taim i kam inap nau. Na ol i save holim planti soka resis insait long ol ples na singautim ol arapela tim i kam pilai.

Roger i tok nau em soka resis bilong Kiunga i pinis, bai ol i traim long larim soka i go het yet long dispela taim i go. Olsem na ol bai toktok wantaim ol gavman dipatmen na na bisnis haus long holim soka resis bilong ol long dispela taim nau inap long krismas.



□ "Kol ples" Ol susa bilong Hagen husat i bin soim stail long nesenel volibal sempionsip las wik long Mosbi. Foto: Joe Ivaharia.

Vanimo kirapim basketbal gen bihain long 5-pela krismas

ARI HABA i raitim

BASKETBAL tim bilong ol man na meri long Vanimo taun i kamap sempion bilong Vanimo basketbal resis long independens wiken insait long bikpela basketbal tonamen bilong Vanimo.

Long independens wiken, Vanimo basketbal asosiesen i bin kamapim wanpela bikpela basketbal sempionsip we tupela tim bilong Vanimo long man na meri i kamap wina long dispela resis.

Insait long tim bilong ol man, wanpela basketbal tim bilong Bewani distrik i bin givim bikpela na strongpela salens tru

long ol taun manki bilong Vanimo. Ol i putim kamap bikpela salens tru na klostu nekim Vanimo. Tasol Vanimo i senisim gem plen hariap na nekim Bewani long 49-30 basket long fultaim.

Long sait bilong ol meri em Vanimo tim bilong ol meri i bin pilaim fainal wantaim ol susa bilong Vanimo Kantri. Dispela i bin wanpela bikpela salens tru tasol ol susa bilong Vanimo i gat moa pawa long dispela taim na ol i nekim ol meri Vanimo Kantri wantaim 30-17 basket long fultaim.

Ol basketbal tim husat i bin kamap long dispela basketbal tonamen em; Telefomin wantaim tim bilong ol meri tasol; Amanab wantaim tim bilong ol

man, Bewani wantaim ol man na meri na Vanimo yet i gat 5-pela tim olgeta long dispela resis.

Bihain long dispela basketbal resis, siaman bilong tonamen, Bonny Leki i tok dispela em stat bilong Vanimo basketbal resis. Bikos Vanimo i bin no gat basketbal resis long 5-pela yia. Dispela em bikos i nogat basketbal kot bilong pilai long en.

Bonny i tok sori long ol arapela distrik husat i no bin kamap long dispela basketbal resis bikos i no gat gutpela toksave. Tasol em i askim ol long kisim toksave nau olsem ol i mas stat redim ol tim bilong ol bikos long neks yia bai basketbal tonamen i kirap. Na dispela em bai provinsal basketbal tonamen.

Lae, Kimbe na Mosbi feveret long fainal

RULS SEMPIONSIP

KENNEDY EDENE i raitim

KIMBE taun bai paia long dispela wiken taim bikpela nesenel sempionsip bilong ausi rul i kamap. Dispela sempionsip tu bai bungim wantaim provinsal gavman de bilong Wes Nu Briten provins.

Dispela sempionsip bilong ausi rul i no bin kamap longpela taim inap dispela yia Kimbe i pasim tingting long holim.

Ol tim husat i redi long kamap long dispela sempionsip em, Lae, Mosbi, Hagen, Kimbe, Madang, Kandrian na Gasmata. Kimbe na Gasmata bai putim kamap tupela tim. Mosbi tu i laik putim tupela ausi rul tim long pilai insait long dispela sempionsip, tasol no gat inap mani long mekim dispela. Olsem na em bai salim wanpela tim tasol.

Siaman bilong dispela nesenel sempionsip long Kimbe, Victor


Valuka i tok olgeta tim husat i go kamap long Kimbe bai kisim bek K300 afiliesen fi bilong em.

Victor i tok olgeta senta i kisim toksave pinis na ol i wok long redim ol rot bilong ol long go long Kimbe long dispela wiken.

I gat luksave olsem skwat bilong Hagen bai bungim tu sampela pilaia bilong Goroka na Mendi wantaim na wokim wanpela tim. Ol biknem olsem Thomas Gori husat i save pilai long Mosbi Difens na mamba bilong Wol Rul Futbol tim long Hagen tim. Arapela biknem pilaia long Goroka na Mendi olsem Simon Boski na Pius Anton bilong Mendi, Tanai Peni, John Waninara na Peter Lasher bilong Goroka tu bai stap long dispela Hagen skwat.

I gat bikpela tingting olsem Lae, Kimbe na Mosbi bai pait long fainal. Ol i stap olsem feveret nau.

Mosbi bai i gat sampela biknem pilaia olsem Joe Lipou, Mathew Pula, Luke Savere na arapela moa long strongim Mosbi tim winim dispela nesenel ausi rul sempionsip bilong dispela yia.



- Em basketbal salens namel long ol meri Golden Alek na Rebels long Mosbi basketbal resis long las wiken.

West winim Difens long NCD Ruls

NCD RULS RIPO

STRONGPELA ron na salens bilong West long las kwota insait long banis bilong Steamship Hardware Difens i kamapim klia win long las wiken wantaim 56-50 skoa long Mosbi.

West i winim dispela gren fainal long 6-pela poin tasol na dispela i soim olsem tupela tim wantaim i bin pilai strong tru na redi gut tru long winim dispela gren fainal bilong NCD ruls resis.

Difens i bin go daun 25-35 poin long hap taim. Long

fran lain bilong West ol boi olsem Stanley Tavut, John Mondo na Steven Buckley i bin pilai gut tru. Na arapela olsem kaumu, John Buluke na Joe Logha tu i givim bikpela sapot na helpim long putim moa pawa long sait bilong ol.

Kosa bilong West Joe Lipu i mekim bikpela tok amamas i go long ol boi bilong Difens long putim kamap bikpela salens long dispela gren fainal. Dispela i bin wanpela klostu gem tru we tupela tim wantaim i pait strong long stat bilong pilai go inap long pinis bilong pilai.

Kosa bilong Difens, Peter Bailey i tok West i pasim tingting pinis long winim dispela gem na ol i kam insait na

pilai bihainim dispela tingting ol i gat. Olsem na ol bikpela amamas i mas go long ol long kamapim win. Bikos olgeta spot, i save gat wanpela wina na wanpela lusa.

Ol boi bilong West Nu Briten provins i bin namba wan lain long kamapim 5 gois na 4 bihain long go pas wanaim 34 poin. Difens i kamapim tasol 5 bihain 5 poin.

Difens i kam in long seken kwota na apim skoa i go antap long 3.4 (22) na West long 1 bihain long 3. Long dispela taim Difens i putim moa pawa na apim skoa i go antap long 18 poin na Difens 15.

Difens i gat ol gutpela pilaia olsem Luke Sawere long senta, John Vovola long rait fowet flenk, Jeff Noah, Paul Kaogo, Danny Kase na Jack Reka. Ol i putim planti gutpela stail na pilai long kamapim gutnem bilong Difens. Tasol ol boi bilong West i save was gut long olgeta hap kona na stapim ol strongpela ron na stail bilong Difens.

Dispela strongpela gem bilong West i stapim sans bilong Difens long win na em i lokim skoa long 56-50 long fultaim na winim 1995 NCD Rul gren fainal.

Difens i bin pait long longpela rot i kam inap long gren fainal. Em i bin nekim Koboni

na bihain Halagu long kamap long gren fainel egens West. Dispela i soim olsem Difens em wanpela strongpela tim tru husat i bin pait na winim ol strongpela salens na birua i kam inap long mak bilong gren fainal na em i lus.

Long gren fainal bilong risev gret, Mosbi i bin winim ol manki West 6-7 (43) - 3-4 (22). Dispela win bilong Mosbi i soim olsem ol i holim bek dispela taitel bilong ol gen long las yia i kam.

Vais presiden, Thomas Ravuman i amamasim ol boi bilong em long pilai strong na winim gen dispela taitel bilong ol long las yia.

WANTOK SPOTS



● 'PANTHERS PAWA 95' ...Dispela em tim bilong ol Hebou Panthers long Unagi Lig resis long Mosbi. Sindaun (lephan-raithan) em James, Sinowai, Kaupa, Smith, Jack Furegi na Badi. Brukim skru em (l-r) Andrew Savita, Sam Backo, David Kaupa, Eric Maina na John. Sanap long baksait(l-r) em Mick, Kumanal, Andrew Savita, Furegi Bob, Peter Wemin, Cee Fox, Ian, Tara na Big Joe. Foto: IVAN BAYAGAU.

Brothers autim 1995 Madang lig taitel

SIAMAN bilong ol lain eksekutiv husat i lukautim tasol wok bilong Madang Ragbi Futbal Lig, John Jacob i tokaut pinis olsem Brothers em i primia tim bilong Madang long 1995 sisen.

Brothers i autim dispela taitel bihain long ol i winim Tarangau 20-14.

Long narapela stori, wanpela lig miting bai kamap long neks wik. Insait long dispela kibung bai ol i makim ol nupela opisal, husat bai ronim wok bilong lig i go insait long neks yia.

ROBERT KAIA i raitim

Madang Brothers em skipa bilong ol Ipul Mom i go pas long ol wantaim ol helpim i kam long ol fowat pilaia olsem Bryan Kramer, Charlie Philip, Elison Piel, Joe Tipaija, Paul Minape na Warea Yano.

Ol bin givim hat taim stret long ol lain woda long skoarim trai long namba wan hap, na tu long namba tu hap bilong pilai.

Nupela presiden bilong Brothers, Hugh Saweni i tok olsem dispela win bilong ol em

MADANG RAGBI LIG

ol mangi i no wok na lukluk tasol long pilai ragbi i mekim na i helpim ol long win.

Kepten bilong Tarangau Tony Kerowa husat bai lusim Madang long pinis bilong dispela yia i mekim gutpela tok-tok i go long ol sumatin bilong DWI na ol woda long kamapim gutpela pilai long ol Brothers.

Tasol em i tok olsem em i no amamas tumas taim ol i kolim

pilai op hariap taim Tarangau i redi long mekimsave long ol Brothers. Wantaim dispela inta siti kap pilai, planti pilaia i kam long ol arapela senta long kamapim strongpela resis tru long Madang lig. Dispela i soim olsem Madang Brothers i mas wokhat moa long neks yia long holim taitel bilong ol yet. Siaman bilong ol MRFL, Jahn Jacob i tok olsem ol 6-pela klab husat i wok long resis

insait long lig bai bung long Oktoba 10 long makim ol nupela eksekutiv bilong lig long 1996 sisen.

Long dispela miting, Jacob i tok olsem, ol klab em provinsal judiseri komiti i lukim i mas baim kot bilong ol. Madang Tarangau bai baim fain long kamapim bikhet pasin bihain tasol long gren fainal gem. Insait long dispela miting bai ol tim bilong wanwan klap long olgeta divisen, i kisim tu prais bilong ol.

**NAU YU KEN
BAIM LONG
LIKLIK NUPELA
100gm PAK..**

IT'S MARVELLOUS WHAT MILO CAN DO FOR YOU.

**LAE
BISCUIT**



RAGBI LIG

NIUS

I NO BILONG SALIM.

**LAE
BISCUIT**



Kumuls tim i gat strong

BRUCE Mamando na David Westley i strogim pilai bilong ol Kumuls taim ol i redi long namba wan pilai bilong ol egesim Tonga longTunde neks wik.

Mamando na Westley em tupela pilaia bilong Kenberra Raiders. Tupela wantaim wan wok bilong tupela long Australia na Keptain bilong ol Kumuls Adrian Lam i bin pilai gut tru taim ol i pilaim ol French Roosters long las wik, strong bilong ol tripela wantaim ol mangi bilong ples yet i willivillim ol Roosters 24-16.

Nau long dispela taim, ol Kumuls i stap pinis long England na i wok long taim hat long plain namba wan geim bilong ol. Long redi long dispela pilai, ol Kumul i go pelai egesim ol French Roosters tupela taim a narepela Kantri France.

"Mipela i winim tupela, wanpela long stat na narepela long pinis na lus long narapela long namel olsem na ol mangi i gat bikpela bilip long ol yet taim ol i kam long Eaglan." Kosa bilong ol Kumuls, Joe Tokana i tok.

"Gutpela pilaia bilong Mt. Hagen Eagles, James Kops i skorim tupela trai na i defend hat tru olsem na embai i kisim ples bilong em long wanpela winga posien," Tokan i tok.

Stanley Gena bilong Lahanis i gat liklik problem long bel bilong en olsem na Tokam i no kliia sapos em bai i stat wantaim ol narapela

long namba wan pilai bilong ol.

"Mi makim Robert Leka bilong Lae long standly, sapos Gena i no orait bai, Lekai kisim ples," Tokam i tok. Mamamando i kisim ples bilong wantok bilong em Michael Angra. Angra i gat hevi long lek bilong en na tupela bilong Hagen yet i senis long posisen bilong look bilong tim.

"Strongpela pilai bilong ol Kumuls i mekim na ol bai i pilai wantaim gutpela tingting, maski ol i pilai long kol ples," Tokan i tok.

Long dispela taim tu, Tokam i tok aut long pes 13-pela pilaia bilong ol Kumuls tim, we ol bai i pilai egesim ol Tonga.

Dispela tim em, David Buka, James Kops, Josuha Kouru, John Okul, David Gomia, Stanley Gene/Robert Teka, Adrian Lam (c) Tuiyo Evei, Elias Paiyo, David Westley, Max Tiri (v/c) Nande Yer, Bruce Mamando.

"I gat planti resev i stap tasol bai mi lukluk long ol trening progrem na kombine-sen bilong ol pilaias pastaim na bai mi kolim nem bilong ol." Tokam i tok.

Kops, Leka Westly na Manamdo em bai pes taim bilong ol long pilai long Wol Kap kompetisim long kisim point bilong Papua New Guinea.

"Mi gat bikpela bilip long Westly, Lam Mamando na Okul olsem na nupela bai i pilai gut.



• Kenberra Raiders fowat David Weatly bai givim gutpela strong na sapot long Kumuls fowats long Wol Kap tona-men. Kumuls i gat gutpela tim long pilaim Kiwi long fes gen bilong ol long Tunde.

1995 RUGBY LEAGUE WORLD CUP DRAW

POOL ONE	
AUSTRALIA	ENGLAND
SOUTH AFRICA	FIJI
POOL TWO	
NEW ZEALAND	PAPUA NEW GUINEA
TONGA	
POOL THREE	
WALES	FRANCE
WESTERN SAMOA	
October 7 (Group One Venue: Wembley) England vs Australia	
1500	
October 8 (Group Two Venue: Warrington) New Zealand vs Tonga (Group One Venue: Keighy) Fiji vs South Africa	
1800 1430	
October 9 (Group Three Venue: Cardiff) Wales vs France	
2000	
October 10 (Group One Venue: Gateshead) Australia vs South Africa (Group Two Venue: Hull) PNG vs Tonga	
2015 1815	
October 11 (Group One Venue: Wigan) New Zealand vs Papua New Guinea	
1930	
October 12 (Group Three Venue: Cardiff) France vs Western Samoa	
2000	
October 13 (Group Two Venue: St Helens) New Zealand vs Papua New Guinea	
2000	
October 14 (Group One - Venue: Huddersfield) Australia vs Fiji	
1400	
October 15 (Group One Venue: Leeds) England vs South Africa	
1900	
October 15 (Group Three - Venue: Swansea) Wales vs Western Samoa	
1800	
October 21 (Frist Semi final) 1500 Old Trafford	
October 22 (Second semi-finals) 1500 Huddersfield	
October 28 (Final) 1500 Wembley	

OL Papua New Guinea Kumuls bai i kisim taim long han bilong referi bilong French taim ol i pilaim namba wan wol kap gem egesim Tonga long Tunde neks wik.

Claude Alba em i namba wan referi bilong French Ragbi Lig na em i stap insait long gem bilong ol referi insait long Wol Kap. Ol i makim em long lukautim dispela gem. Alba i no save long tok Inglis save mekim ol sain i nara kain long ol Papua Niugini, Niu Sialan na Australia.

"Long namba tu pilai taim ol Kumul i pilaim ol French Roosters, referi i no sanap gut long 10m. Em i sanap 5 m olsem lo bilong bipo," Kosa, Joe Tokam i tok.

Bihain long dispela pilai, referee bilong Papua New Guinea yet, Tony Kuni e lukau-

Kumuls bai kisim taim long han bilong French referee - Kuni i no stap insait

tim pilai, olsem na ol Kumuls pilai, olsem na ol Kumuls i win long gutpela skoa na pilai i bin kamap gut.

"Ol French Roosters i bin kisim taim long han bilong Tony Kuni long 10m mak na ol kain signal na sign wantaim toktok em i mekim. Nogut nuipela bai i kisim pei bek long dispela namba wan gem." Tokan i tok bihainim ol wantok system pasim.

Insait long ol dro bilong ol referi, tripela biknem referi bilong Australia em ol i givim ol isi pilai na ol referi bilong Englan yet i kisim ol strongpela pilai namel long ol bikpela kantri olsem, Australia, England na Niu Sialan.

ALPHONSE PU i raitim

Refri bilong yumi yet, bilong Papua Niugini em ol i no givim em wanpela bikpela pilai, tasol i gat bikpela bilip olsem em bai i kamap lains men na tu em bai i kamap referee namel long ol nupela kantri we ol i pilaim ragbi lig.

Dispela ol kantri olsem, Russie na Canda. Tony Kurni i kamapim gut ol pilai bilong em long Fench wantaim i no gat bikpela al asua tasol mipela i no save why na ol i dropim em" Tokan i tok, olsem em samting bilong ol referee yet.

Ol referee husat i stap insait long dispela pool na wanem

givim ol bai i kontrollim em olsem.

- Stuart Cummins (Englan) Australia vs Englan.

- David Campell (Englan) Niu Sialan vs Tonga

- David Manson (Australia) Fiji vs S. Africa

- Eddie Ward (Australia) Wales vs France

- Claude Alba (France) PNG vs Tonga

- Russell Smith (England) Australia vs S. Africa

- Denis Hale (Niu Zialan) Englan vs Fiji
- Kelvin Jeffes (Australia) France vs W. Samoa.

I gat bilip olsem i nogat wanbel pasin i stap namel long ol dispela appoinman bilong ol referee.

"Ol i dampim ol gutpela referee bilong ol Australia na makim ol yet long ol bikpela pilai." Wanpela opisal i tok. Dispela i soim bikpela tok kros nam i wok long kamap namel long Supa Lig na Australian Ragbi Lig. England, France, Niu Zialan na PNG i memba bilong Supa Lig na Australia em i stap em yet.

Ol supa lig referee i kisim ol bikpela pilai na ARL i kisim ol narapela bilong hamasim ol tasol.




• Tigers risev gret tim husat i kisim primiasip bilong Kiunga ragbi lig.




• Souths risev gret tim husat i lus long ol Tigers long grenfainel bilong Kiunga lig las wiken.



• Tarangau A gret tim husat i lus long Souths long grenfainel.



• Kepten na hapbek bilong Tigers Kelly Casper wantaim risev gret sil.



• Kepten bilong Magani anda 19 tim Swin Wanetti wantaim anda 19 sil.

Magani bai brukim bun wantaim Brothers long pilai insait long gren fainel

BANZ LIG RIPOT

GS Magani bai bungim Brothers long wanpela bikipela pilai dispela wik sande long Banz Lig graun long painim husat bilong tupela bai igo pilaim Jiwaka Tigers long gren fainol long narapela wik Sande. Ol Bois blong Saut wagi i bin wokabout i go sambai pinis lon gren fainol taim ol i autim tiket blong Magani; 18-16 las wik Sande.

Lukluk blong tupela tim wantaim long dispela wik tupela tim i balens gut tru olsem na das bai kirap na bun bai pairap taim tupela i bung. Dispela tupela i olupela klab tru blong Banz Lig na bai tupela tim wantaim i pilai gutpela, strongpela futbol long rausim narapela na igo insait long gren fainol.

Long lukluk bek long ol klab gems ol Magani i gat ol yangpela pilai tasol husait i save pilai 80 minits futbol wantaim gutpela sapot long sponsa blong ol basi ol i pilai hat moa long igo insait long gren fainol. Tasol ol i mas was gut blong wanem ol Brothers i gat moa ekspirens long ol kain bikipela pilai olsem na sapos ol ken kamapim ol kain stail pilai bilong ol, ol inap rausim Magani igo.

Long Magani bai Kevin Noah long hapbek bai igo pas long

stiaim ol lain long brukim banis blong Brothers. Em bai kisim gutpela sapot long Peter Angelye long faivet na Ding Kur long autsait senta. Dami hap John Dar bai igo pas long ol fowoks. Long helpim em igat kain man olsem Peter Singal, Paul Kulung, Pren Tai, Thomas Kenken, na Billy Ngunoup. Long fullbek Timothy Ganga bai sanap na Billy Kolip bai strongim beklain long autsait senta.

Ol Brothers igat ol biknem pilaias olsem na ol Magani ino ken ting em bai isi long ol.

Long Fowot blong Brothers igat kain man olsem, Samuel Kamben, Frank Kaman, Kauboi Maima, Paul Wan na John Buknga, Mond Kamben bai istap long hap back i go i kam long traim painim lain blong Magani. Tupela bai kisim gutpela sapot pilai i kam long insait senta Thomas Tumbo na autsait Tommy Duka. Bob Rodger na Vincent Klap long wing na Joseph Gelu bai pasim wok long fulbek.

Dispela pilai namel long tupela tim wanpela strongpela na gutpela gem tru wei planti manmeri na sapotas bai igo insait long geit long lukim na sapotim

Long fitnes bai ol Magani mekimsave long ol Brothers tasol long ekspirens bai ol Brothers lukluk tasol.

Muaina Op Sisen Lig kik op long Simbu

MICHAEL KOMA i raitim

BIKPELA Op Sisen Ragbi Lig bilong Simbu Muaina Lig i kik op opisali long stat bilong dispela mun tasol i no painim wanpela gutpela sponsasip dil wantaim ol bisnis haus.

Ol lig opisal nau yet i wok long traim hat tru long kisim sposa long ol sampela bisnis haus na wanwan ol manmeri.

Presiden bilong Li Michael Konia i tok olsem maski i nogat sponsasip long dispela sisen tingting bilong ol yangpela long pilai ragbi lig i antap tru.

"Sinatina na Yongomul Membra na deptui spika bilong Nesenel Palimen Ben Okoro long las yia i bin promis long sponsasip dispela ragbi lig tasol nau yet mipela i no kisim wanpela samting long han bilong em," Konia i tok.

Em i tok moa olsem Muaina Lig i pilaim bikipela hapwok tru long helpim ol

yangpela long Sinasina distrik we ol yangpela i save lus tingting long wokim ol trabel nambaut.

Long nau yet i gat 14-pela klab olgeta husat i stap pilai resis nau insait long dispela op sisen lig.

Ol klab ya em Perenime Magani, Koge Manly, Emai Ziks, Sipaku Panthers, Kuapage Bulldogs, Laswara, Paraul Raiders, Koal Warriors, Kolai Brothers, Kuguruma Hawks, Kere Country, Sipaku Tigers na Simau Spiders.

OL Bois blong Saut Wagi, Jiwaka Tigers i gat wanpela wik long malolo na bai bungim wina blong Magani wantaim Brothers long dispela wik. Ol i bin i go sambai tasol long gren fainol taim ol i rausim traisis blong Magani 18-6 long last wik i go pinis.

Namba tu Presiden blong Tigers klab, Mista Sailas Wutzi i tok em i amamas tru long

Souths em primia tim bilong Kiunga Lig Souths 21 vs Tarangau 21

KIUNGA RAGBI LIG RIPOT WANTAIM IAN KAKARERE

SOUTHS i nekim Ninerum Tarangau 22-21 long Kiunga Ragbi Lig A gret grenfainel long las wik Sande. Na dispela em namba 4 grenfainel win bilong Souths long 4-pela yia olgeta.

Moa long 2,000manmeri na sapota bilong ragbi lig i pasim Kiunga Taun pilai graun na sanap long pinga bilong ol tasol i go inap long pilai i pinis long lukim tupela tim ya i pait long atek na difens.

Pilai ya em ol i pilaim long gutpela kondisen we pilai graun i drai na i gat liklik klaut i karamapim san.



• Souths A gret tim husat i winim Tarangau 22-21 long Kiunga Lig gren fainel las wiken. Foto: Ian Kakarere.

Ol fowat bilong ol Souths em Savi Kaeta i go pas long ol i tanim hot i go long ol Tarangau na kisim spes na holim moa bal.

Strongpela ol takel bilong Souths i kamapim wanpela

penelti i kamap na hapbek bilong Tarangau Morris Malawa i kikim go long opim skoa.

Tasol hapbek bilong Souths Charlie Nago i bekim dinau gen wantaim wanpela penelti gol na skoa i pas wantaim gen.

Long namel bilong pilai long fes hap ol fowats bilong Souths husat i wok hat tru i lukim wanpela gutpela pilai i kamap namel long ol yet na seken rowa Negaya Inaya i pundaun antap long trai lain. Bihain tasol long dispela em winga bilong Souths Vincent Sakopa i go gen long wanpela moa trai na Souths i surikim lid bilong ol i go antap olgeta long 10-2.

I go inap long dispela taim, Tarangau i bin pasim maus

Tasol klostu long haptaim stret, fulbek bilong ol Souths Somono Maitona i krosim lain long rait han sait na surikim ol Souths i go antap olgeta long 14-9. Maitona i putim wanpela moa trai gen taim pilai i kirap gen na skoa i go antap moa long 18-9.

Tasol tupela kwik trai i kam long ol Tarangau winga Dick Domiki na insait senta Wamoa Deme na wanpela fil gol moa i lukim tupela tim wantaim i pas long 18-18 wantaim 15 minit tasol i stap long klok.

Taim Digoba i kikim namba tri fil gol bilong em na Malawa i kikim narapela penelti gen, ol Tarangai i amamas nogut tru nau taim ol i go pas long 21-19. Tasol rait winga bilong Souths Yaeti Sikili i bagarapim pati bilong ol bihain long em i skorim wanpela trai long fultaim stret.

Tasol long fultaim stret, Tarangau i kisim wanpela penelti bna bikipela presa tru i stap long Malawa long kikim i go insait tasol kik bilong em i no go insait na Souths i win long 22-21.

Long Tarangau sait, faiv-eit Digoba, Malawa, huka Adolf Omi na prop Mark Milowa na lok Paul Mondo i hatwok nogut tru.

Souths i kamapim stori long Kiunga lig long winim 4-pela A gret primiasip insait long 4-pela yia olgeta.

Long ol pilai bilong ol liklik gret daunbilo, Kiunga Tigers i winim Souths 10-6 long risev gret divisen.

Long Tigers, hapbek Kelly Casper na autsait senta Steven Wawuk em ol lain bilong skorim trai na Casper i kikim trai bilong em yet.

Prop Westley Nawata em bin skorim trai bilong ol Souths na Douglas Gageya i kikim wanpela penelti gol.

Long anda 19 divisen Magani i winim Souths 10-4. Lep winga Mange Kolo i skorim trai na autsait senta George lagai i skorim trai bilong Magani na faiv-eit Naga i kikim wanpela gol.

Jiwaka Tigers redi tasol long fainol

OL Bois blong Saut Wagi, Jiwaka Tigers i gat wanpela wik long malolo na bai bungim wina blong Magani wantaim Brothers long dispela wik. Ol i bin i go sambai tasol long gren fainol taim ol i rausim traisis blong Magani 18-6 long last wik i go pinis.

Namba tu Presiden blong Tigers klab, Mista Sailas Wutzi i tok em i amamas tru long

pilai blong ol Bois blong em long i go insait long gren fainol. Ol Tigers ino pilai insait long tupela yia long Banz lig, em long 1993 na 1994 bihain long wanpela hevi na lig i bin saspensim klab inap tupela krismas. Dispela yia tasol ol i kam bek gen.

Em i tok bihain long longpela taim ol bois blong em istap autsait ol i no lus tingting long


pilai, ol pilai gut tru long sison i kam igo weit long fainol na em i gutpela tru.

Mista Sailas i tok ol bois bilong em bai redi gutpela tru long brukim bun wantaim tim bai ol i bungim lon gren fainol. Em itok moa olsem longpela hap hatwok em pinis na bai ol weitim narapela wik Sande long kilim skin indai na karim primiasip sil igo long hap sait

blong warawagi. Em i tok longpela taim tru isi long Not Wagi olsem na dispela yiu igo long Saut Wagi.

Long Dispela taim yet Mista Sailas Witzik i salim tok long ol Sapotas blong Tigers long istap isi na igo sapotim tim blong ol long stretpela pasin. Em itok aut tupela krismas olsem na em ino laik sem kain pasin i kamap.

BULLDOGS



● Clyff Lyons wantaim narapela Manly pfiia i takelim Matthew Ryan.



● Antap: Dean Pay ron wantaim bal egeus ol Manly long gren fainei.

● Lephan: Triples Bulldogs i amamasin wanpela trai bilong ol.

CANTERBURY 17

PAWA

Ol strongpela Bulldogs i kisim dispela bikpela taim

TAIM Nik Kosef i brukim banis bilong Bulldogs long rait kona na salim Craig Hancock long sisti i go daun long trai lain bilong ol Bulldogs long 21 minit long tupela wik i go pinis, Manly i stil i gat sans long winim dispela pilai yet.

Bihain long dispela Daryl Halligan i ron long hapsait long Sidni Futbol Stadium i kam na mekim tripela man olgeta i pusim Hancock i go outsait long lain.

Long dispela taim, em i soim stret olsem Manly i pinis olgeta nau. I luk olsem em i namba 7 takel sampela minit bihain we ol Bulldogs i skoa long surikim lik bilong ol i go antap long 10-4 i mekim ol i win. Tasol dispela em long save bilong ol yet.

Long olgeta hap kona we Manly i go, planti Bulldogs tru bai raunim ol wantaim strongpela pes na singaut antap long ol wantaim na soim stret olsem bai ol i kilim ol eagles stret.


Long dispela kain stail bilong gren fainel we long olgeta wik i kam antap ol i winim ol Canberra, Brisbane na St George, Manly i ken abrusim sampela ol man bilong takel.

Tasol wanem hap ol i brukim banis, ol bai lukim wanpela Bulldog moa i kam antap long takelim ol. . . o tupela o tripela man bai sanap long stopim ol. I luk olsem i nogat rot olgeta bilong ol long ron.

Long dispela tim husat i yusim planti taim long sanap long kot namel long ol yet. I kamapim gutpela spirit tru we i helpim ol long win.

Bihain long gutpela pilai bilong ol we ol i winim Canberra, olgeta toktok i kamap bikpela moa yet olsem dispela strongpela difens bilong ol bai helpim ol stret long bagarapim sindaun bilong ol Manly.

Na taim pilai i kamap tru, i no dispela difens tasol i mekim na ol i win. I luk olsem ol i gat planti moa man long mekim difens bilong ol i strong olgeta taim. Long sampela taim bai yu lukim olsem ol Bulldogs i gat moa long 18 pilala antap long pilai graun na tu ol i



● Mark Carol i sindaun na sore bihain long taim ol i lus long ol Bulldogs.

ritim gut tru atek bilong ol Manly na hariap tru ol i kamapim ol hul bilong ol Manly long ron.

Manly bai painim hat tru long kaikai dispela ol toktok olsem ol tripela trai bilong ol Bulldogs i gat kwesten mak antap long ol na wanpela em wanpela gutpela trai tru em referi i tok nogat.

Na tu ol i nogat toktok moa olsem dispela sotpela spes bilong 10 mita lo i no kamap long pilai we ol yet i ken opim pilai bilong ol.

Tasol long olgeta samting bai pinis, ol i nogat bikpela ungting long train

pilai strong wantaim ol Bulldogs husat i gat fom na bikpela komitmen long winim dispela pilai. Dispela pinis tu i wanpela bikpela tru na namba wan samting tru long keptan bilong ol Bulldogs Terry Lamb.

Lamb i no save kisim weanpela kalabur man long ol bikpela pilai na i pila wanpela ol oipela trik bilong em hariap we em i kisim 10-pela minit insait long sin bit.

Tasol taim ol otips i pinis, em i kisim wanpela gutpela pilai tru we i apim tingting bilong tim bilong em long

winim dispela pilai na i yusim het bilong em long pilai na putim planti moa samting egensim birua bilong em Cliff Lyons.

Manly em wanpela tim husat i stap long fom long stat bilong sisen yet na Bulldogs em wanpela tim we i go insait long kainkain hevi.

Tasol long olgeta samting em pilai long Septemba tasol ol i save kauntim na long dispela kain futbol, Lamb wantaim ol lain pilala bilong em i king.

Olsem fainel bilong sisen i pinis i soim stret drama bilong Supa Lig egensim ARL na bainot i tanim taim pilai pinis-we yu ken lukim John Quayle i sekanim Peter Moore-na ol lain i win i kisim bikpela rispek namel long ol yet.

Dispela olsem fainel bilong Winfield sponsa i no oipela tumas tasol em i wanpela strongpela tru. Dispela pilai i wanpela hatpela tru na tupela tim wantaim i pait strong tru. Na dispela so bipo long pilai long onarim Winfield i wanpela gutpela na naispela stret.

Em i wanpela bikpela samting tru long stori bilong ragbi lig.

Long neks yia, bai i nogat moa Winfield Kap. Manly na Bulldogs bai i no nap pilai gen long neks yia, na i tru olsem tupela bai no nap wankain moa. Tasol taim Norm Provan na Arthur Summons i pasim dispela Winfield Cup i go long ol long laspela, ol gutpela yia, las nau, i stap gut tru. Na i luk olsem i nogat wanpela bai lus tingting long dispela.

OI PIKSA NA
STORI I KAM
LONG RUGBY
LEAGUE
WEEKLY.

winim Manly 4

WOL KAP SPESEL

'KANGAROOOS BAI WIN'

Fitler pasim maus bilong ol tokbaksait lain

LEEDS, England: KEPTEN bilong Australia Brad Fittler i toktok egensim ol lain husat i toktok long tim bilong em olsem ol bai i no nap win na tokim ol olserf ol Kangaroos bai karim dispela wol kap i go bek long ples bilong ol.

Dispela skwat bilong Australia i kisim bikpela taim stret long long England na i no olsem long Australia long wanem ol i no kisim ol supa lig pilai.

English Ragbi Lig siaman na dairekta bilong Wol Kap resis Muarice Lindsay i tok olsem Australia i bagarapim Wol Kap tonamen long wanem ol i no salim namba wan tim bilong ol i go long pilai long dispela resis..

Tasol Fittler i bekim toktok bilong em olsem: "I bin gat kinkain toktok long dispela tim na mipela bai soim ol narapela sait long soim olsem mipela i ken winim wol kap na pasim maus bilong ol."

"Mi no ting olsem ol lain Nu Silan i ting olsem mipela i namba tu sait taim mipela i bin winim ol long stat bilong dispela yia na long fainel pilai, skoa i bin antap tru na brukim rekot olgeta."

"Olgeta lain bai pasim maus tasol na lukim mipela long Oktoba 28 long taim bilong ol fainels."

I bin gat bikpela presa tru long dispela Australia sait bipo long ol i pilaim ol Nu Silan long tes

bilong dispela yia taim i nogat wanpela supa lig pilai i stap insait long tes tim.

Tasol Fittler i bin kamap olsem wanpela biknem lida we em i stiaim ol Australia long winim tripela pilai wantaim na i lukim olsem em hatwok bilong Fittler long kontrolim pilai tasol i mekim na ol i win. Maski em i gat 23 krismas tasol, Fittler em i wanpela sinia pilai long Australia tim long wanem planti pilai long skwat ya i nogat kain ekspirians olsem em. Fittler i bin stap insait long las tupela Kangaroo Tour na em i gat bikpela ekspirians tru. Tasol Fittler i tok moa olsem presa bilong Wol Kap nau bai bikpela moa na i no olsem long taim ol i pilai egensim Nu Silan long stat bilong dispela yia.

"Now olsem mipela i winim Nu Silan, olgeta tim long olgeta hap i wetim mipela tasol long winim mipela na mipela bai bagarapim mipela yet sapos mipela i tok olsem mipela bai wet tasol long lukim olsem ol i rong tru," em i tok.

"Tasol lukluk long dispela skwat bilong mipela i gat planti ol gutpela pilai tru i stap na planti bilong ol em ol yangpela pilai husat i kisim sans bilong ol long makim kantri bilong ol."

Dispela pasin bilong ol long lus long Wembley i mekim kosa Bob Fulton i tingting planti tumas. Ol Kangaroo i bin lusim

las tupela pilai bilong ol insait long tripela taim ol i pilai long Wembley. Dispela tupela lus bilong ol em long 1990 na long las yia 1994. Wanpela pilai tasol ol i winim em egensim England long Wol Kap pilai taim ol i bin winim na dispela i soim olsem ol Kangaroo bilong 1990 na 1994 i no strongpela long wanem ol i no winim olgeta pilai bilong ol long ol dispela raun bilong ol.

Long neks wik Sande, ol Kangaroo bai go bek long Wembley long pilaim namba wan pilai bilong ol wantaim England na Fulton i tok em i wari tru long sampela ol yangpela pilai husat bai stap long dispela sait bilong em.

"Wembley i no gutpela long sampela ol pilai husat i no pilai long hap long bipo," Fulton i tok.

"England i gat planti ol Wigan pilai i stap long tim bilong ol na Wigan i save pilaim planti pilai long hap na i luk olsem dispela i seken asgraun bilong ol."

Ol Australia i go insait long dispela bikpela pilai wantaim nogat gutpela strong long wanem ol i no pilaim wanpela gutpela pilai namel long ol yet na ol i askim long pilaim ol ekkesai pilai na ol i nogat sans.

"Dispela em bai wanpela hatpela pilai tru long mipela tasol mipela bai traim hat tru long win," Fulton i tok.

-AAP-



• Kangaroo kepten Brad Fittler.

Tonga lusim 5-pela Sidni pilaiia

LEEDS, England: TONGA tim husat i holim Pasifik Kap i lusim 5-pela ki pilaiia pinis na ol i kamap long England wantaim 21 man skwat tasol long pilai resis long Wol Kap.

Ol lain Tonga husat bai bungim namba wan birua bilong ol em Papua Niugini Kumuls, i kamap long England wantaim 5-pela sta pilaiia bilong ol i no stap long tim. Dispela ol pilaiia ya i save pilai long Winfield Kap resis em Gorden Tallis, Albert Fulvai na Andrew Tagata-toa.

Taim ol i lusim ol tripela pilaiia ya, ol i lusim kepten bilong ol tu Jim Dymock na John Hopoate husat em ol Australia i makim ol pinis long skwat bilong ol.

Tim menesa Inoke Faletau i tok olsem wanpela pilaiia tasol bilong Canberra Salesi Finhau em ol i putim em i go insait long skwat bilong ol long wol kap.

.. Sans nau bilong Kumuls..

"Mipela bai orait wantaim ol pilaiia nau tasol lusim Dymock em i bikpela samting tru long mipela long wanem, em bin wanpela man husat i go pas tru long win bilong mipela long wol kap resis," Feletau i tok.

"Tasol husat tim i lusim bilip bilong ol long ol sta pilaiia bilong ol bai stat nau na redi tasol."

Tallis i pul aut long dispela skwat long wanem em i kisim bagarap long han bilong em na Fullivai i stap long Australia yet long pinisim wanpela operesen long lek bilong em.

Tangata-toa husat i wan-

pela ki man long sait bilong Newcastle husat i win long risev gret bilong Winfield Kap i go bek long Australia bihain long em i gat wanpela liklik hevi wantaim ol lain femeli bilong em.

Tasol long narapela sait, ol Tonga tu i gat gutpela fowat lain bilong ol long dispela pilai bilong Winfield Kap long ol lain olsem Manly pilaiia Solomon Haumono na Illawara pilaiia Martin Masella na olpela Nu Silan Huka Duann Mann husat bai stap olsem kepten bilong ol long Wol Kap. Em bai kamap kepten bihain long Dymock i stap long skwat bilong Australia.

Feletau i tok olsem maski ol i lusim dispela ol pilai, ol narapela tim i noken kisim sait bilong em olsem ol pipia samting nating.

-AAP

Offiah pasim maus bilong ol Kangaroos

LONDON: Namba wan Ragbi Lig winga bilong England Martin Offiah long Sande i tok egensim ol Australia Kangaroo tim bilong Wol Kap resis olsem ol lain bilong giaman bihain long ol i kamap long England wantaim ol kinkain giaman na sore stori bilong ol.

Offiah husat i rait i go long News of the World Newspaper long London i tokim olsem kosa bilong Kangaroo Bob Fulton na ol lain bilong ol husat i kamap long England wantaim ol stori bilong ol olsem sampela ol pilaiia bilong ol i no pilai long 6-pela o 7-pela wik em bilong giamanim ol narapela tasol.

Offiah i tok olsem ol tu i bin komplem long kain we ol i brukim ragbi lig i go kam nambaut.

"I noken harim toktok bilong ol," Offiah i tok.

Offiah i tok olsem Australia em i gat 4-1 sans long winim dispela wol kap em trupela na kain toktok bilong kosa bilong ol Bob Fulton long bagarapim tingting bilong ol narapela tim bai i no nap senisim wanpela samting olgeta.

"Insait long 4-pela yia, ol i mekim toktok olsem ol i ken putim tripela o tupela tim na ol bai givim mipela hatpela taim stret olsem na dispela em i namba wan taim ol i kisim dispela sans long mekim toktok bilong ol i kamap tru." Offiah i tok.

Offiah i tok tu olsem Fulton i lus tingting olgeta olsem ol bai pilai wantaim England na i no Great Britain olsem long 1992 na i no Australia tasol husat i safa long dispela samting.

-AAP-

WOL KAP SPESEL

Paiyo redi long traim Broncos seleksen

HUKA bilong Papua Niugini Kumuls Elias Paiyo i winim pinis wanpela trail ples wantaim ol Brisbane Broncos long neks yia.

Paiyo wanpela ki man bilong ol Papua Niugini Kumuls long senteneri Wol Kap tonamen long England i bin amamasim tru long man na selekta bilong dispela supa klab bilong Australia.

Kepten bilong PNG Kumuls Arian Lam i tok olsem Paiyo i ken go long Kwinslen long neks mun long traim kisim wanpela ples bilong em yet wantaim ol Brisbane Broncos.

"Mi ting em bai go gut tru long Brisbane neks mun."

Long sait bilong sainim bilong Elias Paiyo wantaim ol Broncos bai mekim olgeta samting i gutpela long PNG ragbi lig bihain long Aqiula Emil i lusim ol Not Kwinslen Coboy.

Emil i lusim ol Not Kwinslen Cowboys long 2-pela yia kontrak bilong em bihain long em i no nap kisim wanpela ples long A gret o risev gret posisen.

Tasol bikpela samting moa nau long Kumuls na Lam em long bikpela pilai egensim ol Tonga long neks wik Tuesday em bai namba wan pilai bilong ol long Wol Kap.

Dispela Sidni Siti Rooster hapbek Adrian Lam i tok olsem i luk olsem olgeta samting i wok long kamap gut nau wantaim ol lain long Kumuls long redim ol yet long bikpela pilai bilong wol kap. Em i tok tu olsem wantaim ol gutpela pilai ol i mekim pinis long Frans, PNG i sanap long gutpela posisen tru nau long bungim ol Tonga.

"Mipela i amamas long fitnes bilong mipela yet nau

na mipela i wok hat tru long lukim olsem kombinesen bilong mipela bai kamap stret." Lam i tok olsem.

"Papua Niugini i gat nem long stail bilong ol long tro-moi bal i go kam long beklain tasol beklain bilong mipela i no sap tuma olsem mipela i laikim long nau yet."

Long sait bilong ol fowats, pawa i go antap moa yet wantaim David Westley na Bruce Mamando bilong Canberra Raiders i go insait wantaim ol long pilai na tupela i bin pilai strong tru long las wik Fraide 22-16 win egensim Frans.

Na wanpela samting i olsem tumbuna pasin bilong ol Kumuls em long alam bilong paia i bin karai long hotel bilong ol long Hull.

"I bin gat sampela ol pilai husat i bin pret long dispela na i no kamap long Breakfast."


Gene mas fit hariap

Namba 6 em bilong Gene

faiv-eit posisen.

I luk olsem ol lain-ap bilong Kumuls egensim ol Tonga bai stat olsem David Buko, James Kops, David Gomia, John Okul, Joshua Kouoru, Robert Tela, Adrian Lam (kepten), Bruce Mamando, Max Tiri, Nander Yer, David Westley, Elias Paiyo na Tiuyo Evei. Petrus Thomas em ol i lukluk strong long em long stat pilai pas long Kouoru long wanem pilai bilong em

FAIV-eit bilong Papua Niugini Kumuls Stanley Gene i resis wantaim taim nau long kamap fit hariap bipo long neks wik Tunde taim ol bai pilai egensim Tonga. Gene i winim pinis namba 6 jesi bihain long gutpela pilai bilong em egensim ol Frans long las wik.



• Stanley Gene (lephan) wantaim ol wanpilaia bilong em David Gomia (namel) na David Buko.

Kosa bilong Papua Niugini Joe Tokam i tokaut long Mande nait olsem Gene bai stat pas long Robert Tela long pilai egensim ol Tonga sapos em i fit long neks wik Tunde.

"Tasol lek bilong em i bagarap liklik na iluk olsem sans bilong em long pilai i no gutpela tumas nau," Tokam i tok.

Em i tok moa olsem i bin gat liklik hevi namel long Robert Tela na Adrian Lam long las fainel pilai bilong ol long Frans olsem na dispela i mekim em i kisim bikpela tingting long stat wantaim Gene. Tasol em i tok tu olsem em i toktok wantaim Robert Tela long dispela hevi na em i bilip Tela i ken mekim wok.

Tokam i tokaut pinis long wanpela skwat bilong em tasol em i tok olsem wanpela posisen long wing i op yet na tu

egensim ol Frans i no gutpela tumas.

"Mi laik yusim ol gutpela 13 pilaia bilong mi long olgeta pilai. Nogat wanpela pilaia husat i fit bai i stap long sait.

Tokam na tim menesa Bob Robertson i bin hariap tru long toktok wantaim ol tripela Mosbi pilai Markus Bai, Elias Paiyo na Ben Bire long noken tingting planti long ol toktok bilong supa lig long kantri we i brukim pilai long PNG.

"Mi toktok wantaim ol tripela ya pinis," Tokam i tok. "Wantaim bikpela ona, mi tok-tim em i gutpela long makim kantri bilong ol na wanem samting i kamap long ples em ol i mas lusim long baksait pastaim."

Tokam bai tokaut long laspela na fainel skwat bilong em long neks wik Mande. AAP

Kumuls redi tasol long ol Tonga

Kumuls 22 vs Frans 16

HULL, England: OL Papua Niugini Kumuls i kamap long hia long Mande wantaim bikpela bilip long Wol Kap bihain long ol i winim ol Frans Roosters 22-16 long las wik Fraide nait. Wantaim dispela win, ol Kumuls i stretim ol Roosters long wanem samting ol Rooster i bin mekim long ol pastaim.

Papua Niugini i kirap bek taim ol i putim tupela Raiders pilaia Bruce Mamando na David Westley i go insait long joinim ol. Tupela i kisim gutpela sapot long Nander Yer na huka Elias Paiyo. Na nogat nem winga James Kops i soim tru olsem em wanpela man bilong winim pilai.

Gutpela kominesen bilong ol i kamap taim ol i go insait 10 minit tasol long pilai. Gutpela liklik pilai i kamap na Paiyo i brukim lain na ron i go long hap wei mak na pasim bal i go long Westley. Westley i pasim i go long Mamando husat i lukim kepten Adrian Lam i ron i kam na givim bal long em. Long Lam bal i go long insait senta Markus Bai husat i pasim i go long Kops long kamap wantaim namba wan trai bilong ol.

Long narapela 20 minit bilong pilai, ol lain Frans i traim olgeta trik bilong ol long go insait long lain bilong PNG. Tasol ol Kumuls i stap strong tru long 6-0



• Adrian Lam.

bihain long Mamando, Westley na Yer i kamapim strongpela difens pilai wantaim Max Tiri.

Tasol long 34 minit mak, ol Rooster i brukim kiau na pas 6-6 wantaim PNG.

Bihain long dispela, PNG Wol Kap referi Tony Kuni i painim ol lain Frans i takelim David Westley antap long nek na givim

penelti long ol Kumuls. Paiyo i kisim sans long surikim skoa i go antap long 8-6.

Bihainim dispela ol Roosters i traim hat tru long skoa tasol Mamando, Westley, Yer na Tiri i blokim ol gut tru.

Taim ol Rooster i lusim bal, Lam i kisim na givim long Mamando husat i ron i go long wanpela sait na olgeta difens bilong Roosters i bihainim. Em i pasim ken kam insait long Lam husat i ron fri nating na Lam i skoa aninit stret long pos.

Tasol ol Roosters i kam bek strong tru na pasim ol Kumuls gen long 12-12 bihain long seken hap.

Bihain long dispela, Westley gen i kisim taim long wanpela hai takel bilong ol Rooster na Paiyo i kikim wanpela penelti ken na ol i go antap long 16-12 tasol ol Rooster i

skoa long 71 minit mak long levelim skoa 16-16. Long laspela 8 minit bilong pilai, tupela sait wantaim i strong tru i go insait Kops i putim laspela trai bihain long gutpela pilai i kamap long Yer, Mamando, Westley na Tiri. Kops i putim dispela trai na Kumuls i win long 22-16.



• Kumul fulbek David Buko em i wanpela strongpela man bilong Kumuls na em bai lukim olsem beklain bilong Kumuls i strong taim ol i bungim ol Kiwis long Oktoba 14.



• Fulbek bilong Manly na Kiwis Mathew Ridge i kisim liklik bagarap tasol em i wet tasol sapos i stret bai em i kisim namba olsem fulbek bilong ol Kiwis taim ol i pilaim Tonga.

WOL KAP SPESEL



• Su bilong huka Elias Paiyo long kikim gol em bai wanpela bikpela samting tru long helpim ol PNG Kumuls.



• Daryl Halligan na Jason Williams tupela em strongpela beklain bilong ol Kiwis. Ol bai bungim PNG long namba Wol Kap resis gen.




• Namba tu kepten bilong Kumuls Max Tiri em bai wanpela man bilong givim moa strong long taim ol i bungim Nu Silan long namba wan pilai bilong ol long Wol Kap resis.



• Markus Bai wanpela yangpela pilaia redi tasol long mekim nem bilong ol long intanesenel ragbi lig.

MOI ORE FOTOKO SERI SO 1995



12 pes spese

Stori bilong
stat bilong
Lae So.
Pes 10.


I gat planti
gutpela
samting.
Pes 3.

Toktok
bilong So
presiden.
Pes 7.



COLOR

Ol eria long Lae so-graun



- A. Komesal eksibita
- B. Hotikalsa
- C. Jeneral Eksibita
- D. St Johns Ambulens
- E. Balrum
- F. Ka pak bilong ol memba
- G. Geit
- H. Ka pak bilong ol eksibita

Ol lo bilong trafik i go long so.

Ol eksibita o ol lain bilong soim ol samting long so i mas go insait long so-graun bihainim geit i stap long Air Corps Rot.

Bihain long ol i lusim ol samting bilong ol, ol i mas stopim kar bilong ol long eksibitas kar pak. Sapos ol i no stopim kar ol i mas go aut bihainim Jawani Strit

Ol memba i mas yusim membas geit long go insait na long kam autsait long hap bilong Membas Ka pak.

WAU ECOLOGY INSTITUTE GUEST HOUSE

TARIFF

SINGLE:	K20.00	<i>per night</i>	
DOUBLE:	K40.00	<i>per night</i>	
FAMILY:	K50.00	<i>per night</i>	
BREAKFAST:	K 3.00	6:00am	- 7:30am
LUNCH:	K 4.00	12:00noon	- 1:00pm
DINNER:	K 8.00	6:30pm	- 8:30pm.

We also have a family unit with three (3) bedrooms with no meals provided. K30:00 Per Night.

We are the Cheapest in Town.

Phone: 44 6341 Fax: 44 6381

35th Morobe So i gat planti gutpela samting

.....bikpela lukluk em long egrikalsa

CHRIS KUNUBI i raitim

1995 MOROBE So bai i stat long Fraide Oktoba 6 i go inap Sande Octoba 8 na bai i gat planti ol gutpela pilai na ol narapela samting i kamap.

Sampela bilong ol dispela samting bai kamap long so em parasut so, Sainis dragon, ol kauboi ron long hos, paia-woks na ol tumbuna singsing.

Planti ol kampani na ol bisnis grup long Lae bai i soim ol samting bilong ol long so we ol pipel i ken lukim na baim. Ol skul na ol bikpela koles long Lae tu bai i soim ol samting bilong ol long pablik i ken lukim na save.

Planti ol gavman dipatmen bai tu bai i soim ol samting bilong ol. Wanpela bikpela dipatmen husat bai i soim ol samting bilong en em Egrikalsa na Laipstok.

1995 Morobe So bai i stap long 6-pela wan wan grup o eria. Tasol bikpela eria em Egrikalsa, hotikalsa, laipstok, ring-ivents, sait bilong komesal, ol so bilong skul. Ol dispela seksin bai i bruk i go long ol narapela liklik seksin gen.

Bikpela sponsa bilong 1995 Morobe So em Coca Cola Amatil.

Jeneral menesa bilong kampani John H. Edwards i tok long welkam toktok bilong em olsem dispela bikpela so bai i ken bringim planti bung wantaim namel long ol samting bilong tumbuna na ol nupela samting.

Presiden bilong Morobe So Sosaiti, Mike Quinn i tok i spesel yia bilong Papua Niugini bikos em i makim 20 yia bihain long kantri i kisim independens. Na dispela yia tu Morobe Egrikalsa So i makim 35 yia bilong en.

Bai i gat planti ol laki pilai bilong winim mani tu bai i kamap long so. Sampela bilong ol dispela em long ol gutpela flaua long sait bilong egrikalsa ol pipel i bringim

i kam. Bai i gat prais tu i go long ol tumbuna singsing grup husat i win.

Sekuriti long so graun bai kam long Wormald Sekuriti kampani na tu helpim bai i kam long ol polis. Bai i gat planti ol strongpela sekuriti na husat ol bikhet man husat i laik mekim trabel i mas tingting gut.

Ol sekuriti i laik mekim ol manmeri na pikinini husat i go long so i ken amamas long lukim ol wanem ol pilai i kamap.

Planti ol bikpela wok i bin kamap long mekim dispela so bilong 1995 i kamap. Ol pipel husat i bin go pas em presiden Mike Quinn, vais presiden Benson Nablu na sekreteri/tresera Natalie Green. Helpim tu i kam long planti ol narapela kaunsel na komiti ol i makim long kari-maut wok.

Dispela ol wanwan komiti i bin statim wok bilong long Septemba 25. Long dispela taim tu ol kampani na ol narapela grup husat i laik putim kamap long samting bilong ol long so tu i wok long redim ol haus bilong ol long sol graun.

Wankain olsem bipo dispela so bai i no inap lukim ol manmeri bilong Morobe provins tasol. Bai i gat ol manmeri bilong planti hap bilong Momase, hailans, Niugini Ailans na ol narapela hap bilong PNG i kamap.

Wanpela gutpela eksampel em long las wik wanpela singsing grup bilong Westen Hailans i wok long sanap autsait long opis bilong sekeri bilong so. Ol i wok long redi tasol long rejista.


Ol pipel bilong hailans na Madang bai yusim rot long go long so na ol narapela bai i kam long balus.

Bai i gat planti ol pilai i kamap long dispela so, olsem na ol pipel husat i no gat samting long wokim long dispela wiken i ken go long so graun long amamasim ol yet long 1995 Morobe Egrikalsa So.



• Planti ol manmeri bai soim ol kaikai ol i save groim long Morobe Egrikalsarel so long winim prais.

Budget



Chauffeur Drive

- Door to door service
- Professional Chauffeurs
- Personal Security Assured
- Luggage handling taken care of
- Superb reliability

Let us take the stress out of your travel ... arrive relaxed and refreshed or work as you travel

Budget
rent a car
The National Choice

Central Reservations

PHONE: 25 4111

FAX: 25 7853

Lae Office

PHONE: 42 2069

FAX: 42 6532



Superior Saws. Superior Service.

FOR THE SAWMILLING INDUSTRY

Bandsaws - Gangsaws - Circular saws - Planer knives - Chipper knives - Files - Grinding wheels - Stellite rod - Marking crayons

FOR THE PORTABLE SAWMILLER

Alaskin mills - Mini mills Token & Zeacan - Beam Sawmilling System Mills. Commercial Production Mill - Inserted Tooth Saws Teeth - Holders - Winches.

CONSTRUCTION/CARPENTRY

T.C.T Circular Saw - Handsaws - Bowsaws

COFFEE INDUSTRY

Coffee & Cocoa Pruning Saws & Blades


MOTORS

Kohler . Briggs & Stratton Petrol motor - Acme & Ruggerini Diesel motor.

GENERATORS

Stlong & Shanghai from 1.7 to 30 KVA

Remember we Service what we Sell.



TOKEN & ZEACAN PORTABLE SAWMILLS 1/4 SAW PRODUCTION MILL
Powered by 21 Hp to 61 Hp Motors.

COME & SEE THIS SAWMILL OPERATING AT MOROBE
SHOWGROUND ON 6th, 7th, 8th, Oct, 1995.

TIMBERSAWS (PNG) PTY. LTD. LAURABADA AVE, LAE, PAPUA NEW GUINEA

Phone: 42 7015 Fax: 42 7673 P.O. Box 318, LAE.



JK WALO
CONSTRUCTIONS Pty. Ltd.
 P. O. BOX 2224, LAE, MOROBE PROVINCE, PAPUA NEW GUINEA.
 TELEPHONE: 42 1514 FAX: 423867

JERRY K. WALO
MANAGING DIRECTOR

J.K. WALO CONSTRUCTIONS

✓ **MOROBE'S 100% NATIONALLY OWNED**
MASTA BUILDA!!!

✓ **"HELPING TO BUILD THE NATION"**

A member of the PNG Contractors Association

● **Renovation** ● **Extension**
 ● **Maintenance** ● **Paintings** ● **Floor Sanding** ● **And specialised in Airconditioning & Cool Room Installations for Residential. Commercial & Industrial Building**

J.K. for Quality & Style and Value



MANUFACTURERS OF
FLAME FLOUR, STOCK FEEDS
 WITH QUALITY AND VALUE
FROM
ASSOCATED MILLS LIMITED
PORT MORESBY AND LAE.
 AND
LAE FEED MILL, LAE.

P.O. Box 486,
 Port Moresby,
 Ph: 21 4055, 21 4239, 21 4575
 Fax: 21 2732.

P.O. Box 1906,
 Lae,
 Ph: 42 3555
 Fax: 42 3424

Ol namba bilong ol stal long so-graun.

Ol grup na blenis

Brain Bell Co. Pty Ltd	4 na 5
Angela Prints Advertisign	11
Wills (PNG) Ltd	12
Meridian Motors	13
Prima Smallgoods	14
Lae Biscuit	15
BHP Steel	16
Toba Motors	17
Trukai Industries	18
Morobe Stationery Pty Ltd	19
Farmset Ltd	20
Rotary Club of Huon Gulf Inc	22
Rothmans of Pall Mail	23
Boral Gas	24
Coca Cola Amatil	25
Evercrisp Snacks PNG Pty Ltd	26
ADN 27	
Papindo Trading Co Pty Ltd	29
Lae Fish Supply	30
KD Flock	32
Word Publishing Co	34
Ramu Sugar	35
Niugini Tablebirds	36
Crocodile Farm, Mainland Holdings	37
Halla Cement	38
Assembly of God	41
Oseah Awangia	42
BP (PNG) Ltd	44
Green Cabin	46
G&G Lifu Pty Ltd	47
Christian Books Melanesia	50
Robin Traders	53
Taraka Bakery	56
Niugini Beverages -	
Fairdeal Liquors	57
Nestles (PNG) P/L	58
Arnotts Biscuits	63
Scout Association of PNG	66
Rotary Club of Lae	70
Colgate Pamolive	71 and 72
Jeseo Buegum	73
Evangelical Brotherhood	74
Steamships Hardware	99
Boroko Motors	102
Ela Motors	103 B
Hastings Deering	103 A
KK Kingston	17
LMW Niugini	118
Timbersaws PNG P/L	
Jowok Timbersaws	117
International Food Corporation	Commercial Shed
Huon Electrical	Commercial Shed
Bahai	Commercial Shed

Word i amamas long stap insait long Morobe Egrikalsarel So

JAMES KILA i raitim

PLANTI ol manmeri husat i laik save long wanem samting i kamap long kantri long nius bilong Sarere i ken go tasol long Word Publishing Stol namba 34.

Long dispela stol yu ken baim ol niuspepa olsem Wantok, Weekend Sport na Saturday Independent na save long wanem nius i kamap long kantri long Fraide na Sarere. Ol manmeri husat i save pilai spot i ken lukim na ridim ol wanem ripot bilong ol spot i kamap insait long kantri na wol.

Wantok Niuspepa na Saturday Independent tu bai i ranim wanpela saplmen o 12-pela pes we i soim ol wanem samting bai i kamap long so. I gat progrem na tu mep i stap insait long dispela saplmen.

Dispela stol tu bai i salim ol gutpela kwaliti t-siot we i gat ol piksa na nem bilong Wantok Niuspela na Saturday Independent.

Rijinal menesa bilong Word Publishing long Lae, Alphonse Pu bai i stap wantaim ol lain bilong em long mekim ol wok long taim bilong so.

Word Publishing kampani em i wanpela kampani bilong misin na hetkwata bilong em i stap long Mosbi. Ol dispela 4-pela misin husat i papa bilong kampani em Katolik, Luteran, Engliken na Yunaitet Sios.

Long dispela yia Word Publishing i bin amamas long stap insait long ol bikpela so olsem Mt Hagen So, Mosbi so, Goroka so na Lae so.

Word i gat strongpela bilip long ol samting bilong edukesin na egrikalsa. Dispela em bikos long kantri bilong yumi PNG, i gat moa long 85 pesen manmeri i stap yet long sait bilong wok long egrikalsa olsem na ol kain skul na aidia ol i kisim long dispela egrikalsarel so i ken helpim ol long kamapim gutpela kaikain long haus o gaden bilong ol yet.

Coca Cola Pikinini Spot em nupela pilai long so



• Ol studen long Lae i traim pilai tee - bal insait long Pikinini spots program.

FRANCO NEBAS i raitim

MOROBE So Sosaiti i givim tok orait long Coca Cola Pikinini Spot long soim ol pilai bilong en long so long dispela wiken.

Dispela nupela Pikinini Spot em wanpela nupela ol kain pilai planti ol manmeri bai i ken lukim long dispela yia.

Kodineta bilong Pikinini Spot, Philip Lavatu i tok ol i makim 6-pela skul bihain long skul spots kanival we i bin kamap long tem-tri.

Em i tok olsem ol dispela 6-pela skul i bin pilai gut tru na i bin go insait long fainel olsem na ol bai soim ol pilai bilong ol long so taim.

Dispela ol 6-pela skul husat ol i makim

long pilai long so em gret 4 Kapul soka (Omili na Haikos), gret 5 Netta Niubol (Huonville na Taraka), gret 6 volibal (Huonville na Bubia) and gret 7 teeбол (Omili na Milfordhaven).

Mista Lavatu i tok Morobe Coca Cola Pikinini Spots tas fos i bok hat tru long redim dispela program bilong dispela bikpela pilai bilong ol skul pikinini.

Misa Lavatu i tok Coca Cola Pikinini Spot em i wanpela nupela samting na ol i laik lukim em i kamap gut long dispela yia.

Nupela "Jim Jacobsen" grensten bilong ol memba


FRANCO NEBAS i raitim

MOROBE So Sosaiti i kolim wanpela nupela grensten o ples sindaun long so graun em ol memba i save stap long en em "The Jim Jacobsen Stand"

Ol i kolim dispela grensten bihain long wanpela man husat i bin go pas long so bipo Jim Jacobsen husat i bin dai long las yia. Mista Jacobsen i bin wok wantaim so komiti long planti yia

bipo long dai bilong em. Ol so sosaiti i amamas na o onarim em wantaim dispela grensten bikos long gutpela wok bilong em long so sosaiti na tu long egrikalsa long Papua Niugini.

I gat bikpela sore long lukim wanpela man olsem Mista Jacobsen, husat i no politisen tasol wanpela man we i bin givim bikpela taim bilong em long divelopenem bilong kantri.



• Ol wokman i wok long ol stol long so graun.

Ol program bilong 1995 Morobe Egrikalsarel So

Fraide Oktoba 6

4.00 pm Led Hos
5.00 pm Bes hos long so

Sarere Oktoba 7

8.00 am Raida klas
9.30 am Hek klas
10.30 am Parasut so
11.00 am So jump
2.15 pm Pikinini Spots
3.15 pm Sainis Dragon so
3.30 pm Trukai resis
4.15 pm Rodeo pilai (kauboi long hos)
6.30 pm Paia-woks

Sande Oktoba 8

8.30 am Maunted pilai
9.45 am Ukarumpa ben
10.15 am Parasut so
10.45 am Bikpela pareid
11.00 am Taim bilong opim so
12.00 noon Singing grup
3.00 pm Sainis Dragon
3.15 pm De lait paia-woks
3.30 pm Pikinini Spots
4.00 pm Trukai pilai/ weiltifters
4.45 pm Rodeo pilai (kauboi)
6.00 pm Morobe So i pinis.



PN stationery and office supplies

for wholesale stationery and office equipment in Lae

WE HAVE MOVED!!

Why?

- To give you a bigger and better service in one handy location!

Where?

- To the ex Niugini Nius factory (Hastings Deering are opposite us!)


- Corner of Malaita and Abel Tasman Streets, Lae

Phone

- 422 005 or 425 741

Fax

- New Customer Service Hotline 423 448



Papua New Guineans have always been proud of their traditions. Parallel with the 700 plus individual languages, there are as many equally distinct traditional cultures unique in form, practise and belief.

A demonstration of such cultures is reserved for only special occasions.

In the Highlands it is generally known as MOKA, a time of exchange, feasting and dancing.

The same in New Ireland is known as MALANGAN, WARWARGIRA in Rabaul.

The MABORASA in Madang, the HIRI TRADE towards the south and the famous YAM harvest festivities in Milne Bay.

Bringing all these together, Papua New Guinea offers a feast of rich unique cultures, equal to none in the world. They are the present-day annual cultural shows in Port Moresby, Lae, Goroka and Mt Hagen. People travel for miles to participate in these colourful annual events.....

..... So we hope to see you at the next Cambridge Country show.



MENYAMYA DANCER MOROBE PROVINCE

M O R O B E S H O W
8TH, & 9TH OCTOBER 1995

Sponsored by



CAMBRIDGE

Toktok bilong presiden bilong Morobe Egrikalsarel So Mista Mike Quinn

1995 em i spesel yia bilong Morobe na Papua Niugini taim yurri amamasim 20th anivesari bilong independens bilong kantri. Sosaiti bilong mipela i salim bikpela amamas i go olgeta pipel long kantri bilong kisim dispela 20 yia olsem wanpela independens nesen na mipela i lukluk het long mekim kamap bikpela ol samting bilong developmen bilong kantri.

1995 tu i makim 35 yia bilong Morobe Erikalsarel So bilong wan wan yia. Olsem bipo program bilong mipela i gat planti ol spesel samting na ol pilai we i ken amamasim ol manmeri na pikinini. Ol dispela samting i mak bilong mani stret long dispela taim nogut we mipela i lukim prais bilong ol planti prodak i go "antap stret long ruf"

Dispela ol taim nogut bilong ekonomi mipela i kam pinis long en na dispela mipela i painim yet na ol dispela bai i kam yet i no inap senis long wanpela nait tasol, maski ol sampela lida bilong mipela i save toktok tumas long en.

Planti manmeri i painim hat long go het long laip bilong ol wantaim mani ol i kisim long en, na ol i save lukluk long ol sampela rot long kamapim kaikai bilong ol yet. Ol i save groim kaikai bilong ol yet baksait long haus bilong ol.

Sosaiti bilong mipela olsem wanpela egrikalsarel sosaiti i gat bilip olsem so i wanpela gutpela ples bilong soim ol wanem samting i ken kamap gut long eria na provins bilong mipela. Taim ol pipel i lukim ol i ken kisim aidia long wanem samting ol i ken wokim long apim prodaksin bilong kaikai bilong gaden na ol egrikalsarel kaikai. Ol haus bilong soim ol kaikai i gat planti ol kain kain kaikai we yumi ken groim long hia na mipela i bilip ol manmeri i taim long go long hap na kisim sampela tingting na aidia long yusim long haus. So em wanpela

ples ol komesal produsa bilong ol egrikalsa kaikai i ken soim ol samting bilong ol na tu resis wantaim ol narapela long ol prais. Mipela i bilip olsem kompetisen i wanpela gutpela wei bilong bringim ap gutpela na planti gutpela egrikalsa kaikai.

So bilong dispela yia bai i gat sampela ol nupela samting bilong pulim ol manmeri. Sampela bilong ol dispela emerial ekrobat na Pikinini Spot na tu ol narapela pilai bilong amamasim ol manmeri olsem paia-woks long Sarere nait na Sande apinun, skai daiva na bikpela loli bai pundaun, kauboi na equestrian, ol singsing grup na ol polis ben bai i mas. Bai i gat 35 pela singsing grup olgeta long dispela so.

Wanpela spesel samting bai i kamap long taim bilong opim so em ol i bai kolim wanpela grenstend bilong ol memba long so-graun olsem "The Jim Jacobsen Stand" bihain long wanpela man i go pas long statim so sosaiti. Bihain long givim 36 yia bilong em long komiti em i bin dai long las yia. Mipela i amamas long onarim Jim Jacobsen wantaim dispela liklik sain bilong wanem em i bin givim bikpela taim bilong em long Lae, na tu em i wanpela man i save wok politik tasol em i bin givim taim bilong em long long Papua Niugini, tasol ol i no luksave long dispela. Papua Niugini bai i no inap amamasim 20 yia bilong independens sapos ol man olsem Jim Jacobsen i no givim taim bilong ol.

Las yia ren i bin pundaun na wasim ol manmeri long taim bilong so, tasol so i kamap gut. Namba i pundaun i go daun liklik. Mipela i bilip olsem bi i gat gutpela taim na bai mipela kisim gutpela namba i kamap long so. Mi ken tokim ol petron olsem Morobe So bilong dispela yia bai gutpela moa long ol narapela so mipela i bin gat long bipo olsem na mi singau-



• Mike Quinn. Tim yupela olgeta long kam long so graun long dispela tupela de na amamas.



• 1995 Morobe egrikalsarel so sosaiti komiti. Foto: Alphone Pu.

Realfresh

*the new
fruit juice
drinks
that taste
real fresh*

...

Realfresh ...real fruity!

Empitieta bai pairap wantaim planti PNG musik

.....Wali Hits na Old Dogs & the Offbeats redi long mekim nois long Lae

FRANCO NEBAS i raitim

COCA Cola empitieta long Morobe Sc graun bai i pairap stret long dispela wiken wantaim sampela bilong ol top ben bilong kantri i pilai.

Planti bilong ol lokal musikman bilong Morobe na ol narapela senta bai pilai laiv long dispela so na ol manmeri i ken lukim

Tupela ben bilong Lae Sagothongs na Reks ben bai i soim stail bilong ol, na tu dispela nupela stail lain bilong Madang Wali Hits husat nau i wok long soim strong bilong musik bilong ol long PNG Top bai i pilai.

Narapela grup bilong Madang yet Old Dog & the Offbeats tu bai i kamap wantaim ol stail bilong ol yet.

Narapela tupela grup husat i redi pinis long pilai long so em Nokondi Nama bilong Goroka na Extensions bilong Mosbi.

Mausman bilong sponza bilong empitieta, Bill Warap i tok wanem ol ben husat i laik pilai i ken givim nem long em long rejista long pilai.

Ol i no inap givim prais long ol husat ben i pilai long so. Dispela konset i bilong lukim ol ben i soim stret stail bilong ol. Mista Warap i tok long bipo sampela grup i save

komplen long sponza i no givim longpela taim long ol long pilai na win olsem na long dispela yia.

Tasol bai i gat ol t-siot na ol drink bai i stap na tu prais bilong geit tu bai ol sponza i kisim.

Em i tok tu olsem ol dispela ben husat i stap autsait long Lae i mas mekim rot bilong ol yet long kamap long so na tu ol yet i mas stretim ples bilong ol long slip.

Em i tokaut tu olsem ol ben husat i rejista pinis long pilai em Reks, Sagothongs, Nokondi, Wali Hits na Old Dog & the Offbeats. Tasol i gat moa ben i ken kam.



• Tupela memba bilong Reks ben Caspar na Bongas tu bai pilai long Morobe So.

FINEST QUALITY

Besta

MACKEREL

PNG MADE

It's Better It's Besta!

Namba wan So long Lae teknikal Koles

NAMBAWAN Agrikalsa So bilong Morobe provins i bin kamap long 24 Oktoba, 1959 long Lae Teknikal Koles graun. Tasol pastaim long en, hetkota bilong Morobe So Sossait i bin stap long Wau taun. ol i saveholim long bipo i kam inap long 1958.

Tripela os olgeta i bin kamap long Lae Teknikal Koles graun we nambawan so i kamap bihainim nem Lae Agrikalsa So Sossait na bihain long en ol i senisim nem ya i go Morobe So Sossait na bihain Lae Sossait.

So Sossait i bin kisim gutpela sapot long ol bisnis komyuniti long sponza bilong kamapim ol dispela so long olgeta yia. Lae Teknikal Koles tu i bin givim dispela sapot long holim so long skul graun bilong em. Olsem na ol i bin yusim ol kasrum na ol bikipela haus bilong skul long putiom na soim ol samting bilong so long ol manmeri i raun na lukim.

Long dispela tiam ol komiti bilong So Sossait i wok strong, long painim graun bilong holim so long en. Olsem na ol i traim long katim ol bikipela diwai na klinim ples long Lae

teknikal skul graun. I gat sampela pauda bom bilong woa tu i stap oslem na ol i yusim long brukim ol maunten na bikipela diwai i go daun long ples bilong so.

Graun i no redi yet oslem na namba tu so i bin kamap gen long Lae Teknikal Koles na i kamap gut tru wantaim planti samting bilong lukim na pilai wantaim. Dispela taim, Gavana Jenerel bilong austraila long nau i bin Ges Spiks na opim dispela so.

Namba tu so

Long dispela namba tu so, planti manmeri tru i laik go antap na sindaun long gren sten. Bikipela toktok ti bin kamap olsem ol manmeri mas sidnaun long hap raun stil we Gavana Jenerel i mas sindaun long namel long lukim olgeta manmeri bikos i no gutpela long ol manmeri i sindaun na givim beksait long Gavana Jenerel.

Olgeta manmeri i husat i bin sindaun wantaim Gavana Jenerel long opisel bens i bungim bikipela hevi tru taim olgeta i laik sindaun long ol sea na sea i bruk na olgeta bik-

man na meri bilong ol, ol visita na opisel wantaim Gavana Jenerel olgeta i pundaun i go daun long floa we ol kaikai na dring long tebol i kapsait antap long ol.

Bikos i gat bikipela ren long taim bilong holim narapela so, komiti i tingting long traim holim so gen long narapela mun. Ol i ting long holim so long Epril Fuls 1st De long 1962 tasol ren i bin pundaun long dispela taim.

tripela so long dispela taim i gat ren i pundaun na bagarapim. Long ol dispela taim long 1962 i kam, i no gat ol laki tiket o ol laki pilai nabaut long so.

Wanpela bikipela resis we i save kamap long so em wanwan distrik i save kam soim ol wok na ol samting bilong eria bilong ol. Long dispela resis, ol lokel kaunsil i save go pas long dispela resis we ol i save traim long putim kamap ol gutpela samting bilong distrik bilong ol. Long disepla taim tu, tumbuna singsing i no bin kamap bikos komiti i no save putim kamap tumbuna singsing long so progrem inap so i kamap long nau So Graun na tum-

buna singsing i gat bikipela spes long go insait.

Painim graun bilong So.

Ol lain bilong so komiti i bin pait strong tru long painim wanpela hap graun bilong holim so long en. Ol i bin pait strong long kisim dispela hap graun long Lae Maket we ICI Dulux kampani i sanap long en. Ol komiti membas i go na stat long klinim dispela hap graun tasol bihain toktok i kamap na ol i muv i go long ples nau Lae So graun i stap long en long Makam Rot.

1963 so i bin kamap long taim bilong ren olsem na komiti i senisim taim i go long mun Oktoba na Disemba. Namba 5 so i kamap long mun Disemba na dispela taim tu em bikipela ren i pundaun.

Long 1973, Lae i kisim nem nambat tu siti bilong Papua Niugini na bikipela skul PNG Institut ovTeknoloji i kisim nem Yuniversiti ov Teknoloji.

Long 1973 so, ol manmeri i kam olsem long Skotlen, Ingran, Wales, Kenia na Australia. Ol i bin go

long Lae bikos long Royal Agrikalsa Sosaiti bilong Komonwel Konfres long Nu silan na dispela taim ol i bin lukim Morobe So.

Singsing tumbuna Tumbuna singsing i wok long isi isi i kam insait long pulim planti manmeri moa. Dispela taim So Sosaiti, Morobe provinsel gavman na Lae Siti Atoriti i pasim

toktok long putim tumbuna singsing tu long long pulim ol manmeri bilong ples tu i kam na amamas long lukim so. Dispela tingting kamap taim ol i raun na lukluk long Hagen So long 1960.

Wanpela bikipela pilai tru long dispela taim em ol paiaman i wokim wanpela bikipela haus na sanapim wanpela

paiaman antap long en. Ol i kapsaitim ol bensim na kerosin long haus ya na stat kukim long paia. Ol i yusim ol paia ka bilong ol long kilim indai paia tasol wara i sot long paia nas man antap long haus i kalap na brukim lek bilong em. Ol paia man i yusim wara hos bilong ka na pulim dispela paia haus i go ausait.



• Agaiyamo bilong Oliguti viles long Lufa, Isten hailans provins i amamas stret na soim dispela bikipela pamkin em yet i groim long gaden bilong em

Jackets
and Ties
not
required



For Down to
Earth People
at Down to
Earth Prices




Port Moresby-Gateway Hotel
The Gateway is a natural hotel to get away from it all; and for business a great place to get it all together.

Madang-Smugglers Inn Resort
Tree-infested fairways, whispering sand and colour everywhere. This is oceanside life, fresh seafood, warm breezes and the rhythm of the surf to caress you to sleep.



Mt-Hagen-Highlander Hotel
The Highlands, remote, rugged & tough. The Highlander Hotel is the exact opposite-central, convivial and very comfortable- be it business or pleasure.

Lae-Melanesian Hotel
The most up-to-date Hotel downtown Lae- Conventions, Conferences and creature comforts catered for courteously and professionally.



FLAG
INTERNATIONAL
HOTELS · INNS · RESORTS · APARTMENTS


Coral Sea Hotels
Forever Courteous

FLAG
INTERNATIONAL
HOTELS · INNS · RESORTS · APARTMENTS

PO Box 1215, Boroko N.C.D., Papua New Guinea

CENTRAL RESERVATIONS PHONE (675) 25 2612

Stori bilong stat bilong Lae So long 1959

Sarere Oktoba 24, 1959 em i wanpela bikpela de bilong Lae stret. Dispela em i stat bilong nam-bawan Lae Egrikalsarel So.

Bihain long namba tu wol woa Lae na ol ples arere long en i bin painim bikpela bagarap na i no bin luk gut- na bikpela wok ekonomi em long bungim na salim ol dispela samting bilong woa.

Long 1950 ol waitman husat i stap long Lae i lukluk long kirapim ol liklik wok bilong egrikalsa long ples insait long Lae.

Long dispela taim wanpela man nem bilong em Eddie Ward em i Australia Minista bilong Teritoris long Kanbera na em i no laikim ol i mas salim graun. Tasol long taim bilong senis bilong gavman wanpela man nem bilong em Mista Percy Spender i kisim wok na i senisim dispela lo. Dispela senis i

bringim gen narapela samting taim ol sevisman bilong bipo na wanpela kredit skim bilong ol i lukim wanpela bikpela wok bilong egrikalsa insait long PNG- Lae tu i stap insait long dispela.

Long namel bilong 1950 ol bikpela taun long PNG i gat ol so sosaiti long Madang, Goroka, Mt Hagen, Mosbi na Wau.

Long dispela taim Lae i no bin gat so sosaiti, tasol long dispela taim planti ol lain bilong planim kaikai i sapotim Morobe So Sosaiti bilong bipo na hetkwata bilong en i stap long Wau.

Long taim bilong 1950s Lae i gat ol strongpela lain grup bilong egrikalsa husat i statim dispela asosesin ol i kolim Morobe Distrik Plentas na Fama Asosesin. Dispela MDP&F i lukim olsem Lae eria i mas sapotim wanpela so bilong em yet, fasol ol i tok wanpela narapela

sosaiti i mas kamap. Long stretim dispela askim ol komiti i askim presiden bilong ol Mista J. H Jacobsen long holim wanpela pablik miting long kamapim Lae So Sosaiti.

Long dispela namba wan so sosaiti miting tupela memba bilong MDP&F Mista Duncan Paterson, husat i papa bilong Bewapi plentesin i kisim wok olsem junia presiden na Mista Jim Jacobsen i go pas olsem man bilong lukautim olgeta wok bilong komiti.

Dispela em nem bilong ol memba husat i stap long namba wan komiti em,

Presiden Mista S.F. Bretag, husat pastaim long woa i papa bolong "Morobe Nius" niuspepa na long dispela taim em i kampani sekreter bilong Niugini Indastris. Mista Bretag em wanpela man planti ol lain long Lae i save rispektim



• Ol lain bilong asples Butibam i givim samsam long Morobe So long 1994.

em gut na sampela taim ol i save lukim em olsem meya bilong Lae,

Sinia vais-presiden em Mista N, (Jerry) Owens, huat i sinia menesa bilong N. G.G long Wau na em i makim "Morobe" (Wau) Egrikalsa Sosaiti

Junia vais-presiden em Mista Duncan Patteson. Bipo em i wanpela man bilong planim kaikai long Malaya husat i kam long wok long Bewapi plantesin long stat bilong 1950.

Sekreteri em Arthur Ewing, husat i wanpela long taim edministresin opisa na bihain em efia len taitel komisina.

Tresura em Mista Jim Knight, husat i fainensal kontrola bilong Greg Goudie (papa bilong Graham Goudie) husat i save ranim bisnis bilong rausim pipia na bihain i wokim wanpela gutpela hadwea stua.

Asisten Sekreteri em Mista George Spurier husat i menesa bilong United Insurance na narapela asisten sekreteri em Bernice Harris husat i save wok distrik opis.

So dairekta em Mista G (Ned) Zavattaro husat i save wok olsem

menesing dairekta bilong N.G.I.

Ol komiti em K. Byrant - menesa bilong Komonwelt Benk, E. R (Eric) Wilson-distrik egrikalsa opisa, J. H. Jacobsen, husat i menesa bilong Suambu na Laiwomba plentesin na presiden bilong MDP&F Asosesin, Mista W. J (John) Hughes husat em menesa bilong Bubia Eksperimantal stesin.

Dispela 3-pela namba wan so i bin kamap long Lae Teknikol Koles. Dispela namba wan so tasol em ol i yusim nem ya "Lae Egrikalsarel Sosaiti" bikos bihain long namba wan so ol pipel bilong Wau i amamas long givim nem Morobe i go long ol Lae Sosaiti long yusim.

Long dispela 35 yia olgeta so sosaiti i stap em i bin kisim bikpela helpim long mani i kam long bisnis haus husat i save wok long Lae na ol

samting bilong ol, ol i save salim long Lae. Em i gutpela tru long lukim dispela ol lain husat i givim helpim long sait bilong mani long namba wan so em :-

Arnott, William Pty Ltd, Australia and New Zealand Bank, Bank of New South Wales, Bulolo Gold Dredging Ltd, Carlton and United Breweries Ltd, Commonwealth Bank of Australia, Commonwealth New Guinea Timba Ltd, Ewing Arthur, Fesq & Co Pty Ltd, Hills Hoist Pty Ltd, Mason, Theo, Nelson and Robertson, Nut Foods Pty Ltd, Penfold Wine Pty Ltd, Qantas Empire Airways, Red Mill Rum Ltd, Stubbs, John, Theatre Milk Bar, United Insurance Co Ltd, Universal Business Directors (Aust) Pty Ltd, Western Barbed Wire & nail Pty Ltd, Yales, Arthur & Co Pty Ltd.

ESCO

PTY. LIMITED

For a complete range of Wholesale Electrical Supplies

Stanilite

EMERGENCY LIGHTING

DON'T BE LEFT OUT IN THE DARK



EMERGENCY



DOMESTIC

LET US HELP YOU SOLVE ALL YOUR EMERGENCY AND BACK UP LIGHTING WORRIES



EVACUATION




POWER PACKS

ELECTRICAL WHOLESALE SPECIALISTS IN PNG

PORT MORESBY P.O. BOX 1463 BOROKO PH: 325 5300 FAX: 325 9020	RABAU P.O. BOX 2153 RABAU PH: 92 8527 FAX: 92 8527	LAE P.O. BOX 1806 LAE PH: 42 1933 FAX: 42 2043	MT. HAGEN P.O. BOX 88 MT. HAGEN PH: 52 1999 FAX: 52 2737
--	--	--	--

Ol presiden bilong Morobe provins Egrikalsarel Sosaiti.

1958-1965	A. J Bretag
1965-1974	J. H. Jacobsen
1975	W. Kundin
1976-1977	J Sawanga
1978	M. Salone
1979	R. Taetaeng
1981-1983	G. Home
1984	B. Oberlenter
1985-1991	M. Kerro
1992-1995	M. Quinn.



• Ples bilong go insait long wanpela hotel long Lae.



• Lae war memorial.



PRIMA

TASTES GREAT!


MANUFACTURERS & WHOLESALERS

★ ALL VARIETIES OF SMALLGOODS ★

- ★ WHOLE PIGS ★ FEEDLOT BEEF
- ★ PORK CUTS ★ BEEF CUTS
- ★ LAMB FLAPS ★ MUTTON CHOPS
- ★ LAMB CUTS ★ BARRACOUTA

LAE - PH: 42 1166 Fax: 42 6016

SOLARPOWER



The Magic Lantern Sunlight Whenever and Wherever You Need It

The Magic Lantern is a solar-powered rechargeable portable lantern, designed for regular and sustained use every night. It is:

- **SOLAR-POWERED:** Non-polluting, inexhaustible energy from the sun.
- **BRIGHT:** Brighter light for more hours than any other solar lantern in the world.
- **DEPENDABLE:** Advanced design and high-quality components ensure reliable operation for many years.
- **EASY TO USE:** Just follow the simple instructions.
- **SAFE:** Even children can operate it.
- **FLEXIBLE:** Gives you light everywhere. Anytime.
- **ROBUST:** Reliable and durable design. Take it anywhere.
- **ECONOMICAL:** No throw-away batteries, no fuel cost.
- **MAGIC:** You get all this - and more - at an affordable price.

CLEAN LINE SYSTEMS (PNG) PTY LTD
P.O. Box 43,
Waigani, NCD.
Tel: 325 2555 Fax: 325 0872.

RAD - TEL (PNG) PTY LTD.
Warakum Street, P.O. Box 1091,
Mt. Hagen, W.H.P.
Tel: 52 1836 Fax: 52 3458

RAD - TEL (PNG) PTY LTD.
Markham Road, P.O. Box 454,
Lae, Morobe Province,
Tel: 42 62 03 Fax: 42 7577.

Nupela BIF NEVI BISKET bai kamap long Morobe So

OL MANMERI husat bai i go raun na lukim 35th Morobe So bai i guria taim ol i go lukluk raun long pavilion bilong Lae Bisket kampani.

Nesenel Sels Menesa Mista Guba J. Daera bilong Lae Bisket Kampani "ples bilong namba wan bisket tru bilong PNG Nevi Bisket bai i welkamim wanpela nupela bisket i kam insait long Nevi na Kebin bisket femili. Dispela Bif Fleiva Nevi bisket bai ol i salim aninit long bren nem, BIF NEVI BISKET.

"Ol samting i stap insait long dispela nupela Bif Fleiva Bisket bai i wankain tru olsem ol narapela liklik na bikpela nevi bisket, tasol wanpela samting ol i putim em dispela spesel Lae Bisket Bif fleiva," Mista Daera i tok.

Lae Bisket Kampani i bin opim dua bilong em long bisnis long 1971 long Lae na i bin mekim bikpela wok long sait bilong beking industri long Papua Niugini.

Taim beking industri i mekim bikpela wok insait long kisim ples bilong kaikai industri bilong planti populesin bilong kantri, bikpela wok bilong kampani em long givim ol wankain bisket i stap aninit long lo bilong kam-

pani, "Kaikai i no bilong baim na kaikai tasol, em i mas gutpela long yu tu."

Lae Bisket i wanpela bikpela bekeri em 100 pesen Papua Niugini stret. Ol gutpela lain tim bilong wok painim aut i gat olgeta nesenel lain i wok na ol i save gut long ol maket bilong Papua Niugini, ol samting i stap long maket, ol plen bilong developim prodak, putim long boks na lukluk long kamap bilong "Bif Nevi Bisket" long dispela taim stret we ol kastoma i laikim.

Mista Daera i tok "Kamap bilong Nevi na Kebin bisket long 1971 em bilong ol pipel bilong Papua Niugini.

Laik bilong em long Papua Niugini maket i soim. ol save bilong kampani long ol pasin bilong ol pipel bilong Papua Niugini na dispela em i wanpela bikpela rot we kampani i bin win tru long salim ol nambawan

Nevi na Kebin bisket bren bilong en insait long dispela 24 yia em i stat wokim bisket long kantri.

"Long bipo, dispela bif fleiva bisket em ol lain mipela i save resis wantaim i wokim na gat 100 pesen pawa.

"Mipela i amamas olsem stat bilong dispela nupela Bif Feiva Nevi Bisket bai i amamsim ol lain bilong kaikai bisket long go long wanem prodak ol yet i laikim, dispela bai i kamapim kompetisen, gutpela prodak, gutpela kwaliti na tu gutpela prais.

Ol kastoma bilong mipela bai i ken amamas long save long gutpela bisket bilong Nevi Bisket taim ol i dring kap ti - long dispela taim tasol ol bai gat tupela narapela kain bisket long kisim long plet na kaikai," Mista Daera i tok.

Lae Bisket kampani i no nupela pes long beking industri na ol gat bikpela bilip long lukim nupela prodak bilong ol i go gut long PNG maket.

Long lukluk bilong ol long ol oda i kam i soim olsem i gat gutpela sain olsem ol i ken tok bai i gat gutpela sea bilong maket bilong dispela nupela prodak.

Plen bilong kampani long staim dispela Nevi Bif Bisket wantaim maket bilong PNG i stap wantaim lain long mekim bikpela na bringap prodak bes bilong en, planti taim long lukautim gut wanem ol kastoma o ol manmeri i laikim. Mista Daera i tok ken

olsem, "Long skelim prais bilong Nevi Bif Bisket i ken inapim poket bilong wanpela liklik man taim yu skelim prais bilong tinpis na rais bai i ken go wankain long 10-pela paket bilong Nevi Bisket.

Long bihain taim Nevi Bisket bai i ken stap longpela taim. Nupela prodak i gat bikpela hevi inap long 120 gran we i gat 4-pela bikpela bisket we i ken amamasim ol lain husat i save wok mani.

Bisket bilong Lae Bisket Kampani "Bikpela na Strongpela," i bikpela tru long Papua Niugini olsem na ol risets o ol lain bilong wok painim aut long kampani wok strong yet long wanpela program we i lukluk long bringim ap ol kwaliti bilong ol dispela wan wan prodak bren.

Long ol yia taim kampani i wok long kantri Lae Bisket i wok long go strong yet long wokim na maketim dispela Bikpela na Strongpela Nevi Bisket.

Stat bilong dispela nupela Bif Fleiva Nevi bren i go het long strongpela wok bilong kampani long nevi bisket maket na i luk olsem dispela nupela bisket i ken kamap gut wantaim taim.

Dispela Bikpela na Strongpela bisket em wanpela nem bilong Papua Niugini stret long bipo yet na taim dispela prodak i stap long stua bai i ken lukim planti lain husat i save laikim tru i amamas," Mista Daera i tok.

Mr Daera i gat bikpela bilip olsem dispela nupela Nevi Bif Fleiva bisket bai i gat gutpela maket bilong em wantaim ol narapela bisket bilong PNG stret olsem Nevi na Kebin na em i saptim prodak long kamapim dispela nupela bren wantaim strongpela yelo kala paket wantaim foapela gutpela bif fleiva Nevi bisket i stap insait.

Mista Daera i pinisim tok olsem, "75 pesen i go 80 pesen ol manmeri husat i save kaikai bisket i traim pinis na laikim nupela Lae Bisket, Bif Fleiva Nevi Bisket. Bisket bilong mipela i gat gutpela bif fleiva, gutpela prais, bikpela hevi bilong bisket wantaim kwaliti na redi gut tru.

Wanpela liklik hevi yu ken painim taim yu laik baim nupela Bif Nevi Bisket em olsem, bikos em i gutpela tru em i save pinis kwiktaitim na planti taim nogat wanpela i save stap long ples bilong salim long stua."



LAE BISCUIT

INTRODUCING
OUR TASTY...
NEW



BIKPELA NA STRONGPELA BEEF FLEVAI

BETTER

CHOICE

PRODUCT

PRICE

FLAVOUR

BEEF

NAVY BISCUIT

LAE BISCUIT CO. PTY. LTD

HEAD OFFICE
P.O. BOX 1331, LAE
PAPUA NEW GUINEA
TEL: 42 1499 / 42 2779
FAX: 42 1524

PORT MORESBY OFFICE
P.O. BOX 297, BOROKO
PAPUA NEW GUINEA
TEL: 25 1266 / 25 1365
FAX: 25 1512

KIMBE OFFICE
P.O. BOX 454, KIMBE
PAPUA NEW GUINEA
TEL: 93 5060
FAX: 93 5332

RABAU OFFICE
P.O. BOX 423, RABAU
PAPUA NEW GUINEA
TEL: 92 2399
FAX: 92 2090

MT HAGEN OFFICE
P.O. BOX 175, HAGEN
PAPUA NEW GUINEA
TEL: 52 2225
FAX: 52 2223

LUKIM YU LONG MOROBE SHOW !!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.